

EXTRACTVM

CHYMICARVM

QVAESTIONVM, SIVE
RESPONSIONIS AD THEORI-
am lapidis philosophici editam in aca-
demia Regiomontana à quodam
ibidem antichymista.

VBI VERITAS ARTIS
CHYMICAE ETIAM CONTRA
*principia negantem asseritur, & multae dif-
ficiles & iucundae quaestiones
discutiuntur:*

345-A-14 AVCTORE

JOHANNE CUNRADO GER-
HARDO. M. D. ILLUSTRIVM COMITVM
de Hoenloe & Civitatis Oringa-
nae Physico.



ARGENTORATI,

Impensis Heredum LAZARI ZETZNERI

BIBLIOTECA NAZIONALE
ROMA
VITTORIO EMANUELE

24. mi

11/10/1912
11/10/1912
11/10/1912

11/10/1912
11/10/1912

11/10/1912

ILLVSTRISSIMO

RINCIPI DOMINO, DO-
MINO, JOHANNI FRIDERICO Duci
Wirtembergico & Teccio, Comiti Mompel-
gardi Domino Heidenheimio &c.
Domino suo clementissimo.



*Uim Hannibal (ut refert Cicer. 2. de
oratore) Pœnorum quondam impe-
rator, Carthagine à suis expulsus E-
phesum ad Antiochum regem, tum
temporis potentissimum venisset exul:*

*pro eo, quod ejus nomen erat magna apud omnes
gloria, invitatus dicitur à suis hospitibus, ut Phor-
mionem philosophum audiret, quem ipse non invi-
tus audiens copioso sermone aliquot horis differen-
tem de imperatoris officio, deq; omni re militari:
cunctis huius facundiam admirantibus, Hanni-
bal interrogatus, quidnam de hoc philosopho senti-
ret? Barbaro quidem sed tamen libere respondit ser-
mone, multos se deliros senes vidisse, sed qui magis,
quam Phormio deliraret, vidisse neminem. Nec
injuria. Quid enim arrogantius vel loquacius fe-
ri potuit, quam Hannibali, qui tot annos de impe-
rio cū populo Romano omnium gentium victore certas-
set, Græcū hominē, quin unquā hostē, nunquā castra
vidisset, nunquam deniq; vel minimam ulius pu-
plici muneris particula attigisset, præcepta de re
mili-*

D E D I C A T I O.

*militari dare. Ita non dubito, Illustrissime princeps,
 Domine Clementissime, quin Johannes Papius me-
 dicus aulicus & professor Regiomontanus (cujus no-
 men, quoniam in medicorum numero tantam besti-
 am sophisticam reperiri pudet, semel expressum,
 porro non tam sponte, quàm deprecatione cujusdam
 amici, ejusdem professionis silentio & sub antichy-
 mista vocabulo involvo) rhetoricâ suâ lapidâ philo-
 sophici, quam in calumniam & infamiam chymicæ,
 chymistarumq; sine exceptione personarum, bono-
 rumq; artificum à malis discretionem (impostorum
 enim defensionem ut declarabitur argumento de-
 cimo nono, non suscipio) conscriptam, sub illustris-
 simi nominis tui patrocínio cum impudenti, arro-
 ganti & in bonos viros ignominiosa præfatione non
 ita pridem in lucem edidit C. V. multo magis deli-
 rare visus fuerit, vehementiusq; displicuerit, quàm
 olim Hannibali Phormio ille, cujus in re militari,
 etsi empiria deerat doctrina tamen major, & ora-
 tio modestior erat, quàm antichymistæ nostri de re
 metallica, chymicæq; disceptatio. Ille enim græcus
 tam copiosè, ornateq; de officio ducis belloq; gerendo
 dicere non potuisset, nisi longè prius ex historicis bel-
 licarumq; rerum scriptoribus doctrinam conceptâ
 & quasi systema quoddam ejusmodi theorematum
 generaliumq; præceptorum observatum collectum-
 que in promptu habuisset; etsi usu rerum carebat,
 cujus causa ab Hannibale deridebatur. Alter verò
 iste Phormio earum rerum de quibus disputat, non
 tam usu destitutus est, quàm omni prorsus doctrina.
 Ex omni enim ejus sermone indubitatissimè nobis
 constat, sicut in tota refutatione postea ostendetur,*

D E D I C A T I O.

67

illum nullum unquam in metalla pedem posuisse, nullos puteos aut cuniculos subjisse, neminem metallariorum super his interrogasse vel audisse, nullum verum aut falsum chymicum, id est, philosophum in universa vita sua vidisse, nulli projectioni adfuisse, nullum arte factum aurum, siue verum, siue falsum attigisse, vidisse, probasse, vel etiam probare didicisse; imò ne metallicorum quidem scriptorum vel docimastarum aut philosophorum de his rebus libros vel per transennam saltem inspexisse, quippe qui per totam disputationem ne minimum quidem testimonium auctorum in suffragium opinionis sue adduxerit, imò ne ullius vel metallici vel chymici scriptoris meminerit, nisi solius Gebri thesi 72. ex quo tamen ne quinque quidem verba de conditionibus tincturae integrè, incorrupteq; citare noverit, ut demonstrabitur in argumento decimo quarto. Artis verò distillatorie & rerum distillatarum adeò rudis est, ut thesi 60. contra omnium medicorum & pharmacariorum experientiam singulari novoq; paradoxo ausit negare, oleum cinamomi esse oleum. Nihilominus pro eâ, quâ est sophisticâ fronte & mente C. V. ceterisq; illustrissimis chymie patronis, qui & in diversis metallifodinis operas fossoresq; sustentantes de metallorum ortu, incremento, perfectione, aliisq; subterraneis eventis quotidie relationes certas accipiunt, & in dubitata chymica projectionis documenta, vel ipsi oculis vident, vel ex gentilitia traditione in χειμῆλιο Φυλάκιοις suis adhuc asservata, cœu naturæ miracula, sanctè custodiunt, multoq; verius omnia explorata habent, ta-

D E D I C A T I O.

men inanis iste in pulpito speculator nō erubuit, co-
nari contra metallicorum fūssorum, scriptorumq;
catholicum, perpetuumq; testimonium ab ipsis sen-
sibus ortum, contra philosophorum doctissimorum
consensum, rationes & experimenta, tam metallo-
rum generationem, quam artis chymice veritatem
nullam esse insulissimis paralogismis, ut mox in re-
futatione patebit, persuadere. Quin ausus est ad fi-
dem sibi faciendam enormi vanitate & jaclantia
prefari in hac verba: se in cognoscendis strophis istis
sophistarum multos annos impendisse, donec per sin-
gularem (scilicet) Dei gratiam adhuc fundamen-
ta descenderit, quibus nixus petit tandem, ut C. V.
ad chymistas, quos indiscriminatim pestem nomi-
minat, profligandos omnes vires suas convertat, re-
liquisq; principibus & Rebusp. autor sit similiter
faciendi. At quæ temeritas viri? Credi sibi vult in
ea scientia, cujus nec principium quidem novit, nec
minimam partem usus habet. Fundamenta hæc,
quibus superbe & iniquè in chymiam debacchatur
artificsq; temerè damnat, postea particulatim ex-
aminabuntur, sed nugamenta esse vel hinc apparet.
Ait se multos jam annos in cognoscendis istis sophi-
starum strophis impendisse. Credimus hoc. At non
in chymistarum, sed in suis ipsius sophisticis & anti-
chymistarum nugis tantum temporis inani conatu
& fructu contrivit. Quomodo enim in chymico-
rum philosophorum strophis aliquid nisum sit, quo-
rum libros nullos habet, nec legit, nec citavit ullibi?
nec si habet, si legit, citare potuit, quia non intelli-
git, ut perspicitur ex thesi sua 37? Ars nostra nullum
patitur

patitur damnum à suis paucis deliriis, quæ ipse secum suaviter domi somniavit & postea refutavit. Tunc vero pateretur, si antichymista unum saltē classicum hujus scientiæ scriptorem toridem annos in manus sumisset & ex solidis philosophiæ fundamentis refutasset, quod tamen ad calendas Gracas fiet. Si nescit, quem eligere oporteat, propono ei Petri Boni Lombardæ Ferrariensis medici margaritam. Judicat enim Hieronymus Rubens ejus rationes hætenus inconcussas videri. Quas cum solertissimus quisq; intactas reliquerit, aut si attigit, cum dedecore relinquere coactus sit, procul dubio desperandum & antichymista erit. Neq; novi ego ullum eorum, qui hætenus alchymiam oppugnarunt, quin contra solidissimè semper fuerit refutatus, & qui ad hunc lapidem quasi offensionis caput non illiserit, nihil inde nisi ludibrium apud literatos & peritos rerum pro mercede reportanda, sicut & antichymista ista noster abundantior meretur mercedem, quando impudentia & calumniandi libidine longius ceteris progressus est: ubi non solum ejus inscitia & temeritas, sed etiam iniustitia & malignitas innotescit petentis sine plena veritatis, ordinariæq; causæ cognitione à magistratu artificibus talibus aqua & igni interdicens. At contra petunt accusati benignè audiri, intereaq; furiosum suum accusatorem vinculis retineri, donec coram delecta literatorum judicum corona causam dixerint. Adum enim esset de omnibus artibus & omni planè philosophiæ, si ignorantium & imperitorum

D E D I C A T I O.

judicio standum foret. Qua de causa preclare princepsq; dignum facit C. V. quod non statim ad cuiusvis imperiti iudicium fletatur, sed quemadmodum Hannibal Phormionem illum belli rudem de ducis officio & omni re militari loquacem iudicem non tulit, sed scitissimo dictorio irrisit, ita ipsa hunc alterum Phormionem in arte chymica omnis usus & rationis expertem, multoq; ignorantiorẽ a iudicio harum rerum hactenus repulerit. Quoniam, ut Petrus Ferrariensis scribit, ignorantes tantum propterea artem alchymia dicunt falsam, quod obtrudunt se non vocatos, nec electos ad iudicandum de eo, de quo iudicandi potentiã non habent. Nam unusquisq; benẽ iudicat de jis, quæ novit & didicit, & eorum est bonus iudex i. ethic. Nicom. cap. 3. Ergo per appositum, nemo benẽ iudicat de jis, quæ ignorat, & non didicit, neq; eorum penitus est bonus iudex, præsertim cum iudicium operabilem in operibus causetur. Hinc Hippocrates de elegantia: καλὸν ἐν τῷ διδασκέντῳ ἐργασλόν: præclara est, quæ ex opere quod quis didicit proficiscitur oratio: Hoc ipsum est, quod olim Petrus Monavius medicus Casareus Thomæ Erasmo medico Palatino contra hanc artem disputanti objecit lib. i. epist. medicin. Cratonis, quomodo potes inquirere, refellere hæc artem, quod non exercueris? Non versatus es ἐν τῷ ἐργασίῳ τῇ χυμικῇ, quæ arcana multa prodit. Eadem super re præclare monet Chrysostomus in epist. ad Hebræos homilia secunda, cur non magis inquirere, contemnere illos, qui nesciunt admirari, quæ digna sunt. Nam & pistor si ab omnibus irrideatur atq;

atq;

D E D I C A T I O.

atq; reprehendatur dum eos in doctos perspicit, illorum verba penitus non attendit, sed solo testimonio suo contentus est. Proinde indignum esse facinus concludit contra sycophantas tales dissent. 39. Maxime Tyrinus Platonicius philosophus, hac ratione, si reliquas artes omnes à vulgi tribunali sua vindicet scientia, nec gubernator, cum in suo versatur munere, navemq; ex opinione dirigit propria, imperitorum cuiq; cogatur rationem reddere; nec equo ferat animo medicus, si ea, quæ prescribit, quæq; aut prodesse morbo, aut ad vitæ rationem conferre existimat, scrutetur studiosè, inquirat ager: nec figuli deniq; & coriarii aut si quis etià in ignobiliore arte versetur, alium iudicem noverit, quam ipsam artem ejus vè artificem: & cymia sola quæ superiar est, his omnibus, alienum atq; ignarum suarum rerum iudicem ferat? Prasertim cum, quo alieniorem & absurdiorè in hac scientia intra centum annos sol non aspexit: quippe qui. 1. non solum artis, sed & naturæ principia in metallis neget, ut videre est in argumento secundo. 2. Qui asserere ausit nulla metalla generari vel crescere amplius, sed omnia omnino creata in primo die creationis, ut perspicitur in argumento primo. 3. Omne aurum quod non sit creatum in primo die creationis vel esse sophisticum, vel à Satana suppositum, cuius absurditas demonstratur in decimo octavo argumento. 4. Auro non esse communem cum metallis materiam, quod in decimo quarto argumèto refellitur. 5. Es ex ferro factum per aquas vitriolatas non esse verum as, sed ferrum possum, quod deliramentum in argumento

D E D I C A T I O.

decimo quinto refutatur. Et id genus alia plura
paradoxa partim, partim pseudographemata, ex
quibus velut ex unguibus leonem noscere datur,
quam aptum habeamus virum ad judicandum de
hujusmodi rebus. Hec sunt quae breviter ad prae-
fationem ejus pro alchymiae defensione respondere vo-
lui. Caterum, princeps illustrissime Domine Cle-
mentissime fere abhinc biennium est, postquam a-
mici quidam mei, artis chymicae studiosi theoriam
hanc, vel verius minime theoriam lapidis philoso-
phici mihi transmiserunt, nescio qua spe vel fiducia
rogantes, ut quid de ea sentiam, eis exponerem, ad-
jecto hoc, se non dubitare, quin, si laborem refutan-
di susceperem, multis bonis viris art: sq; & filiis &
patronis necnon C. V. operam sim factururus non in-
gratam. Quid sit? Tametsi per totum id tempus,
quo in hoc studio versor (versor autem iam ultra
viginti annos non quidem *χρυσοποιίας* ἐννεα, sed
medicinae potissimum) nunquam animum subjiit, de
meis observationibus aliquid in lucem edere: tamen
victus eorum precib. recepi me refutationem scri-
pturum, disputatione hac tum temporis obiter per-
cursâ tantum, nec dum plenè attentèq; perlectâ.
Postea verò ut eam à capite ad calcem attentius le-
gi & animadverti in ea nihil aliud nisi virulentam
quandam maledicentiam, meraq; sophismata &
nova opinionum portentia contineri, fateor, prae-
tere cœpit, cogitantem, qua opportunitate justae ex-
cusationis (praesertim multis interim occupationi-
bus operam interrompentibus) me ab hoc onere
suscepto rursus exsoluerem. Quapropter de die in
diem

D E D I C A T I O.

diem tergi versatus rem produxi, nō quod adeo difficilis mihi labor foret, quem videbam plus tædii, quam difficultatis habiturum, sed quod tam enormia sophismata & furiosa convitia lenitate verborum permulceri nequirent; philosopho autem pariteres Christiano homine indignum censerem se cum sophistis cōviciantibus, quasi ferram reciprocando ejusmodi maledicentie pice commaculare. Postea verò re altius mecum deliberata in mentem venit, posse eadem etiam excluso cum conviciis antichymista nomine, nudisq; argumentis, si qua digna essent, in medium propositis, sedato orationis genere confutari, paulatim questione una post alteram examinata conscripsi tres libros chymicarum questionum, primum de generatione metallorum, alterū de transmutatione, tertium de medicina universali, qui ultimus me ob difficultatem argumenti & eos qui sese huic medicina hactenus opposuerunt, hucusq; remoratus est. Postquam verò interea crebrioribus literis de promisso compellatus intellexissem de mea fide dubitari, & eosdē illos amicos meos sparsos de hac re rumore, aliis magnæ autoritatis viris pro me spondisse minimè dubitandum, quin quod semel in me recepissem, bona fide sim præstiturus: fuit hoc mihi in tar claſſici cantus ad cōvasandum tumultuariè pauca quedā ex iis, quæ scrius emittere copiosiori tractatu constituera, non libris & capitibus, ut cœptū erat, distincta, sed argumentorū numero, in quib. ipsa verba autoris in fidē rei (ne forte essent, qui tantam absurditatē hominis non crederent) proponere cum cōviciis volui, & meā cuiq; argumento cōfutationē subnectere. Quam rē citra

D E D I C A T I O.

acerbitatē verborū & justas reprehensiones, pro eo, ut caput hoc indiget acri lixivio, persequi, ut pridē in altero opere volebā non potui, atq; in hoc potius amicis, quam mihi met ipsi satisfeci. Sed qualiacunque sunt, ea C. V. clementer judicanda humilimē offero certa spe fretus me prae antichymista patronum habiturū piū ac sapientē, qui sua auctoritate huius nobilissima scientie studiosos non solum à conviciis ignorantium & sycophantarum sit protecturus, sed etiā eorum studia & conatus pro virib. adiuturus & promoturus. Quid enim? Nisi, inquam, hac ars nutricos habeat principes & magnates patronos, timendum erit, ne vel omnino ab artificibus prope diū deferatur, vel calumniis invidorū & ignorantium opprimatur. Nam privati homines, nisi fuerint è locupletissimorū numero, tantis sumptibus, quantos ars de siderare videtur à principio ad finem usq; impares sunt, sicut haud dissimulat Geber, aperte testatus eam pauperib. inimicam esse. Et Arnoldus lib. 2. Rosar. cap. 5. in studio ejus tria requiri docet, subtile ingenium, operam manuum, & arbitrium seu liberam potestatem, quod quidem requirat divitias, sapientiam & libros. Et idem in libro vite cap. 2. ait: non esse possibile cuilibet homini hac experiri, propterea quod tria cōradicūt, scilicet sumptus, potestas & fama vulgi. Nisi ergo à principibus & magnatib. huic arti auxiliares porrigantur manus, vix ac ne vix quidem invenientur, qui huic studio operā sint daturi. Et licet inveniuntur unus & al. et fortassis, qui indefesso studio theorie cōsummationē sint affecti, quotusquisq; tamē est quē in hoc opere prosequendo non remorentur postea vel

D E D I C A T I O.

*fui ius, vel functionis occupatio, vel imprimis et
 in fama vulgi? Ego quidē in ejusdem scientie ca-
 stris sub C. V. patre illustris memoria olim milita-
 vi, qui cum meam industriam exploratam haberet,
 mihi sponte in hoc studio currenti promotiones gra-
 tia sua non minimum calcar addebat, ita ut neq;
 sumtus neq; potestas deesse videretur. Nihilominus
 etsi indubitatō sciebam ad neminem aliam prater-
 quam ad medicum hujus scientie tractationē pro-
 priē pertinere: tamen ut ingenuē fatear, nescio quo
 timore inter alia nonnulla fatalia, quae me ab hoc
 proposito retraxerunt, nihil magis absterrebat, quā
 fama vulgi. Quae etiam causa fuit, cur occasionem
 nactus, loco mutato me ad solius usitatae professag;
 medicinae munia receperim. Tum in proprio malo
 expertus sum artem hanc nō patise coram vulgo et
 publicō tractari, sed quicquid ejus est in silentio et
 spe transigendum, id quod suo exemplo Trevisanus
 et Zacharius atq; ceteri omnes philosophi scriptis
 declarant: Alioqui non dubito, quin si non ad sum-
 mum scopum, tamen ad medicinam, qua contentus
 fore in meo munere dudū pertingere potuissē. Quod
 cum ex impedimentis meis hactenus principū sen-
 serim, ne et aliis bonis viris et amicis meis idem e-
 veniat tāto maiori conatu sycophantiae antichymi-
 sta istius aures popularis captatoris obviam eundū
 censui, quanto magis ille fama vulgi nixus philoso-
 phis et imprimis amicis atq; sympatriotis meis apud
 principes et magnates invidiā concitare, infamiā
 cōflare et exiliū etiā intētare conatus est disputatio-
 ne sua, quā si solū intra limites scholae exercenda ju-*

D E D I C A T I O.

ventutis gratiâ discussisset, fortassis nôisset, cur ius
 re succenseretur, sed quia (more, non autē pari facto
 mathematici illius è balneo prosilientis cum suo
 expugnâ) de pulpito furiosus incuriam procurrit, o-
 mnes bonos artifices mendacius traducit, aqua &
 igni prohibendos clamat, laboratoria perfringit &
 succendendè omnia atq; demoliri nititur, pro merito
 inbibendus & iracundus est, ut innocentes & boni
 viri ab ejus furore defendantur. Sanè domestici
 quotquot sumus omnes & singuli parvi & magni
 hac lege & officio obligamur, ut si quâ parte domus
 paternæ ab insidiarib; immisus est ignis, pedibus
 manibusq; celores ad extinguendum incendium a-
 quâ oportemus. Hic incendiarius patrio laborato-
 rio igni subditorumâ machinatur, ejusq; incolis a-
 micis meis & sympatriotis nihil aliud n. si exiliū in-
 flatis hucis minabundus spirat: pro paternis focis
 quib; olim usus fueram, aqua componenda, pro a-
 micis opem implorantib; viriliter depugnandam.
 Quamvis enim pro eo, ut res mee ferunt, d. utius
 & longius ab iisdem absim, nondum tamen amorē,
 quem quisque patriæ & amicis debet, omnino de-
 posui, sed compellatus de officio, si quod in hac re
 prestare valeam, præclaram illud Platonis religio-
 sè mihi colendum censui, mōnentis: nos non solum
 nobis natos, sed partem sibi patriam vèndicare,
 partem amicos. Ququam interim videor mihi
 audire non tam manifestas præsentis antichrymi-
 stæ, quàm nesciò quas clandestinas voces quorundā
 sciolorum, tam ex idiotarum quàm ex eorum gre-
 ge, qui literati esse volent, ibidem obmurmuran-
 tium?

D E D I C A T I O .

ium: nunquid tu conaris hanc artem principum
 auribus ingerere & persuadere, cuius contrarium po-
 tius facere deberes, si patriam amas, ad parcendum
 sumptibus non necessarijs. Quibus respondeo. Sicut
 nihil pulchrius cognitione veritatis, ita nihil tur-
 pius ignorantia. An tu, o sciole, censes nihil conferre
 ad ornamenta regum & principum, cum in alijs ple-
 risq; rebus, tum in hac parte philosophiae constant
 & exactam habere scientiam, nihilq; dubitare. Ego
 veritatem etiam aureis coronis preferendam cen-
 seo, quam pro ingenti tenuitate non aliter ac natu-
 ra rei & ipsa necessitas flagitat, adversus sophistam &
 calumniatorem assero, & philosophi more demon-
 stro, cui si quis assentitur, veritatis invictae (quam vim
 divinius sortita est) palmam, nec mihi culpam tri-
 bue. Quamvis nec in hoc negotio dissimulari que-
 at, metallariam & alchymiam pari gradu in rega-
 libus incedere, num & tu in metallis fodinas nihil
 impendendum regibus & principibus sana mente co-
 sulis? Quos sumptus dicas non necessarios, non satis
 assequor, cum eadem ars fructu non careat, sed ex
 se circa res naturales honestam oblectationem, &
 optima medicamenta exhibeat. Et si sumptus non
 necessarios rationibus in unum collatis, computa-
 veris, invenies profecto posse hos aliorum multorum
 respectu magis necessarios dici, imò etiam ita par-
 simoniam rationabilem institui, ut hi sumptus mi-
 nimè sentiantur. Quare explodenda est tota anti-
 chymistae praefatio cum obmurmurationibus istis igno-
 rantium & sciorum, & potius veritati insistendū
 cogitandumq; quoniam Gelier de eiusmodi imperito-
 rum

D E D I C A T I O.

*rū immaturo & imbecilli iudicio scripsit lib. i. summa
 me perf. c. 10. Loquuntur inquit, de hac re, sicut
 puer, qui à principio natiuitatis suae usq; ad senectū
 tē in domo cōclūditur; non putans mundi latitudi-
 nē extendi ultra suae domus spaciū vel ultra quā o-
 culo possit in domo cōspicere. Hac illi strissime prin-
 cept Domine Clementissime pro veritate artis chy-
 micae contra novum ejus hostē & calumniatōrē ne-
 pebario proluxu praefanda erant; ut eō dilucidius
 pateret, quomodo corā tribunali illustrissimorū im-
 perii principū, coram quo praefatione suā temeraria
 chymicos capitaliter accusavit; eos impudens viri, in
 quo nihil solidae eruditionis per totā disputationem
 elucet, obtundi possit, & simul C. V. ex hoc conflictu
 veritatis fundamentis perspectis autor sit potius a-
 liis principib. & rebusq. bonos chymiae artifices suā
 gratia fovendi & protegendī, quā expellendi. Quam
 operā meā si C. V. placere intellexero; nihil mihi o-
 ptatius contingere poterit & id ipsum calcas erit ad
 plenius opus, de quo hoc extractum esse supra dixi;
 unā cum aliis sub C. V. illustrissimo nomine & patro-
 cinio in lucem mittendū. Itaq; C. V. humiliter oro
 ut praesens opusculū vultu sereno suscipere, meq; cli-
 entē sua gratia & favore complecti clementissime
 dignetur. Deus Opt. Max. C. V. cū illustrissima fa-
 miliā totaq; domo Wirtembergica florentem diu in-
 columem atq; superstitem conseruet ac tueatur Cal.
 Marj Anno 1616. Oringe.*

C. V.

Subjectissimus

Johannes Conradus Gerhard. D.

EXTRACTVM CHYMI-
CARVM QVÆSTIONVM SI-
VE RESPONSIONIS AD THEORIAM LA-
pidis Philosophici in Academia Regiomonta-
na editam a quodam ibidem Anti-
chymista.

*I. Argumentum in forma dilemmatis.
thes. 10.*

ALCHYMIA non est ars vera, quoniam
si esset ars aliqua vera aurificij, ea aut
generationi naturę analogă esse debet,
aut creationi, id est, aut naturam imi-
tabitur in generatione auri, aut divinam creatio-
nem *thes. 10.* Sed neutram imitari potest. Ergo
Alchymia non est ars vera.

Responsio.

Quamvis dilemma nihil necessario concludat,
cum tertium quiddam in arte hac detur, quo ne-
que naturam in generatione metallorum, neque
Deum in creationis opificio omnino imitamur,
sed utrumque ex parte tantum & ut possumus ta-
men audiemus quomodo assumptionem proba-
tus sit antichymista.

Prosyllogismus ad primam partem assumptionis probandam.

ARs naturam non potest in generatione auri imitari, quia nullâ metalla amplius à naturâ generantur, sed ea omnia in primo statim creationis die simul sunt creata cum terra *thes. 5.* Quomodo ergò ars naturam imitabitur? Antecedens rursus probat *thes. 6.* Quicquid à natura generatur, eius generationis vim seu potentiam natura statim in principio creationis per expressum verbum benedictionis accepit. Sed ex Mose certò constat terræ huiusmodi vim generandi à Deo inditam non esse, cum nullius talis mandati meminerit, quo terræ metallorum generatio impere-
tur, quemadmodum verbum mandati atque benedictionis accepit de generatione stirpium atq; animalium unâ cum aquis. Ergò metalla à natura non generantur.

Responsio.

Tota minoris probatio falsa est impingens manifestè in regulam *xab' av'd*, qua prohibetur transcendendi genus atque physica physicis, & non heterogeneis principiis, literisque divinis male detortis demonstrari iubentur. Mosis enim intentio nunquam fuit, omnia, quæ Deus in creatione instituerat singillatim narrando percurrere, sed quantum ad fidem nostram satis erat. Quoniam hinc sequeretur, i. nec elementorum quoque ex se invicem esse à Deo institutam generationem, quo-

quoniam nec huius Moses meminit: 2. pariter nec metallorum factam esse creationem, quia metallorum creatio non minus à Moſe reticetur, quam generatio, contra quam *theſi* 5. aſſerit anti-chymiſta. 3. manifeſtum crimen falſi in ſcripturam committitur, quando dicit ex Moſe certò conſtare huiuſmodi vim generandi metalla terræ inditam non eſſe. Siquidem Moſes *moſ* 2. *capit. Genef.* mentionem facit generationis auri, ubi expreſſis verbis ſcribit, aurum naſci, inquiens: *Fluvius egrediebatur de loco voluptatis ad irrigandum paradysum, qui inde dividitur in quatuor capita; nomen uni Phylon, qui circumit omnem terram Egitathi, ubi naſcitur aurum.* 4. rationi & iſtis phyſicis principiis è diametro adverſatur, corpora metallica non generari. Siquidem in ſublunari regione darentur corpora quædam naturalia, ex elementis compoſita, quæ non eſſent mutationi; quæ præcipuè in generatione & corruptione conſiſtit, obnoxia: id quod eſt contra proprium *παθ* corporis naturalis. Deinde ſcribit Ariſtoteles *l. br. 2. de cælo, capit. 12.* τὸ γεννῆ-
 τὸν καὶ φθαρτὸν ἀκόλῃθῃ αἰλλήλοις. Metalla au-
 tem ſunt φθάρτα omnia per ſe à natura (præter
 aurum, quod per accidens tantum corrumpitur
 non à natura per ſe.) Videntur enim corrumpi
 metalla in igne & extra ignem, ut ferrum ferugi-
 ne, æs ærugine, &c. Ergo metalla ſunt generabi-
 lia. 5. repugnat ſenſui & manifeſtæ experientię.
 Aurum Corbachianum in Weſtphalia creſcit &
 decreſcit

4 *EXTRACTUM CHYMI-*

recrefcit in cumulis fingulis quadriennijs. Sic ar-
 gentum in cumulis plumbi cinerei, ubi prius nul-
 lum inerat argentum, certo tempore maturatur
 & perficitur. Item vena plumbi in Sclavonia qua-
 dragesimo anno tranfit in argentum: Squamæ æ-
 ris in arena ficca anno trigesimo in aurum. Fer-
 rum in Evgijs ad Sagam oppidum decennio rena-
 tum denuò foditur; non aliter ac Ilvæ ferrū, quæ
 eft Italiæ infula in mari Tyrreno. In Mifnia limus
 ruber paluftris quinquennio, in Suecia fimilis li-
 mus uno anno foli expofitus in bonū ferrum abit.
 Idem in cuntulis ex lapide fifili ufu venit circa æ-
 rifodinas Mansfeldiæ, ubi æs fimiliter maturatur
 & renafcitur. Fefularum mons in Hetruria lapi-
 des plumbarios habet, qui fi excidātur, brevi tem-
 poris fpacio novis inftaurantur incrementis, ut
 tradit Boccatius Certaldus, qui id compertiffimū
 effe fcribit. Plinius *lib. 34. cap. 17.* prodidit: mirum
 in his folis plumbi metallis, quod derelicta ferti-
 lius revivifcunt. Sed nos videmus id non in folis
 plumbi, fed in omnibus metallis ufu venire. Pro-
 prium verò folius plumbi eft extra mineram fem-
 per augeri, ut Galenus *lib. 9. de facultatibus medi-
 cament.* fcriptum reliquit his verbis: *Omniū quæ
 novimus unicum plumbum tum mola tum ponde-
 re augetur, fi condatur in adibus fubterraneis æe-
 rem habentibus turbidum.* Tum etiam plumbeæ
 ftatuarum vincula, quibus earum pedes annectun-
 tur, fæpè numero creviffe vifum eft; & quædam
 adeò intumuiſſe, ut ex lapidibus dependerent cry-
 ſtalli modo verrucæ. Hoc quod Galenus recitat;
 adeò

adeò verum est, ut etiam metallici scriptores attestentur plumbea tecta ædium magnificarum multò graviora multis post annis inveniri ab iis qui pondus notarint, atque adeò quidem, ut ea per sæpè propter nimiam gravitatem æneis permutare necesse sit. Sufficienti igitur inductione patet metalla adhuc semper à natura gigni, & turpissimum esse metallicæ scientiæ pseudographema, opinari, omnia metalla in totum in principio esse creata. Sed esto metalla non generari: ars alchymix tamè non subverteretur: quia non conatur alchymia generare metalla, sed tantum transmutare unum in aliud, sive illud à Deo creatum sive à natura generatum ante fuerit. Sicut rusticus Schemnizenfis accipit ferrum & ponit in Zepusij fontem donec illud transmutetur in mineram æris parum curans utrum ferrum & fons ille vitriolatus creata fuerint an generata: & plantator inserit arte sua surculum stipiti, arborem in meliorem & quamlibet speciem transplantaturus nihil recogitans quocūq; surculus & stipes ortu ad manus pervenerint.

*Prolepsis ad prius membrum dilemmatis
sive primi argumenti. thes. 38. 39.*

Sed aurum à natura generari probare conantur ex eo: cum ad fodinas interdum in cumulis lapidum olim congestis reperiatur aurum, interea à stellarum radiis elaboratum: alias enim rejectum non fuisset, si perfectum tum fuisset. Respondeo, 1. illos ipsos lapides non olim id auri in se continuisse: 2. Item mirum non est in copiosis

6 *EXTRACTVM CHYMICA-*

atque fructuosis fodinis ea reijci, quæ vis operæ pretium sunt, idemque longis post temporibus ab egentibus colligi, ut tanquam ex Spicilegio iidem inde rem faciant. 3. probent stellis vim inesse aurificam: Si radij lucis cœlestis non aurificant sub terra (quod ex eo constat, quod eorum vis per tanta saxa penetrare non possit) nec super terram aurificabunt.

Responsio.

In cumulis mineralibus crudis & excoctis metallo vacuis propè fodinas suas renasci certo temporis spacio non tam aurum, quam alia metalla, ut argentum, æs, plumbum, ferrum, &c. supra per evidentem experientiam ostensum est. Ablegamus igitur absurdum istum antichymistam ad metalla Westphaliæ, Ungariæ, Misniæ, Palatinatus superioris, Silesiæ, Sueciæ & Italiæ, donec sapiat & didicerit, quod adhuc turpiter ignorat. Vel legat (qui hætenus ad suas inanes & multas post fornacem speculationes lapidis nullum, ut animadverto, metallicum scriptorem legit aut vidit) saltem Cæsarpinum, qui *libr. 3. capit. 6. de metallis* refert; terram erutam (inane metalli quam vocant den Summer) dum vena effoditur, totam procedente tempore in venam converti. Neque id solum in metallis contingit, sed in mineralibus quoque. Sulfuris vena quadriennio se reparat, ut scribit Fallopius *lib. de thermis, cap. 5.* Terra detracto halinitro in cumulum redacta post 5. aut 6. annos copiosius fœnus reddit, ut tradit Cardanus

danus *libr. 5. de subtilit.* neque Scaliger inficiatur. In Ormeno monte Indiæ sal natus lapidinarum modo cæditur renascens Cæsalp. *lib. 1. de met. cap. 16.* Quis ergo nunc dubitet de generatione vel regeneratione auri, quæ in hoc non est diversa ab aliorum metallorum vel mineralium ortu: & sicut nihil ferri inest cumulis Ilvæ, fit autem ferrum suo tempore, ita nec auri quicquam cumulis Corbachianis quando excocti fuerint, donec rursus progressu temporis imprægnentur. Quando igitur quæritur, unde probemus illos lapides in cumulis non olim id auri in se continuisse, responderetur ei; non aliunde nisi examine per ignem. In hoc enim fit exploratio exactissima per juratos probatores ad grana usque minima, ut ne unum quidem in scorriis relinquatur post separationem à recrementis, quæ vocant den sônder. Sed antichymista respondendo seipsum refutat. Si enim in copiosis atque fructuosis fodinis talia quædam operæ pretium non reddentia rejiciuntur, quid est quod pauperes fossiores non mox à rejectione illa spicilegium faciunt? cur tot annos differunt illam collectionem? sicut ipse antichymista dicit longis post temporibus ab illis demum colligi, ut iidem inde rem faciant. Stulti essent (si antichymistæ verba vera sunt) quod non potius rem facerent è repræsentati, quam quod tot annos expectant demum in cumulis auri repullulationem. Quod tertio petit à nobis probari, stellis vim inesse aurificam, respondeo facillimè id probari, primò ex

Aristotelicis rationibus, qui *lib. 2. de ortu & interitu cap. 10.* docet, cœli motum qui est propter latitudinem astrorum esse causam generationis omnium rerum. Si omnium rerum sanè etiam metallorum. Similiter *1. meteor. cap. 1. & 4.* omnium mixtorum duas causas ponit materiam scilicet & efficientem, quorum illud cœlum, hæc elementa sunt. Metalla autem *lib. 3. meteor. cap. ult.* accensentur mixtis. Secundo experientia, dum certo tempore tales cumuli expositi radiis soli, & astrorum rursus metallis suis imprægnantur, ut supra modo dictum, cuius rei adhuc multo evidentissimum exemplum est, quod Avicenna refert ære ferroq; pluisse, & Scaliger de subtilit. ex. 323. tribus circiter annis antequam provincia Taurinorum a rege Galliæ recepta esset pluisse ferro multis in locis, cuius frustum apud se sit. Concretio hæc metalli in nubibus generata ante nubes non fuit, aut si fuit, quærit ibidem Scaliger, ex qua fodina ferrum illud sublatum fuerit in nubes. Astra sunt causa nubium. Ergo etiam eorum, quæ generantur cum & in nubibus, ut sunt ferrum, lapides & alia. Quando igitur antichymista negat radios astrorum aurificare sub terra ob impossibilitatem penetrationis per tanta saxa, & hinc infert, nec supra terram aurificare, id in ipsum retorquetur hoc modo : Si astra supra terram ferrificant, etiam infra terram ferrificare queunt. Atqui nunc demonstratum est astra in nubibus ferrificare, idemq; in superficie terræ in cumulis fieri. Ergo astra etiam infra terram ferrificant, & per consequens si ferrificare, etiam aurificare

care possunt. Nam verius proceditur ab iis, quæ fiunt coram oculis supraterram, quàm quæ in tenebris fiunt infra terram ad concludendam hanc thesin. Demonstrationis enim processus legitimus est à manifestis ad obscuriora, nec è contra. Quod autem negat vim radiorum per tanta saxa penetrare posse, præter id quod calor solis per antiperistasin, ut videmus in hyeme, ad intima terræ penetrare potest, ut Cæsalpinus probat; audiat Scaligerum rectius de hac re differentem. *Quæritur (inquit comm in lib. 1. de plantis)* quantum solis vis subire terram valeat. Nam neque lumen eò delabitur, quod alioqui vehiculum peripatetici statuunt coelestium affectionum, neque intelluris parte intima sentitur calor ullus à sole. Et mox infra: In metallis omnia sine solis admissu generantur. Intelligo nunc & lumen & calorē, quorum utrūq; cum peripateticis siderum instrumentum appellant. Cum tamen aliter ab acutioribus disputetur: nihil enim rerum in intimis terræ sinibus gereretur. Verum quemadmodum ultra pellucida corpora transmittitur lux, unde nomen esteis comparatum: ita per non translucida vis illa sese infinuat, ac penetrat, quæ luce ipsa multo est efficacior. Tollit simul cum dubitatione probandi curam quotidianum magnetis exemplum, ad cuius motum sub mensa movetur ferrum pensile. Nec propterea delentur eorum placita, qui sine subiecta materia formam negant posse agere. Vis enim coelestis illa per lumen delata huc afficit terræ superficiem: ea affecta proximam sibi partem mu-

tatæquè, dum ad certa loca destinetur. Sicut ab eodem lapide ferrum non attractum agitur. Hic Scaliger exemplo magnetis penetrationem radiorum per tanta saxa possibilem appositè declarat, quem subtilitatis doctorem, si antichymista prius legisset, quam hanc suam phantasticam theoriam thesibus evulgasset, suam stupiditatem & ruditatem in rebus physicis non ita omnibus prodidisset. Non enim dubium est, quin si singula compassi poneretur in ipso centro terræ, & tota terra esset saxea, nihilo secius moveretur ad arcton stellam illam suam, unde vim mobilem & motivam sortita est. Palam itaq; est saxorum objectu vires astrorum influentium in terra nequaquam infringi. Unde facile intelligi potest illud quod ex Ptolemaeo adducit Albertus *libr. 3. de mineral. tract. 1. capit. 10.* locus generat locatum per proprietates cœli, quæ influunt ei per radios stellarum; In nullo enim loco elementi inveniuntur radii omnium stellarum, nisi in terra, eò quod ipsa est insensibile centrum totius cœlestis sphaeræ. Maxima autem est virtus radiorum in loco, ubi uniuntur omnes, & ideo terra mirabilium & multarum rerum est productiva.

Prosyllogismus ad secundam partem assumptionis probandam.

T Hes. 11. Aurifices itaque creationem se imitari posse autumant huiusmodi coniecturæ: Quemadmodum Deus elementa primum creavit: deinde ex elementorū exquisitissima mixtione cor-

nec corpora elementaria composita: ita prius metalla in sua principia prima resolvi, deinde componi debere. Sed hoc fieri nequit: 1. cum natura in generatione nullam resolutionē molietur in principia, sed attrahat & id quod attractum est, disponat. 2. Quis revelavit *thes. 12.* novis istis creatoribus imperis scrutabilem illā soli; divinæ sapiētiæ reservatā rationem principiorum metallicorum, cuiusmodi illa sint, ex quibus creatio divina facta est, item resolutionem in principia, principiorum mixtionem proportionalem. Nam licet *thes. 63.* metalla possent arte resolvi, in sua principia, quænam vis atque facultas illa tandem iterum tam scitè miscebit, tamque artè uniēt, ut in creatione à Deo factum est. Item *thesi 7.* quærit, ubinam locorum animadversus sit huiusmodi calor actualis metallorum concoctioni sufficiens cuiusmodi in fornacibus suis requirunt aurifices?

Responsio.

Calumnia, qua Antichymista artifices exphantasiæ suæ pravitate ad invidiam illis apud idiotas & sui similes artis ignaros conciliandam creatores vocat, liquidissimè apparebit si consideremus, quid creator sit propriè & creare, item qualis generatio naturæ sit quam artifex imitetur. Scribit Lombardus *libr. 2. sentent. dist. 1.* Creator est qui de nihilo aliquid facit, & creare propriè est de nihilo aliquid facere. Facere verò non modo de nihilo aliquid operari, sed etiam de materia. Unde & homo & angelus dicitur aliquid facere, sed non creare, vocaturq; factor seu artifex, sed nō creator.

Hoc

Hoc enim nomen soli Deo propriè congruit, qui & de nihilo quædam & de aliquo aliqua facit. Ipse ergo est creator & opifex & factor, sed creationis nomen sibi propriè retinuit, reliqua duo etiam creaturis communicavit. Cum Lombardus huc dicit, qui & de nihilo quædam, & de aliquo aliqua facit, noranda est distinctio creationis in totalem & partialem. Illa ut Scaliger definit, de subtil. ex. 6. est constitutio substantiæ ex nihilo, nec materia nec forma præexistente; qualis erat creatio mundi in principio. Hæc verò quando aliquid ex remota materia præter supraque ordinem naturæ fit; nihil in existente de forma, qualis creatio erat, quæ cæteris sex diebus facta est, & qualis adhuc fit per miracula, quomodo ex aqua vinum fecit Salvator, & Deus ex lapidibus panes vel homines suscitare posset, & quomodo Johannes Evangelista, ut in vita eius legitur, ex lapidibus gemmas, & ex virgis aurum fecit. Generatio naturalis etiam duobus modis fit, & ex materia remota & ex propinqua: quarum illam æquivocam, hanc univocam dicimus. Illa potest congruere cum creatione secundi modi, sed in hoc differt, quod in creatione aliquid fit subito, solo verbo, vel aliis mediis non naturalibus: talis rei generatio non fit nisi multo tempore, à causis naturalibus & intervenientibus multis alternationibus. Creationem simpliciter, non solum nullus artifex, sed ne natura quidem imitatur, secundum axioma illud Philosophorum: ex nihilo nihil fit: creationem quæ ex parte est, natura quidem imitatur, sed longè aliis modis & mediis;

diis; artifex autem imitari nequaquam valet, qui non potest facere ex quolibet quodlibet, ut docet Rosarium; sed determinatum ex determinato, id est, ut alius dicit, non potest materiae remotae primas dare formas. Quando igitur dicitur Chymia naturam imitari quatuor tantum modus, qui fit ex propinquis principiis, exclusis tribus priorib. creationis & generationis modis intelligitur. Igitur calumniosè & inèdaciter antichymista artifices nominat creatores, cum ij aurum vel tincturam suam, neque ex nihilo, neque ex remota sive quacunque materia, neque ex primis principiis vel elementis facere conentur; sed teste Paracelso ex metallis in metallis, cum metallis & per metalla. Quando autem Philosophi præcipiunt metalla in principia sua resolvere, antichymista verò interpretatur, quasi præcipiant ea non in sua propinqua; sed in principia & elementa illa communia mundi & remota; ex quibus Deus vel natura primitus ipsa composuit; resolvere, & deinde rursus componere, turpem ignorationem suam elenchi prodit; seq; ipsum & alios fallit fallacia à dicto secundum quid ad dictum simpliciter. Nam etsi subjectum nostrum tam agens, quam patiens resolvimus diverso modo in sua principia seu materiam primam; tamen utriusque resolutione non pervenimus ita remotè ad elementa usque mundi; ex quibus initio aurum divina creatione vel naturali generatione fuit compositum. Id quod testantur Bernhardus Comites, Dionysius Zacharius; Petrus Ferrariensis; Aegidius de Vadis; & Richardus in correctorio anti-

antichymistarum. Si enim ita resolveremus, amitteretur tam genus metalli, quàm species, & nihil efficeremus, quoniam non est in potestate nostra tali elementorum compositioni remotæ formas infundere, sicut Deus vel natura infundit. Quare Antichymista postea *thes.* 12. absurdissimè rursus extra scopum quærit, quis revelaverit novis istis creatoribus inperscrutabilem illam solique sapientiz divinæ reservatam rationem principiorum metallicorum & cuiusmodi illa sint, ex quibus creatio divina facta est, item eorum mixtionem proportionalem. Nam nunquam volumus, neque etiam possumus, inquit Geber, vel Dei creationem vel naturæ generationem in primis principis sequi, nec in proportionem miscibilium elementorum, nec in modo mixtionis ipsorum ad invicem, nec in æquatione caloris inspissantis, cum hæc omnia sine nobis impossibilia & penitus ignota. Ideoque dicente Gebro, in hoc Antichymista cum cæteris errat, quod naturam in omnibus proprietatum actionibus imitari desiderant, sed aliud ad hoc nobis principium, aliudque generationis modum assumimus, in quibus naturam sequi possumus. Theoria itaque principiorum nobis necessaria est, quibus transmutemus species, non quibus generemus genus, quoniam intentio nostra non est metalla de novo componendo generare, sed à natura composita jam & generata solum modo transmutare. Et huius diversitatis supra exemplum dedimus in ærifice & plantatore, qui uterque non generat res de novo, sed tantum generata transmutat sine co-

gitione

cognitione principiorum primæ generationis: Quod autem contra resolutionem metallorum in sua principia addit metalla non esse resolvenda in sua principia, quia natura in generatione nullam resolutionem talem in principia molitur, sed tantum attrahat & id quod attractum est, disponat, secum ipse digladiatur. 1. quia sui oblitus partes quas supra dilemmate separavit de generatione & creatione nunc rursus confundit. 2. Quia *thesi* 42. in generatione naturali & substantiarum transmutatione requirit prioris formæ abolitionem & novæ introductionem; ubi certè prioris formæ, quod erat compositi alterum principium seu pars substantialis, fit resolutio & separatio; novæque introductio. 3. Antichymistæ falsa thesis ab ipso Salvatore refellitur *Johan. 12. vers. 24.* dicente: *Nisi granum frumenti cadens in terram mortuum fuerit, ipsum solum manet.* Quo significat, nisi granum prius putrefactum in terra, id est, in sua principia perditâ priori formâ resolutum fuerit, non fieri naturali generatione eius multiplicationem. Corpore grani resoluta per putrefactionem spiritus liberatus à corporeis vinculis in centro grani colligitur generativus, qui postea extrudit germen ad novam generationem, tum demum fit attractio nutrimenti & dispositio. Sic etiâ in nostro opere fit, ubi per putrefactionem lapis in sua principia resolvitur, inde germē illud satis cœnalis progeneratur, quod postea suo nutrimento paulatim fovendū & augmētādū est. Substantiæ generatio prior est accretione & alteratione cæterisq; motib; Absur-

Absurdè igitur opinatur in generationib. omnium rerum initio statim nihil aliud fieri, quàm attractionem & alimenti dispositionem. Ita resoluta quoq; jam est principalis syllogismi phantasia antichymistæ de lapide philosophico in sua principia, id est, in *ἀδενότητι*, quæ fuit ante nihil. Quod verò scire cupit *thesi* 63. quænam vis & facultas metalla soluta tam scitè iterum mixtura; tamque arctè unitura sit, ut prius; Respondeo, natura, quæ Dei dicitur potestas à Scaligero, & plasticam istant facultatem atque *λέγος* formativos in rerum creatione accepit à Spiritu illo, de quo Marsilius Ficinus *cap. 9. artis Chymicæ* scribit: *Nonne Spiritus Domini, qui est amor igneus, cum ferebatur super aquas, indidit eisdem igneum quendam vigorem, cum nihil sine calore generari possit? Hic est ligamentum elementorum, virtusq; commiscendi, quæ in qualibet re mundi sublimariis elementorum mixtiones efficit.* Hæc Marsilius. Sed quia ignis per se agit indeterminatè, ut docet Aristot. 2. *de anima, cap. 4.* non id accipiendum est de igni simpliciter elementari, quod is per se misceat, uniatque; sed de eo, qui responderet cœlesti, & est vehiculum suæ formæ; illè est ut Alexander *in epistola* dicit; qui totum dirigit opus, & complet; & est anima corpori coniuncta, quæ unit & gignit. Rectè enim de elementari quærit Scaliger *comment. in 2. de plant.* inquires: *Si ignis unit elementa tria; tantquam partes in plantis, quid erit, quod uniat ipsum ignem tribus illis? & respondet, forma, quæ est portio natura.* 2. *physic. cap. 11.* Nam ideo Aristoteles

lib. 2. de or. & inter. succenset veteribus, qui amota forma eius officio ac naturæ substituisſent ignē: ἐξαίρωντες τὸ τί ἦν εἶναι, καὶ τὴν μορφήν. At vero, inquit, τὸ θερμὸν πέφυκε, διακρίνειν, τὸ ψυχρὸν συνιστάναι. Nam generatio & coactio est ex alienigenis, quæ dicimus τῶν ἀλλοφύλων: non autem è congeneribus, quæ ὁμόφυλα vocant. Ergo cum in his opera nequeant ἀλλόφυλα συνορίζεσθαι (διακρίνει γὰρ ἀλλόφυλα) per ignem non fiet coactio, & unio ad generationem in Aristotelis officina. Hæc Scaliger. Dicimus igitur mixtionem & unionem solutorum metallorum fieri à naturâ propriâ rei, siue formâ per ignem, seu calorem internum adjuvâ nostro igne artificiali externo: quâ in re ut formâ seu speciem conservemus sedulo monent philosophi, cavendum ab intensione ignis ante terminum; ne arcanum fumiger, ne acetum in fumum vertatur, ne Rex & uxor sua nimio fugentur igne, ne materia vitrificetur, & cum formâ omnis operatio, mixtio, unio, multiplicatio & tincturâ pereat. Itaq; non minus artifex, qui naturæ miscenti uni-entique extrinsecus administrat. (Zosimus: ὁ πᾶς σύνδεσμός ἀνευ μεθόδου γίνεται: tota conjunctio sine methodo non fit) cognitum habere debet pondus miscendorum, mensuram temporis, quantitatem vasis & modos ignis; ut sciat quid natura ferat, quid respuat: id quod præcipuum est secretum artis huius, nec derisorii; nec antichymistæ alicui duræ cervicis revelandum. Sic enim, auctore Gratiano in suo tractatu de elixire, quod naturâ conjuxit, ars separat, & quod ars conjur git, natura se-

parat, q̄ aut̄ ars separat, sola natura cōiungit, & q̄ naturaliter distat, ars cōiungit imitādo naturā, nō subito, & hoc est artis huius secretum. Itaq; in hoc opere, ut Lombardus docet, hæc duo distinctè cōsideranda sunt, scilicet natura agens, & ars ministrans. Si consideremus ex parte naturæ agentis, dicimus quod totum opus est naturale, quia natura est illa, quæ decoquendo appetit, retinet, digerit & expellit, & permiscet, & corrumpit, & generat, & informat præcepto Dei benedicti & gloriosi suo tempore lapidē antedictū, & hoc lapidē natura informat metalla per ipsorū cōmixtionem. Si aut̄ consideramus ex parte ministrationis: tunc opus hoc est artificiale, non quia ars generet, & corrumpat, & informet, sed solū ministret naturæ operanti totū hoc. Natura. n. sola non efficaç est in talib. per se, nisi ars sibi ministret. Propterea eo modo quo ars ministrat naturæ; eo modo operatur natura, si benè, benè, si aut̄ malè, malè. Tota igitur operatio ratione generationis & mixtionis est naturalis. Ratione autem ministrationis est artificialis, sicut patet in decoctione ciborum.

II. Argumentum contra compositionem & resolutionem metallorum in sua principia.

SI nulla principia dantur metallorum metallis communia, tunc neque datur resolutio in eadem, & nova ex ijs compositio.

Sed prius verum. Ergo & posterius.

Minorem probat. i. quia Chymici cōmune sulfur & hydrargyrū cōmunia metallorū principia pro-

robant ex eo, quoniam cum omnib. metallis cō-
iuncta reperiuntur. Ex quo similiter concludit: er-
gò metallorum quoq; principia sunt terrę lapides
calcanthum, pyrites, metallum metalli, sulfur hy-
drargyri & vicissim. 2. Quia sulfur nec ratione
pinguedinis suæ, nec igneæ naturæ suæ dat metal-
lorū coagulū, formam aut materiā; sed tantum re-
solvit, ac collit: hydrargyrum verò ob uniformi-
tatem suam non potest esse distinctorum metal-
lorū materia: cum non habeat partes dissimiles, ex
quibus hoc vel illud metallum paratur. *thes. 13.*

Responsio.

Primo paralogismus est ex quatuor terminis.
Nam aliud est coniunctum sive unū esse substan-
tia; ut est compositū ex sua materia & forma, vel
mixtum ex elementis: aliud unum per accidens, ut
est acervus tritici vel hordei, cementum cū calce
& arena. Dicunt Chymici cum omnibus metallis
coniuncta reperiri sulfur & hydrargyrum unione
seu mixtione substantiali per minima non apposi-
tione partium qualicunq; accidentali, ut antichy-
mista falso affingit. Accidentalem heterogeneo-
rum in metallis coniunctionem si non separat o-
culus, separat ignis: post cuius examen substantia-
lia principia cum metallo manent heterogeneis
semitis. Unde coniugium solis & lunæ l. b. 3. lapi-
des & terra sunt locus generationis metallorum,
sed non sunt materia conveniens ad commixtio-
nem eorum. Ideò ab ipsis separatur metallum, ut
ab incongruo & heterogeneo. Ignis enim hetero-
genea separat, & homogenea congregat.

Secundò quod ait sulfur nec ratione pinguedinis suæ, nec ratione naturæ igneæ dare metallorum coagulum formatum & materiam, respondeat ex Geb. *libr. 3. sum. perf. cap. 7.* per distinctionem, nempe duplicem esse in metallicis corporibus sulfureitatem: unam quidem substantialem in profundo argenti vivi conclusam in principio commixtionis: alteram verò supervenientem seu accidentalem. Ignorat autem antichymista metallistale duplex inesse sulfur intrinsecum & extrinsecum: hoc comburere & resolvere per accidens: illud verò minimè. Sulfur enim auri neque resolvit aurum neque tollit; quantocunque tempore teneatur in igne. Concedo itaque sulfur extraneum non esse auri coagulum vel formam: falsò tamen negat sulfur esse coagulum vel formam cæterorum metallorum imperfectorum: quorum ob id ipsum, quod sulfure extrinseco in speciem metalli coagulata sunt, eis proprium est igne resolvi ac consumi velocius vel tardius secundum sulfuris extrinseci maiorem vel minorem quantitatem in ipsis existentem; ut docet Geber *libr. 3. sum. perf. cap. 4.*

Tertio quod addit de hydrargyro quasi ob uniformitatem suam non possit esse distinctorum metallorum materia tantum abest à vero; ut potius invertenda sit ratio, & dicendum; quin ob ipsam uniformitatem, & nullam aliam ob causam hydrargyrum esse materiam septem distinctorum metallorum, haud secus ac materia prima ob homogeneam naturam subiectum est 4. elementorum

torum & omnium ex eis compositorum. A formis enim incipit distinctio, non a materia, a qua potius est convenientia & unformitas teste Petro Ferrariensi *cap. 17. & 23.* & ut Scaliger inquit *lib. 4. de caus. plant. cap. 20.* materia non variat formā, sed a forma variatur materia. Hæc tritissima noster multennis fundamenti speculator ignorat. Cætera plenius *Lib. 1. cap. 3. de generat. metallorum* persequar, ubi manifestissimis rationibus & experimentis probabitur, metalla composita esse ex mercurio & sulfure, itemque sale, &c.

III. Argumentum contra resolutionem metallorum in sua principia & compositionem.

P Principia materiam & formam separatim producere & postea componere utrumq; ad substantiam constituendam solius Dei opus est, *thes. 15. 41.* Quemadmodum igitur non datur materia expers formæ, ita nec forma materiæ, & per consequens auri forma ab eiusdem materia est inseparabilis, nec unquam absq; illa seorsim existet. *thes. 18. 43. 54.* Item licet rubedo auri seu tinctura, quæ formam auri dicunt, extrahatur a corpore suo albo per liquores, tamen non plus tinget, quam antea tingeat, & sapientes isti homines operam & oleum perdentes, summam suam stulticiam produnt.

Respondeo.

Nugas agit antichymista, quas a sui similibus stultis haurit, non a sapientibus. Nullus enim un-

quam philosophus docuit formam auri isto modo ab albo suo corpore separare, & alii corpori rursus immittere. Hæc enim translatio magica, qualis fertur messium, vel metempsychosis quasi Pythagorica, non modo cū lucro non est, sed etiā cum damno. Lapis noster fit primò niger, deinde albus, postea citrinus, & ultimò rubeus. Tinctura autem hæc Sophistarum seu rubedo manet unius coloris in principio medio & fine. Ergo lapis noster & tinctura vera longè aliud est. Nec movent nos inanes antichymistæ speculationes de materia & forma, quod neutra per se existere possit. Nihil enim nos impugnant, qui ipsi statuumus neq; ideas separatim existere, nec materiam primam illam Aristotelis absque forma aliqua reperiri, nec nobis possibile esse materiam à forma, & vicissim, separare, nisi ἐπὶ νόμῳ. Afferimus autem contrā, in maiori & minori mundo formalia & materialia principia seorsim existere, sicut cœlum & elementa, mas & femina discreta sunt, quorum alterum in generatione formam confert, alterum materiam, ut apud Aristotelem notum est. Sic etiam in artibus talia activa & passiva principia separatim reperiuntur, ut aqua lapidifica, & lignum ad corticem faciendam, aqua ærofa ad æs ex ferro producendum, surculus ad aliam arborem ex stirpe faciendam. Similiter in Alchymia philosophi potestate naturæ & artis parant, sibi formale quoddam principium auri vel argenti non separatim, instar idææ Platonice, sed cum astro suo, id est, cum subtri-

subtri-

subtilissimo suo & coelesti subjecto veluti proprio vehiculo concretum, quod super materiale principium suum ut proprium suum passivum, id est, mercurium & imperfecta metalla proiectum in igne & unitum convertit ea in suam naturam secundum astri sive formalis principii activitatem.

IV. *Argumentum ex paradoxis.*
thes. 14.

ET si omnia ista plana essent, id est, etsi metalla generarentur, constarentque ex dictis principis, & possent resolvi in eadem, iterumque ex ijs componi, tincturae tamen auri nullam unquam inesse posse constantiam: quia quicquid ars componat, dissolvere etiam possit.

Responsio.

Paralogismus est quatuor terminorum. Hoc enim de arte axioma locum habet in formis artificialibus solum, & operibus mechanicis. Tinctura verò philosophica ab arte sola nequaquam fit, sed in compositione eius ars & natura simul mutuas tradunt operas. Componit ars foris, natura intus, illa adjuvando, hæc principaliter in cunctis agendo, ita ut forma generetur nō artificialis, sed naturalis. Manifestè igitur in elencho apparent quatuor termini. Deinde semetipsum contradictione & turpi fallacia accidentis implicat. Nam cum *thesi* si. constantia & fixitatem auri definiat, quod sit ἀφθαρσία, id est, immunitas à corruptione.

ruptione, quæ fit à natura, aut per putredinem aut per ignem, non obstante, quod aurum etiam corrumpi possit per accidens ab arte, ut ibidem ponit; idem velit nolit de tinctura auri pronunciarcompellitur, quod nempe in illa nihilominus sit constantia & immunitas à corruptione per se & respectu naturæ, etsi per accidens ab arte ei corruptio contingere possit, cum eadem sit ratio auri & tincturæ, & talem etiam proprietatem tincturæ ipse antichymista requirat *thesis* 55. quam & Geber de investigatione perfectionis cap. 12. ponit, inquiens: *Nos quarimus substantiam unam facere ex pluribus tamen aggregatam, coadunatam, fixam, quam super ignem positam, ignis non exprimat.* Et Hermes: *Si lapis noster staret in igne usque ad novissimum diem nunquam consumeretur.* Et Alfidius: *nec ignis ei dominatur nec aliud, nec sulfura vastant ipsum.* Quia ergo veritigo sophisticandi dicere hac 14. *thesis*, tincturæ auri nullam inesse constantiam, & *thesis* 55. asserere oppositum, nempe tincturam auri debere esse immunem ab omni corruptione, quæ fit per ignem aut putredinem? Item *thesis* 19. aurum omnino esse ἀδιάλυτον atque indissolubile, & *thesis* 51. aurum corrumpi posse per accidens, quasi vox omnino non excludat omnem διάλυσιν, etiam eam, quæ per accidens est. Adeo antichymista sibi nullibi constat, ut hinc patefeat, non tincturæ philosophicæ, sed suis thesibus nullam inesse constantiam. Aurum igitur & tincturam auri licet ars dissol-

vere non ignoret nostra, nihil tamen constantiae eorum derogatur, sed ambo in omnibus elementis, praecipue verò in igni ceterisque examinibus auri legitimis perpetuam fixitatem & constantiam servant. Quam corruptionem verò peraccidens, id est, per artem mediantibus aquis mineralibus & igne *thesi* 1. proponit, eam antichymistae donamus. Conveniunt enim labra lactucis, Ea quippe sophistica est, nec naturalis dissolutio, sed verius perditio auri, nec quoque in censu examinum auri legitimorum continetur.

V. Argumentum à metallorum perfectione.

Athesi 20. usque ad 30. mirè vario schemate induitur in hoc argumento antichymista, nunc conviciatur, nunc execratur, nunc exclamat, nunc divinationem minatur, & ubique sacra profanis, falsa veris miscet, raptus hinc inde impetu phantasiae & multennis suae speculationis superbis rebus insania, sed nos omnibus breviter in ordinem reductis principale argumentum hoc syllogismo includimus:

Quicquid valdè bonum est, etiam perfectè bonum, omnibusque numeris absolutum est, ut ejus bonitati nihil omino aecedere possit *thesi* 24.

Sed Deus de metallis & aliis rebus creatis in principio pronuntiavit, quod erant valdè bona.

Ergo metalla sunt perfecta, omnibusq; numeris absoluta, ut eorum bonitati nihil omnino accedere possit. Et per consequens blasphemiam est dicere, cætera metalla imperfecta, aurum solum perfectum. *thes.* 20.

Responsio.

Quoties tandem contra regulam καὶ ἀντὶ ἐξ alienis principiis imò ex dictis sacra scripturae pessime adhibitis & detortis cum hoc absurdo theologiastro agendum est? Ipsius potius blasphemiam, impietas & dementia in maiore palam fit: quæ si vera esset, ut antichymista interpretatur, nulla facta fuisset nec fieri potuisset creatio. Quis enim perfecte bonus, omnibusq; numeris absolutus, ita ut ejus bonitati nihil accedere possit, nisi solus Deus *Matth.* 19. v. 17. Nisi substantiæ secundum perfectionem & imperfectionem essent in creatione distinctæ, mundus non esset in partibus, & speciebus suis ab uno ad unum ordinatus, sed omnia essent unum, & ipse Deus. Nec verum esset, quod *Sapientia* 11. de Deo prædicat: omnia in mensura, numero & pondere disposuisti. In maiore itaq; propositione committit antichymista crimen falsi in scripturam interpretatione sua fallaci detorquens dictum secundum quid ad dictum simpliciter. Nō enim quando dixit Deus de jis quæ creaverat, quod erant valde bona, etiam mox summè bona dixit, quorum bonitati nihil possit omnino accedere. Cum perfectio & bonitas non sit uniusmodi, sed alia in creatore, alia in creaturis, scilicet summa, media

media & infima. Ut Augustinus in enchiridio testatur dicens: à summè, equaliter & immutabiliter bona trinitate creata sunt omnia, nec summè nec equaliter, nec immutabiliter bona, sed tamen bona etiā singula, simul verò universa valde bona, quia ex omnibus consistit universitatis admirabilis pulcritudo, in qua etiam illud quod malum seu imperfectum dicitur bonum ordinatum, & loco suo positum eminentius commendat bona, ut magis placeant, & laudabiliora sint, dum comparantur malis. Hoc etiam philosophi intellexerunt. Nam Aristoteles 1. de cælo scribit: primum ens non ab omnibus secundum eandem mensuram participari, sed ab his quidem perfectius, ab illis verò imperfectius. Quod explicās Cæsalp. li. 2. perip. q. 2. scribit: si equaliter primum ens ab omnibus reciperetur, omnia simul unum essent, nulla enim esset differentia, per quam differrent. Quod si entia sunt plura & ab uno omnia, per diversam ejus participationem oriri necesse est. Idcirco factum est, ut ordine quodam disposita sint corpora universi, quatenus perfectius & imperfectius datum est illis esse. Hinc Scaliger de subtil. ex. 6 d. 15. inquit: in hac mirabili rerum vel structura vel digestionem summus opifex statuit gradus scilicet substantiarum. Et lib. 3. de caus. plant. cap. 1. Sanè entia per gradus quosdam inter se affinia sunt à prima materia usq; ad intelligentiam primam. Et iterum ibidem lib. 4. cap. 4. Quicquid est in suo genere perfectum est, quod si superiori generi cōparetur, imperfectum judicabitur, etiā homo. Nihil. n. perfectum simpliciter præter Deum.

Qua-

Quia propter perfectum & imperfectum est commune *mat. & entis*, cujus multipliciter propterea Arist. *in metaph. 4. cap. 16.* distinxit, & locum habet in summis & mediis generibus, speciebus & individuis, in substantiis & accidentibus, in animalibus, plantis & mineralibus. Forma est potior nobiliorque natura, quam materia 2. *phys. cap. 1.* Cælum perfectior substantia quàm elementa. In lementis ignis & aër magis sunt forma & *videri* quàm terra 1. *de ort. & int. cap. 3.* in mixtis nihil vulgatus divisione illa in imperfectè & perfectè mixta. Animalium perfecta sunt, quæ omnes sensus habent, imperfecta quæ pauciores, ut genera mollia, crustata, testata, insecta 4. *de histor. animal. cap. 8.* Item perfecta quæ simile animal immediate generant, imperfecta quæ vermem aut ovum. 2. *de gen. animal. cap. 1.* In plantis videmus (inquit Scaliger *in 2. de plant. p. 114.*) eandem naturæ scenam, ut quædam sint perfectæ, nonnullæ careant stipite, ramis deficiantur aliæ, fructus aliquæ non ferant, aliis flos desit &c. Sicut autem singulis generibus certa in est perfectionis & imperfectionis ratio, ita in metallis, qua perfecta & imperfecta dicuntur præcipue est à generatione & mixtione. Experientia enim testatur in mineris à fossoribus observata metallorum imperfectorum transitum continuè fieri versus aurum, & argentum, ut Petrus Ferrariensis *cap. 20.* & Dionys. Zachar. *tractatus sui parte. 2.* docent. Hoc enim modo omne quod est in motu ad formam ad quam ultimò ordinatur, debet dici imperfectum, sicut definit Aristot.

Plot. 4. *metaph. cap. 16. & 24.* τέλει ἐσιν ἡ μορφή: τέλειον δὲ τὸ ἔχον τέλει: *finis est forma, perfectum vero quod habet formam.* Hanc ultimam formam sequitur perfecta mixtio, unde Geber scribit *libr. 1. summa perfect. cap. 8.* metallorum perfectionem circa mixtionis modum versari. Quam perfectionem & alii philosophi similiter statuunt, ut Scheg. de occult. med. facult. *cap. 3.* inquit: in substantiarum generabilium perfectione inprimis consideratur perseverantia & diuturnitas durationis ratione crafcos, ita ut hæc perfectissima judicetur, quæ propter αὐτῆς διαίαν diutissime subsistat & perduret. Ejusmodi in metallis sunt aurum & argentum. Hujus perfectionis iudex non est antichymistæ phantasia multennis, sed ignis & cætera artis criteriis, de quibus apud Gebrum *lib. ultimo summa perfectionis & apud docimastas* videre est. Hæc omnia oculis ita manifesta sunt, ut si quis hunc perfectionis & imperfectionis ordinem in creaturis, & præsertim in metallis inficietur, is clarissimum solem in meridie patentib. oculis se videre neget, & merito ad Anticyranum illud antichymistæ concilium relegandus sit, donec sufficientibus elleborismis purgatus sapiat. Itaque antichymistæ theoria potius blasphemæ, impia & demens est, dum metallis tribuit divinam perfectionem, quorum bonitati nihil omnino accedere possit, transmutans ipse species physicas in metaphysicas phantastica religiositate, quæ pariter à sacris literis refutatur. Nam si aurum aliis metallis melius atque perfectius dicere vetat pietas ut ait *thesi 28.* cur ornatum templi

templi Hierosolymitani Deus præcepisset fieri ex auro potius quam ex aliis metallis? Blasphemi fuissent Magi, qui ab oriente Christo nato Puero aurum potius apportarunt muneri, quam stannum, plumbum, cuprum, ferrum. Blasphemus esset Petrus cum sanctis aliquot prophetis, qui fidenti sanctorum auro & argento per ignem probato æquipararunt, non ferro, aut plumbo, propter perfectionem. Quid multis? Consensus omnium gentium & populorum, principum & regum, primatum inter metalla auro decernit, quod aliunde non est nisi à perfectione.

Quod nisi esset non perfectiora essent æterna caducis, cælestia elementaribus: nec valeret logicum illud principium 3. *topic.* quod diuturnius, id melius & eligibilius. Sublunaria quanto cælestibus & æternis similia tantò perfectiora. Similitudo hæc in duracione & incorruptibilitate & puritate substantiæ consistit. Unde Hermes in *secreto cap. 7.* scribit: *O filii philosophorum corpora sunt septem, quorum primum est aurum, eorum perfectissimum, rex & caput, quod nec terra corrumpit, nec aqua alterat, nec res devastantes devastant, quia ejus complexio est temperata & natura directæ in caliditate, frigiditate, humiditate & siccitate, nec superfluum quicquam in eo est. Ideo philosophi ipsum prætulerunt,*

VI. Argumentum adversus divisionem metallorum in imperfecta & perfecta thes. 22.

SI natura in generatione metallorum semper intentata est in aurum tanquam in perfectius (per impedimenta autem suum scopum non semper assequitur) tunc consequitur illud absurdum , naturam sæpius à suo scopo aberrare (cum major sit reliquorum metallorum quam auri copia) quod contradicit principio physico naturam ut plurimum suum adipisci scopum.

Responsio.

Fallit consequens. Quia unius rei possunt esse multi fines & scopus non unus. In generationibus quibusdam animalium & vegetabilium alia est forma media , alia ultima , utriusque tamen idem scopus est , nempe utilitas hominis. Sumus enim & nos quodammodo finis ; ut alibi ex philosopho audivimus. Itaque in rerum generatione videmus naturam duplici procedere via ad perfectionem , mediata vel immediata ut alibi diximus. Sicut autem animal aliquando sibi simile generat , aliquando non statim simile , sed quiddam mediæ formæ , ut ovum aut vermem & planta alias è radice similem plantam profert , alias prius semen aut fructum : ita natura mineralis , ut Petrus Ferrariensis docet *cap. 20. in generatione auri alibi ex propriis principis aurum immediate producit, alibi prius imperfecta*. Nunc in vegetabilibus interroga agricolam & videbis minimam partem tritici pervenire ad frugem , id est , ad suam ultimam plantæ formam , maxima parte seminis intercepta ad cibum. In animali gene-
re in

re interroga ancillam vel uxorem tuam & dicent tibi, gallinas suas plura parere ova, quam excludant pullos. Nihilominus tamen natura à scopo non aberrat, etsi in ovis; ob interceptionem ad usus humanos, in affecutione formæ ultimæ, quæ est pul-
lus, quam tamen natura semper & primò intendit, ut plurimum frustretur. Novisti enim multò plu-
ra comedi solere ova, quam pullos. Deliras etiam si scopum ultimum non assequi & aberrare à sco-
po, in opere naturæ, idem putas. Quia tunc natu-
ra à scopo aberrare dicitur, quando gallina neque
ovum generat, neque pullum, sed aut sterilis est,
aut pro ovo vivace subventaneum vel aliud mon-
stri producit. Sic etiam creator disposuit generati-
onem metallorum ut eorum usus non solum sit in-
forma ultima, sed etiã in forma media ad quãcũq;
perduxit illa minerã. Et quẽmadmodum semen
vel ovum intercipitur ad usum hominis, quò mi-
nus pertingant ad formam ultimam, ita etiam res
se habet in metallis, quæ imperfecta effodiuntur.
Nam si metalla imperfecta (inquit Vincentius in
specib. lib. 1. de alchymia) remanerent in mineris
suis, præpararet ea natura per gradativam mutati-
onem, donec pervenirent ad speciem auri vel ar-
genti. Ex quibus nunc manifestum est naturam ne-
que in medio termino generationis; in quo substi-
tuit ex accidenti, neque in ultimo; scopo suo fru-
strari. Et quamvis plures inveniãtur fodinæ alio-
rum metallorum quàm auri, nihilominus natura
scopo suo non frustratur, sed suo tempore porire-
tur, nisi intervenirent aut impedirent homines.

De progressu æris vel argenti in aurum magnesiæ,
 stanni & plumbi in argentum alibi dictum est. Hoc
 tamen non de omnibus mineris intelligendum est.
 Sicut enim non omnis fert omnia tellus: ita quoq;
 non in quavis vena metallorum hic transitus datur
 ob plura alia incidentia impedimenta ab ineptitu-
 dine materiæ nimium heterogeneæ & impuræ, à
 situ loci & imprimis ab influxu cæterorum plane-
 tarum prædominantium, cuius causa dicit Artesius
*in clave sapientia majoris cap. 1. nisi essent diverse
 actiones & influentia corporum celestium in ipsa
 inferiora, omnia corpora mineralia essent aurum.*
 Præterea concessio hoc quod vult antichymista,
 nempe naturæ intentionem supremam non esse
 aurum, sed speciem cujusunque metalli, nihil ta-
 men hinc alchymix derogatur, cum transmutati-
 onem etiam in natura possibilem videamus non
 præcisè secundum viam hanc linearum; sed tam
 retrorsum quam prorsum in se invicem comine-
 re metalla, ut ferrum in cuprum & recrementum
 cupri in ferrum. Et Albertus *lib. 3. de reb. min. tract.
 3. cap. 6.* generationem metallorum ad se invicem
 etiam circularem esse demonstrat ex Hermete &
 aliis antiquis philosophis. Et dictum illud: *qui non
 albisficat, non rubisficat*, etiam hoc modo accipitur:
 nemo potest argentum in aurum vertere, nisi sci-
 verit etiam aurum in argentum reciprocè trans-
 mutare; Nam non solum propter hunc progres-
 sum naturæ seu formæ, sed multò magis ob pro-
 pinqunitatem vel symbolum communis materiæ fit
 transmutatio in metallis, sicut in elementis, de qua
 realibi plura.

p̄ertis aut integris syllogismis agit, sed enthymematis; quibus non solum altera propositio, sed interdum integri prosyllogismi desunt, in quibus fallacia occultatur, sicut hic fit: Sed etiam prosyllogismum: Si natura semper in perfectionem intenta est: tunc solum aurum generat, quia solum aurum est metallorum perfectio. Sed prius est. Ergo posterius. Hic maioris ratio fallit errore consequentis. Aurum enim non est omnis metallorum perfectio, vel forma, sed perfectio, vel forma tantum ultima. Fallacia hæc simili paralogismo declaratur. Possemus enim pariter concludere, nec Deum per verba, crescite & multiplicamini (nam iuvat semper antichymistam ex Genesi disputare) ovum gallinæ creasse, hoc modo, si natura semper in perfectionem intenta est; tunc gallina solum pullum generat, quia solus pullus est generationis perfectio. Prius est. Ergo posterius. Et per consequens ante lapsum gallinæ nulla peperere ova, sed post lapsum demum in cibum hominis sunt creata. Et antea formatos pullos pariebant, eosque lacte nutriebant, sicut vesperiliones. Dignus profecto sermo convivii Saturnaliū, qualis incidit etiam apud Macrobiū, *libr. 7. cap. 16.* Ovumne prius fuerit an Gallina? Sed & absurde, fallis errore consequentis, putans nullam esse perfectionem; nisi ultimæ formæ; cum tamen ex supra dictis constet; esse etiam alias perfectiones metallorum (quatenus quiescunt in media forma; atque ita permanent in sua specie; sicut ovum & triticum) ad usus humanos. Tot chim

(inquit Scal. in com. de plant.) sunt rerum perfectiones, quot hominum utilitates: & li. 4. de caus. plant. c. 4. Theophrastus ait duplicem esse perfectionem ex duplici fine, alteram ad nostrum usum referri, alteram ad generationem. Ignis & aer sunt formaliora, teste Aristotele, nihilominus terra & aqua sunt creata etsi minus perfecta. In propriis auri mineris natura primò intendit aurū, & id solū: sed in mineris cæteris nō primò intendit aurū, sed imperfectiorū aliquid. Itaq; nec naturæ intentio omnis est primò auri generatio, nisi in propria minera, in cæteris. n. mineris est naturæ intentio primò imperfecta generare. In mineris itaq; imperfectorum metallorum, si intentionem ad ultimam formam refert, intentionem cum executione cōfundit. Finis etsi primum est intentione, tamen ultimum est in executione seu effectu. Generationes rerum, quas natura intendit non fiunt subito, sed certo tempore, non ubiq;, sed definito loco, non confuse, sed certo ordine & modo transeundo per sua media: nec natura facit saltus. Esto naturæ intentio solum aurum, ex dictis tamen causis nō statim intentionem sequitur effectus. Itaq; retorquetur argumentum in antichymistam: Sicut enim non omne, in cuius perfectionem natura intenta est, statim ultima forma immediatè perficitur: ita creator in creatione non omne principium metalli nec omnem venam mox aurum esse voluit; sed suo modo & tempore. De duplici modo generationis auri supra diximus. Nihil etiam eorum sequitur quæ ante lapsum de creatione deliria somniat

antichymista. Cum Deus omnes species tam mineralium, quam vegetabilium & animalium creaverit ante lapsum, & lapsuro etiam de omnibus ad vitam necessariis abunde providerit. Homo in integritate tam non indiguisset auro, quam ferro, expers quippe egestatis & laboris, quorum illud illud subsidium, hoc hujus instrumentum præcipuum est: nisi fortè auri usus fuisset ad vitæ elixir.

VIII. *Argumentum adversus divisionem metallorum thes. 68. 69 70.*

DEUS admirabili sapientia creavit diversa metalla ad varios hominū usus atq; necessarios. Annon hanc Dei sapientiam eludunt aurifices, dum naturæ ipsiq; Deo unam auri intentionem in productione metallorum præscribunt. Et thes. 69. Deus aut non voluit aut non potuit omnia metalla in aurum convertere in creatione. Posterius cogitare est Sathanicum. Ergo non voluit. Cur autem non voluit? Quia placuit ad diversos usus humanos diversa metalla creare.

Responsio.

Midæ votum & suum proprium somnium refutat antichymista. Quis enim unquam scripsit aut dixit Deo & naturæ unam auri intentionem in productione metallorum fuisse? Contrarium potius asserunt, ut videre est manifestissime ex verbis Petri Ferrariensis, quæ ex margarit. cap. 12. in testimonium apponere volui. Oportet, inquit,

*necessario dicere quod imperfecta metalla ex intentione naturæ, & non à casu, id est, propter causas solū impediētes & corrūpētes fiāt. Propter cōplemētū n. universi natura sapiens providit in generatione ipsorum arti & constituit ea sicut medium ad transitum auri. Quoniam diversa opera facit ars ex metallis imperfectis, quæ non potest facere ex auro. Unde dicere possumus, quod sicut secundum rationem naturalem tota terra deberet esse cooperta aquis, sed natura respiciens ad complementum universi, & commoditatem humanæ naturæ, & cæterorum animalium spirantium & vegetabilium coacta fuit dimittere partes quasdam discoopertas: ita cum omne metallum ex parte naturæ intendentis deberet esse aurum, natura coacta propter humanæ naturæ commoditatem cætera generavit metalla. Natura enim nihil facit frustra. 2. *phys. cap. 2.* Et similiter dicimus, quod sicut natura generat testiculos in animalibus non propter necessitatem, sed propter melius, ut dicitur *15. de animalibus*: sic quasi dicere possumus, quod natura generavit metalla imperfecta, non propter necessitatem, sed propter melius, cum omne quod facit natura, faciat propter alterum istorum. Hæc Lombardus. Suprà etiam ex Artesio audivimus propter influentias diversorum planetarum, qui sunt domini generationum & corruptionum in inferioribus, diversa existere metalla: Si autem sol esset solus, solum quoque aurum generaretur. Quæ de re alibi accuratius disputatur contra eos qui negant corpora cœlestia esse causam efficien-*

tem metallorum. Imò impossibile est à chymicis
asserri, naturam intentam esse debere ad solum au-
rum generandum, quoniam sic artem propriam
destruerent, dicente rursus Petro Ferrariensi *in sua*
margarita : Si nullum metallorum reperiretur,
nisi solum aurum, tunc ars alchymiae vana esset,
quia cum ars non possit generare aurum ex suis
principiis, sicut natura, sed solum quæ imperfecta
sunt, perficiat, sublati imperfectis annihilaretur,
nec haberet materiam super qua lapidem suum
projiceret. Ad verificationem artis suæ (id est,
quod sit naturalis sive quod imitetur naturam)
non opus est, ut alchymistæ probent in omnibus
mineris naturam intentam esse ad generationem
auri : nam id verum non est intentione primaria,
sed satis est si ostendant possibilitatem naturæ,
quod nimirum in una vel altera minera factus sit
transitus ab imperfectis ad aurum vel argentum,
id quod suprà non uno exemplo palam fecimus :
quoniam quod in una minera sit à natura, idem in
cæteris mineris pariter à natura & extra mineras
ab arte fieri possibile est, sicuti alibi demonstra-
tum est. Cum nugis igitur suis antichymista ridi-
culè depugnat, non cum chymicis, inani opera co-
nans probare Deum in creatione debuisse ex illo-
rum decretis omnia metalla in aurum convertere,
quod tamen nemo chymicorum unquam asseru-
it, sicut nec intentio eorum unquam fuit omnia
metalla, ut ὅλως ὅλως in aurum convertere, sed τῶν

ὅλων μέρη: id est specierum individua seu partem, non species totas. Quis enim posset aut optaret totam speciem plumbi, id est omne plumbum, quod in toto mundo existit, vel alia imperfecta metalla in totum destruere, & in unam speciem auri convertere? Absurdum. Sic enim ipse artifex destrueret propriam artem, dum posteris præriperet subjectum aurificandi. Sed quemadmodum Aristoteles docet metabolen elementorum in se invicem fieri non καθ' ὅλον, sed κατὰ μέρος: ita & metallorum transmutatio non fit secundum totam speciem, sed duntaxat secundum partem aliquam speciei, id est individua.

IX. *Argumentum thes. 28. contra metallorum divisionem.*

SI blasphemum est in creatorem dicere ullum individuum (excepto homine) esse melius atque perfectius altero (nam ratione creationis, nec elephas ove, nec cedrus corylo perfectior est) certe de metallis quoq; idem dicere vetat pietas.

Responsio.

Antichymista totus est ex absurdis compositus, sicut sua argumenta; quod palam fiet, si rem detracta larva sophistica brevius syllogismo integro contrahamus modo.

Nullum individuum est melius atq; perfectius altero.

Quare? Quia ratione creationis neq; elephas ove, neq; cedrus corylo perfectior est.

Sed metalla sunt individua : sic enim minor, quæ deest, suppletur.

Ex o nullo metallo melius est, atque perfectius altero.

Plura sunt vitia & falsitates, quàm propositiones. 1. Minor est manifestè falsa, quia metalla species sunt, non individua. 2. Maior absurda est, repugnans rationi & communi sensui. Quid enim manifestius & magis obvium, quàm in eadem specie unum individuum melius altero esse? Omnes deliberationes nostræ versantur in delectu meliorum circa individua. Quis empturus equum, canem, bovem, agrum non eligat melius? Considerentur loci comparationis, tertio topicorum Aristotelis, & inveniemus antichymistam hominem non hominem, sed bestiam rationis expertem. Creavit Deus caduca & æterna, quis autem diceret æterna ratione creationis non esse meliora atque perfectiora caducis. Maioris itaque ratio seu declaratio non minus falsa est dupliciter. 1. Quod Antichymista non manet in terminis, nec suam maiorem exemplis individuorum comprobat, sed specierum : cum tamen alia sit perfectio individuorum, alia specierum, illa à materia, hæc à forma. 2. Deinde exempla specierum quæ adducit, sunt impertinentia. Perfectæ enim animantes ac plantæ consimilibus speciebus perfectiores non sunt, sed imperfectis, de quibus supra, ut elephas, muscâ, talpâ (& alijs eiusdem generis, quæ non omnes sensus habent, aut simile non generant) perfectior est, non ove simpliciter, cedrus fungo

perfectior est, non corylo. Perfectum aut imperfectum relata sunt, quid autem est rerum creaturum, quod non cum alio in genere, specie, individuo conferri possit? Diximus supra ex Scaligero. Quicquid est in suo genere, perfectum esse, comparatum verò superiori generi imperfectum censeri. Eadē distinctione in metallis utimur. Quodlibet enim metallum in sua specie perfectum esse concedimus, ut habet *thesis* 24. & 25. Constat enim sua speciei forma, at comparatum in genere suo ad aurum, imperfectum judicatur. Quam distinctionem cum antichymista penitus ignoret, se ipsum & omnia confundit, & temerarius contra philosophos disputat, non aliter, ac si sus Minervam doceat. Reciperet profectò dignam sua stultitia mercedem, si suus princeps tali Regiomontano professori pro labore & opera professionis didactum, vel ægroti ipsius consilio usi solstrum nummis arithmeticeis, id est, æreis pro aureis vel argenteis numerarent, ne cum Chymicis hac in parte blasphemi essent in creatorem, si statuerint aurum & argentum ære nobilius esse atq; perfectius. Tunc demum videbimus quid eum super hac re dicere jubeat veterē pietas, utrum æs pro auro & argento hac pietate sua accepturus sit, sicut accipere tenetur ex *thesis* 28. nisi velit ipse blasphemiam in creatorem perpetrare spreto ære præ auro.

X. Argumentum thes. 29. aduersus metallo-
rum perfectionem & imperfec-
tionem.

SI Metalla in creatione perfecta sunt, suasque ac-
ceperunt materias & formas, tunc impietas at-
que dementia est dictæ perfectioni aliquid adde-
re velle.

Sed prius est.

Quanam ergo impietas atque dementia est di-
ctæ perfectioni aliquid addere velle, moliri no-
vam creationem metallorum imperfectorum,
novam auri: materiam iræ & formam præstantio-
rem introducere, destructa materia & forma au-
ri à Deo creati.

Similiter huic conclusioni declamat thes. 20.
quæ blasphemia ipsum aurum etiam purissimum
à Deo creatum ab arte posse exaltari perfectiusq;
fieri. Et thes. 21. Ecce Satanam humana specie ap-
parentem & loquentem ipsissimum, hem scelus
divinam creationem imperfectionis arguere! ar-
ti maiorem perfectionem, quam Dei sapientiæ
atque omnipotentiae tribuere! Viden illum auri
mercurium factitium (fictitium puto) in Dei sa-
pientiam atque omnipotentiam blasphemum in-
numeris modis aurum ab ipsomet Deo optimo
maximo creatum, superantem? Et thes. 27. Quid
tu Chrysopæ Deum oppugnas species novas cre-
ando, species à Deo conditas confundendo ac trās-
formando? cur in ipsum thronum te collocas?
Num istam tuam audacem impietatem inultam
ipse feret?

Re-

Responsio.

Quale argumentum, talia verba, id est, absurda, nugatoris, temeraria. In maiore antichymista blasphemus in Deum, absurdus in naturam, & demens in artes. Dicere enim rebus naturalibus semel perfectè creatis nullam perfectionis accessionem fieri posse multò maximè est providentiæ, sapientiæ & omnipotentiae divinæ contrarium, quoniam 1. sic Deus ex lapidibus, qui pariter materiam & formam suam in creatione ex opinione antichymistæ acceperunt, non posset filios Abraham suscitare, aut ex aqua vinum facere, contra quam sacra testatur scriptura. 2. Scientiarum subjecta confundit, ex metallis, quæ sunt species physicæ faciès metaphysicas, ἐκ ποθεσέως εἰναι ἀπλῶς ὄντα, ex caducis æterna, quæ tamen toto genere distant. Solæ enim substantiæ simplices ea perfectione unt, ut nihil dissimile sui aut dispar in semetipsis habeant, nihilque additionis aut detractionis patiantur. Corporis verò naturalis species, quarum in numero sunt metalla, propter materiam cum qua sunt concretæ hanc perfectionem non habent, sed conjunctæ sunt cū δυνάμει ἀνελίφασεως atque privatione talis perfectionis, propter necessitatem generationis. Est itaque hoc nihil aliud quàm in natura negare motum generationis & corruptionis, &c. & incidere in absurdam opinionem Melissi. 8. phys. c. 3. dicentis, omnia quiescere, nihil moveri. Hanc ἀρρώστειαν τῆς διανοίας, ut ibidem Aristoteles vocat, relinquamus antichymistæ,

Ita, nos contra novimus corporum naturalium proprium *παρὰ* esse, mutari, generari, corrumpi posse, &c. & supra demonstravimus metalla esse *γενητὰ*, quia *φθαρτὰ*. Et quid notius, quam omnem generationem esse cum imperfectione, sicut & corruptionem, in quibus fit prioris formæ abolitio & novæ additio : Nec omnes omnino formæ sunt perfectæ, sed tantum ultimæ in ordine. Ovum accepit à natura animalis suam ovi materiam & formam, similiter semen plantæ perfectum est in sua seminis forma, in qua media forma utrumque quiescit; nihilominus tamen accedente extrinsecus hominis opera promoveri possunt ad aliam ultimam & perfectiorem formam, quæ est pulli vel plantæ. Sic & imperfecta metalla, quæ ovo & semini correspondent in suo genere, in generationis progressu ad auri formam ab arte promoventur. Nonne quodlibet elementum in creatione accepit suam materiam & formam perfectam? Attamen coram oculis tuis tam natura, quam arte ex qua fit aër mediante calore, ubi perfectio additur materiæ aquæ nova forma aëris, & quidem perfectior, ut Aristoteles asserit *1. de oritu & inter. cap. 3.* Nisi ô absurde antichymista in ventriculo & hepate, cæterisque partibus corporis tui alchymistam, id est, transmutatorem gestares, qui pisciculorum, avicularumque & cæterorum esculentorum formas destrueret, aliamque novam alimentis adderet, crede mihi dudum fame interiisses. Num & is species à Deo conditas confundendo ac transformando Deum in te oppugnat,

gnat, & in thronum eius sese collocans impietatem hanc audacem inultam non feret? At hæc tui alchymistæ transmutatio multo confusior ex pluribus & diversis est & remotior, quàm nostra, quæ tantum fit speciebus unius tantum generis proximi & commune habentibus symbolum.

3. Maior quoad artes cum falsitate insaniam etiam implicat. Dona Dei bifariam nobis conferuntur, quædam perfectè & immediatè sine ulla nostra opera, ut anima, vita, intellectus, voluntas, & externa illa, sol, lux, dies, nox, aer, &c. quædam verò imperfectè, & non nisi mediante humano ministerio, ut sunt alimenta, vestimenta, medicamenta, & alia vitæ necessaria, quæ creator homini reliquit perficienda ad suos usus. Hinc Cicero 2. *Offic.* inquit: *Quæ ad vitam tuendam pertinent, partim sunt inanima, ut aurum, argentum, ut alia quæ gignuntur è terra, ut alia eiusdem generis: partim animalia, &c.* sed ea ipsa, quæ inanima diximus, pleraque sunt hominum operis effecta: quæ nec haberemus nisi manus & ars accessisset. Pleraque itaque omnia quæ Deus ad hominis vitam tuendam creavit, perfectionem ab arte accipiunt, quoad usus nostros vel substantialem vel accidentalem. Sumus enim & nos teste Aristot. 2. *phys. cap. 2.* quodammodò finis & rerum creatarum perfectio, & in multis, inquit idem in mechanicarum principio, natura ei, quod nobis usui esse potest, contrarium facit: Natura enim eundem semper habet modum & simpliciter: utile autem multifariam commutatur, tot ergò secundum Aristotelem

telem sunt perfectiones rerum creatarum, quor
 commutationes ad utilitatem hominis. Exemplis
 agamus. Creavit Deus triticum in sua specie, nec
 simul creavit panem, sed lapso dixit: in sudore vul-
 tus, id est, opera artis, comedes panem tuum. Crea-
 vit similiter triticum perfecta specie, quæ tamen
 integra non servatur, sed in lolium degenerat, nisi
 adjuvetur agricultura. Creavit vitem, sed nisi arte
 colatur, mox deficit in labruscam. Creavit plantas
 ceteras, audi tamen, quid Scaliger cum Theophra-
 sto lib. 3. de caus. plant. cap. 1. scribat, quasdam plan-
 tas à natura sua nancisci perfectionem, quasdam
 foris querere ab homine, quia non habent intus. Et
 ibidem lib. 1. cap. 18. arte fieri, ut natura summum
 illum perfectionis apicem in plantis adipiscatur.
 Itaque natura perfectionem à cultu, qui arte con-
 stat, esse petendam. Hæc Scaliger. Fruticationes
 è radicibus vel truncis arborum sunt steriles & in-
 utiles, nisi opera plantatoris perficiantur ad fru-
 ctificandum. Dignus es planissime, cui vino inter-
 dicatur: Illud enim non biberes, nisi naturæ ac-
 cederet perfectio ab arte. Lino, cannabi & velle-
 re te tegeres, nisi vestem ab arte acciperes. In sum-
 ma, si vera esset theoria tua lapidea, ô absurde an-
 tichymista, nec agricola, nec molitor, nec pistor,
 nec coquus, nec vinitor, nec textor, nec sartor, nec
 sutor, nec pharmacopæus, nec tu medice sine blas-
 phemia opera artis exerceres quoniã in omnib. his
 naturæ creatæ fit perfectionis quædã ab arte acces-
 sio. Omnis quidem ars est subjecti sui, quod à naturæ
 imperfectum suppetitur, quædam perfectio
 vel simpliciter vel ad usum nostrum: quod adeo

manifestum est, ut quædam artes duntaxat defini-
antur additione deficientium & ablatione super-
fluum in re naturali. Perfectum non est, cui per
artem aliquid addendum vel demendum est. Non-
ne medicinam Hippocrates in *libr. de flat.* deficit
adiectione necessariorum & detractiōe inutili-
um: Similis opera agriculturæ est circa plantas,
quarum naturam emendat demendo superfluum &
addendo necessaria, quam analogiam utriusq; ar-
tis videns Scaliger *comm. in 3. de caus. plant. cap. 2.*
pronunciavit agriculturam medicinam plantarū
& medicinam agriculturam hominum. Eadem
ratio est alchymix, quam similiter Geber in *libr.*
investig. perfect. cap. 2. definit esse in metallis su-
perflua demere & absentia supplere, & sic notam
eis immittere perfectionem. Quæ verba quam-
vis à Gebro de medio opere dicta sint, tamen id
verius præstat per operis maioris medicinam;
cuius proiectione super imperfecta superfluum
illud extraneum sulfur à mercuriali substantia re-
moveretur, & quod in ea crudum est sulfuris huius
non urentis coctione perficitur. Distinguendæ
sunt artes, & earum perfectiones quæ sunt dissi-
miles. Quædam enim naturam imitando eam
non modo non superant, sed ne æquant quidem,
ut sunt statuaria, pictoria, & cæteræ quæ solo mo-
tu artis perficiunt subiecta sua forma tantum ac-
cidentalī & externa: quædam verò naturam imi-
tando eam haud parum superant, ut sunt, quæ
modo nominavi, agricultura, medicina, & alchy-
mia, quæ non solo externo artis, sed & naturæ mo-
tu in-

tu interno ad efficienda sua opera utuntur. Eadem est sententia Aristotelis ; qui in principio primi Rhetoricorum scribit , dum aliquid fit arte & natura, longè melius fit arte, scilicet complicata cum natura, quam natura tantum. Et in principio mechanicarum : ars naturæ juncta valet superare ea, quibus per naturam vincimur, ut patet in gravissimorum ponderum artificiosa elevatione. Sed quid diutius lumen soli inferimus ? cum res hæc, de qua cum insano isto antichymista disputo, lip-
 pis & tonsoribus nota sit. Species metallorū transmutamus & perficimus ea arte , quam Deus suos docuit. Num blasphemia est artem exercere , quā ipse docuit, ut alibi demonstrabitur ? Interim interroga super his plantatorem, qui pariter species transplantat , num cydoniam in pyrum , aut pyrū in pomum cum blasphemia creatoris vertat ? Et sine dubio tibi precabitur sanam mentem. Fallax igitur est elenchus oppositorum , cum creatio & artificium nō sint opposita, sed subordinata. Idem enim Creator, qui propter hominem (inquit Scaliger *com. in lib. 1. cap. 18. de caus. plant.*) plantas (& cætera) fabricatus est, homini dedit rationem, dedit manum, unde & à tempore locoque plantis & à plantis sibi suppetere expedire commoditates. In rebus inanimis natura habet tantum principium τὸ κινεῖσθαι , & indiget manu hominis ut principio se movente & activa cum passiva ad generationem & perfectionem ritè conjungente. Sicut igitur triticum non multiplicatur sine agricultura, nec arbor sterilis fructificat sine insitione:

ita nec metalla generant sibi similia sine alchymia. Quamvis enim lapis noster, inquit Arnoldus & Lilius jam in se tincturam naturaliter contineat, quoniam in corpore terræ perfectè creatus est, tamen per se motum non habet, ut fiat elixir completum, nisi moveatur arte & operatione. Et idcō artes diversæ à diversis philosophis sunt inventæ, ut compleatur per artificium, quod à natura est relictum incompletum & imperfectum. Si quaeritur quomodo lapis creatus in ventre terræ ab arte exaltari multoque perfectior reddi possit, sciendum est, non quaeri perfectiorem aliquam speciem, quàm est auri (quod jam ad supremum gradum perfectionis metallicæ pervenisse, ideoq; in nobilius metallum mutari non posse concedo) sed perfectionem virtutis generativæ, seu multiplicationis per individua, quæ vis in hoc subjecto delitescens in actum arte elicitur. Quemadmodum nec agricola desiderat speciem perfectiorem tritico, sed tantum eiusdem in individuis multiplicationem. Hanc potentiam naturæ similiter in metallis posse in actum elici & perfici confirmat Marsilius Ficinus lib. 3. de vita cœlitus comparanda cap. 3. his verbis: *Si queris cur metalla non generent, quæ inter elementa & animantia media sunt, causa est, quod spiritus in eis crassiori materia continetur, qui si rite secernatur, secretusq; servetur, tanquam seminaria virtus poterit sibi simile generare; si modo materia cuidam adhibeatur generis eiusdem.* Hæc Marsilius. Hic spiritus generativus proportionem respondens elemento stellarum (ut philosophus

phius libr. 2. cap. 3. de gener. animal. loquitur) in lapide nostro certa methodo artis caloreque proportionali excitatur, & ita multiplicatur, ut tandem fiat elixir & tinctura millies millesies fortior, quam sunt ipsa corpora naturalia naturali calore decocta, ut scribit Rog. Baccho in speculo capit. 3. Deinde etiam aurum quod hinc fit, perfectius & melius est naturali, ut omnes artifices testantur & ipsa experientia. Hinc Comes Mirandulanus lib. 2. de auro cap. 7. scribit: *Ars non solum naturam dicitur imitari, sed plane perficere, ut non absolum hinc videri queat, quod a multis assertur jam factum. & me vidisse non abnuo, id est, fieri per artem posse naturae adjumento aurum nativo perfectius, certe coloratius, & Alberti persuasit autoritas, & ostendit experientia apud multos, etiam a philosopho Psello prodita literis, qui docuit arte fieri perfectius aurum micis, ramentis, frustulisque Pactoli. Et Paracelsus de natura rerum lib. 9. Nostrum aurum & argentum, quod tinctura nostra fit, melius & nobilius est ad preparationem omnium medicinalium arcanorum, quam illud quod natura ipsa in mineris generavit & a venis separavit. Textus philosophiae: Aurum & argentum per nostram medicinam generatum excedit omnem solem & lunam naturalem in omnibus proprietatibus tam medicinalibus quam alijs. Comes Trevilianus in epistola: Opere artis philosophica citius & breviori tempore generatur aurum perfectius, nobilius, & gradibus sublimius, quam opere naturae. Directorium alchymiae: nihil obstat, quod au-*

rum alchymia sit auro minerali preciosius, quia talis mineralis preciositas est perfectionis accidentalis, quae speciem non diversificat. Lombardus etiam cap. 2. ait, Aurum artis esse melius, purius & perfectius naturalis addita ratione: quia alchymicum est ab omni sulfure & superfluitate mundatum; minerale autem quodcunque illud sit, habet sulfuris alicuius adherentis commixtionem. Similem ferè rationem Paracelsus reddit libr. 9. de natura rerum inquit: Nostra tinctura astraliter perfecta & preparata singulare perfectionis suae indicium edidit simile fulgurationi minerali, quae fit in montibus. Nam si pauca eius portio in metallum liquidum projecta fuerit & amborum in igne coniunctio fiat, naturalem praebeat fulgurationem; perinde ut aurum vel argentum purum in cineritio circa purificationis finem fulgurat. Haec Paracelsus. Nostrum igitur argentum & aurum jam per medicinam fulminatum est, & purgatum ab omni sulfureitate extranea: naturale autem nunquam tantum purum est, quin cineritio, aut alia purgatione indigeat. Id attestatur singulari historia & experimento auri à plumbo facti Basileæ Dienhemius de medicina universali cap. 24. dicens: post projectionem factam effuso tigillo non amplius plumbum, sed aurum purissimum reperimus, & quod post examinatione aurifabrorum multis parasangis aurum Ungaricum & Arabicum superaret, cuius particula rei memoriam Zuvingero donata fuit & adhuc extat. Quis ergo jam non videat, quam vehementer elleboro indigeat antichymista, qui dum me-

lis ab arte perfectionem accedere sine blasphemia creatoris posse negat, se & totum humanum genus omni beneficio artium, quas tamen Deus æquè, ac ipsas res creatas homini concessit, stultissime privare contendit. Et si blasphemia esset aurū creatum vel natum perfectius arte facere, nec quoque liceret aurum vel argentum impurum è minera per cineritium, cementum, antimonium, quartationem, &c. perfectius vel purius reddere, quod est absurdum, & suæ etiam *thes. 9.* contradictorium. Inepta scommata & cæteræ τῆς ἀρρώστιας διανοητικῆς φλυαρίαι, quas adversus artem huic sophismati admiscuit, insanix maioris argumentū sunt, quæ tanti facimus, quanti insanorum aut melancholicorum convicia faciunt medici, quoniam post demonstratam jam veritatem futilitate suæ per se ipsa ruunt, & contrarium potius ex superioribus patet, nempe assertionem hanc antichymistæ esse in artes, quæ sunt dona Dei, blasphemiam, impiam, stultam, & providentiæ, sapientiæ, omnipotentix atq; misericordiæ Dei ex diametro oppositam, contra quam ipse *thesibus 20. 21. 29. & 73.* alchymix temerè affingere ausus est.

XI. Argumentum thes. 42. à modo generationis seu veræ transmutationis.

SI metallorum essentialis fieri posset transmutation, naturæ operationi conformis fieret, ita ut uno actu ac simul & forma substantialis prior aboleretur & nova introduceretur: ut fit in alimentum transmutatione in corpus alendum.

At neque ignis neque quicquam eorum, quæ operationibus aurificationis adhibentur, formam auri in se continent: Alias quodlibet metallum esset ipsummet aurum.

Ergo metallorum non fit vera transmutatio.

Responsio.

Minor est falsa ex insufficienti enumeratione partium vel specierum. Etsi enim neque ignis neque imperfecta metalla, neque alia species quas Sophistæ admiscunt (per alba albificantes, & per citrina citrinantes, manente eadem specie metalli prioris in materia, qui procul dubio deceptores sunt, & verum aurum & argentum non faciunt, ut loquitur Albert. lib. 3. de mineralib. tract. 1. cap. 9.) formam auri continent: elixir tamen philosophorum eam continet, quo sulfur extraneum, quod erat causa prioris formæ imperfectorum in momento quasi separatur & introducit nova forma auri per sulfur intrinsecum non urens. Hinc Petrus Ferrariensis in introductione: Ex iisdem principiis mineralibus corporum metallicorum sicut natura generat aurum sive compositum, ita ars ex iisdem generat formam auri, quod est elixir, quod quidem si proiectum fuerit super imperfecta metalla seu materiam, fit per conflationem eorum commixtione compositum, quod est aurum. Et quod ignis coctione sua non possit imperfecta perficere in aurum, ultro fatentur philosophi. Scribit enim rursus magister bonus his verbis:

bis : Nolumus ponere metalla imperfecta in igne ignitionis aut liquefactionis, & sic servare, quousq^{ue} auferantur, & perficiantur in aurum, quia fatuum est hoc dicere & imaginari & impossibile : sed ipsis liquefactis ad ignem immediate imponimus lapidem secundum iusta pondera ipsa perficientem. Porro in ratione minoris, cum inquit : alias quodlibet metallum esset ipsummet aurum, imperitè & sophistice loquitur, potentiam ab actu non distinguens. Nam quodlibet metallum esse non actu, potentia tamen aurum est, quod ex eo liquet, quod imperfecta metalla à natura in mineris quibusdā paulatim perficiuntur in aurum, & singula etiam effossa granum aliquod in se continent incorruptibile auri vel argenti. Itaque non naturæ, sed nostri respectu negatur eis potentia ad aurum. Quoniam, si sine elixire nostro vellemus ea per se in igne coquere, & perficere in aurum, tam expensis, quam vita de ficeremur, priusquam opus compleremus ; imò non est datum nobis tantum vitæ spacium, ut vel argenti decoctione sola in aurum mutatio expectari possit, sicut omnes philosophi testantur.

XII. Argumentum thes. 43.

Mercurius non potest figi, nec auro sua fixitas auferri propter uniformitatem : pariter nec cætera metalla figi, nec in mercurium reduci possunt, & quamvis videantur aliquo modo ab ignis & aquæ fortis vehementia resolvi, tamen nihil aliud fit, quam quod friabilitati accedit, quantum eorum tenacitati decedit: unde reducuntur rursus.

Ergo omnis metallorum transmutatio est deceptio sophistica.

Responsio.

SI verba revocentur ad syllogisticam formam, statim patebit duplex fallacia una secundum non causam ut causam, altera consequentis. Syllogismus sit pro antichymista:

Corpus uniformæ non est mutabile infixum vel volatile.

Sed mercurius & aurum sunt corpora uniformia.

Ergo mercurius non est convertibilis in fixam, nec aurum in volatilem sive mercurialem substantiam.

Maior simpliciter est falsa: quia alioqui tantum organica corpora & non similia essent mutabilia corpora naturalia. Uniforme enim & simile idem sunt. Ignis est corpus uniforme, & tamen mutari potest in terram, quod est corpus fixum. Et terra similiter est corpus uniforme, si non in superficie, tamen in centro, nihilominus statuitur à physicis mutabilis in alia elementa volatilia.

Deinde non sequitur: Metalla igne & aqua forti resoluta, ut antichymista scit, reduci possunt, vel mercurius igne solo non figitur. Ergo nullo modo metalla resolvi possunt in mercurium, quin reducantur & mercurius nullo modo figi. Fallit consequens. Quia præter hos, quos antichymista hic posuit, longe alii & diversi sunt modi, quos ipse nescit & soli philosophi sciunt metalla resolvendi in

mercurium & mercurium figendi. Et antichymista perperam more plebeculae, difficile & impossibile, ut terminos vicinos non discernere novit. Aurum difficulter solvitur in mercurium & mercurius difficulter figitur. Non sequitur, ergo omnino non solvi aut figi potest: quia impossibilitas pendet ab imperitia, non ab arte.

XIII. *Argumentum thes. 44.*

Istud & haec ratio invicta comprobat. Si enim quicquid est actu humidum, & quicquid actu siccum, potestate vero humidum vel fluidum, à Deo creatum est impedimento remoto in pristinam suam naturam redit, tunc forma nulli humido hujusmodi detrahi potest.

At prius confirmat experientia. Verum itaque & posterius.

Et per consequens nec auro forma propria detrahi & detracta rursus alii communicari potest.

Responsio.

Audimus sanè sophistices elenchū, sed non invictum, imò meram petitionem principii, ubi superius argumentum repetitur tantum & notius per obscurius probatur, ad quod etiam intelligendum Oedypo conjectore fermè opus foret. Resumamus & exemplo manifesto simul stultitiam & falsitatem declaremus argumentatoris & argumenti. Aqua est actu humida, & glacies actu sicca, potestate vero humida vel fluida à Deo creata, quae

glacies frigore remoto per calorem in pristinam suam naturam actu humidam redit. Non propterea tamen aquæ vel glaciei sua humiditas nunquam detrahi potest, aliàs aqua nunquam converteretur in aeris, terræ vel ignis elementum, quod est absurdum. Itaque contrarium confirmatur experientia. Sed resumamus aliter secundum ipsiusphantasiam. Voluit dicere : Si metallorum in mercurium per aquas fortes vel regias resolutio fieri nequit, quin rursus possint (impedimento dubitabilitatis, quod est à mineralibus spiritibus, remoto) in pristinam suam naturam seu formam seu corpus reduci : tunc nulli metallorum forma detrahi potest. At prius est verum. Ergo & posterius : & per consequens nec auro sua forma detrahi & postea aliis communicari potest. Sed fallis seipsum ignorance elenchi, sicut & supra fallacia consequentis. Etsi enim totus syllogismus concedatur : conclusio tamen aut consequens arti nihil repugnat, quoniam opus universale non consistit in tali metallorum vel auri in mercurium reductione, nec in formæ ab albo suo corpore separatione, ejusque in alia rursus corpora intronissione. Hæc tua & sophistarum est opinio & labor inutilis, non philosophorum. Multum de eadem forma declamatur *thesibus*. 18. 56. 57. 58. 59. 60. 62. magna vanitate, eò fortassis ut antichymista ab quid ignorantibus videatur novisse in chymicis, cujus tamen universam in philosophicis & chymicis scientiam cassa nuce non emerim. Sed hæc alibi refutata sunt. Deinde si philosophi circa talia sophistica

stica & infructuosa particularia labores & sumptus impendere vellent, ipsos scientia non lateret hæc consequendi, sed antichymistam & alios artis imperitos. Itaq; etiam fallacia est consequentis, quia hæc formæ auri extractio necessest verus, nec omnis modus tincturam faciendi: sicut nec antichymista, est omnes homines, nec ejus scientia aut experientia est universalis omnium hominum vel artificum scientia experientiæve. Ad eundem elenchum referenda sunt, quæ thess. 56. scribuntur: Rubedo auri extracta non est tinctura. Ergo nullo alio modo tinctura fit. Quia tinctura nostra hoc modo nequaquam extrahitur: sed primum fit nigra, postea alba, ultimò rubra, Antichymistæ autem rubedo est ejusdem coloris in principio, medio & fine: sicut contrà sua frons est sine rubedine in hujus disputationis principio, medio & fine.

XIV. Argumentum thess. 47. 48. 53.

Si aurum non potest fieri ex ullo alio metallo, multò minus ex rebus aliis toto genere diversis. Atqui aurum non potest fieri ex ullo imperfectorum: quia imperfecta non habent materiam cum auro communem: nec ex ipso auro: quia in auro non est tinctura.

Ergo aurum omnino non potest arte fieri & proinde ars nihil est.

Respon-

gnat, & in thronum eius sese collocans impietatem hanc audacem inultam non feret? At hæc tui alchymistæ transmutatio multò confusior ex pluribus & diversis est & remotior, quàm nostra, quæ tantum fit speciebus unius tantum generis proximi & commune habentibus symbolum.

3. Maior quoad artes cum falsitate insaniam etiam implicat. Dona Dei bifariam nobis conferuntur; quædam perfectè & immediatè sine ulla nostra opera, ut anima, vita, intellectus, voluntas, & externa illa, sol, lux, dies, nox, aer, &c. quædam verò imperfectè, & non nisi mediante humano ministerio, ut sunt alimenta, vestimenta, medicamenta, & alia vitæ necessaria, quæ creator homini reliquit perficienda ad suos usus. Hinc Cicero 2. *Offic.* inquit: *Quæ ad vitam tuendam pertinent, partim sunt inanima, ut aurum, argentum, ut alia quæ gignuntur è terra, ut alia eiusdem generis: partim animalia, &c.* sed ea ipsa, quæ inanima diximus, pleraque sunt hominum operis effecta: quæ nec haberemus nisi manus & ars accessisset. Pleraque itaque omnia quæ Deus ad hominis vitam tuendam creavit, perfectionem ab arte accipiunt, quoad usus nostros vel substantialem vel accidentalem. Sumus enim & nos teste Aristot. 2. *phys. cap. 2.* quodammodò finis & rerum creaturarum perfectio, & in multis, inquit idem in mechanicarum principio, natura ei, quod nobis usui esse potest, contrarium facit: Natura enim eundem semper habet modum & simpliciter: utile autem multifariam commutatur, tot ergò secundum Aristotelem

telem sunt perfectiones rerum creatarum, quot commutationes ad utilitatem hominis. Exemplis agamus. Creavit Deus triticum in sua specie, nec simul creavit panem, sed lapso dixit: in sudore vultus, id est, opera artis, comedes panem tuum. Creavit similiter triticum perfecta specie, quæ tamen integra non servatur, sed in lolium degenerat, nisi adjuvetur agricultura. Creavit vitem, sed nisi arte colatur, mox deficit in labruscam. Creavit plantas ceteras, audi tamen, quid Scaliger cum Theophrasto lib. 3. de caus. plant. cap. 1. scribat, quasdam plantas à natura sua nancisci perfectionem, quasdam foris querere ab homine, quia non habent intus. Et ibidem lib. 1. cap. 18. arte fieri, ut natura summum illum perfectionis apicem in plantis adipiscatur. Itaque natura perfectionem à cultu, qui arte constat, esse petendam. Hæc Scaliger. Fruticationes è radicibus vel truncis arborum sunt steriles & inutilis, nisi opera plantatoris perficiantur ad fructificandum. Dignus es planissimè, cui vino interdatur: Illud enim non biberes, nisi naturæ accederet perfectio ab arte. Lino, cannabi & velle te tegeres, nisi vestem ab arte acciperes. In summa, si vera esset theoria tua lapidea, ô absurde antichymista, nec agricola, nec molitor, nec pistor, nec coquus, nec vinitor, nec textor, nec sartor, nec sutor, nec pharmacopæus, nec tu medice sine blasphemia opera artis exerceres quoniã in omnib. his naturæ creatæ fit perfectionis quædã ab arte accessio. Omnis quidem ars est subjecti sui, quod à natura imperfectum suppeditatur, quædam perfectio vel simpliciter vel ad usum nostrum: quod adeo

manifestum est, ut quædam artes duntaxat defini-
antur additione deficientium & ablatione super-
fluum in re naturali. Perfectum non est cui per
artem aliquid addendum vel demendum est. Non-
ne medicinam Hippocrates in *lib. de stat.* definit
adiectione necessariorum & detractioe inutili-
um: Similis opera agriculturæ est circa plantas;
quarum naturam emendat demendo superfluum &
addendo necessaria, quam analogiam utriusq; ar-
tis videns Scaliger *comm. in 3. de caus. plant. cap. 2.*
pronunciavit agriculturam medicinam plantarum
& medicinam agriculturam hominum. Eadem
ratio est alchymicæ, quam similiter Geber in *lib. invest. perfect. cap. 2.* definit esse in metallis su-
perflua demere & absentia supplere, & sic notam
eis immittere perfectionem. Quæ verba quam-
vis à Gebro de medio opere dicta sint, tamen id
verius præstatur per operis maioris medicinam;
cuius projectione super imperfecta superfluum
illud extraneum sulfur à mercuriali substantia re-
moveretur, & quod in ea crudum est sulfuris huius
non urentis coctione perficitur. Distinguendæ
sunt artes, & earum perfectiones quæ sunt dissi-
miles. Quædam enim naturam imitando eam
non modo non superant, sed ne æquant quidem,
ut sunt statuarum, pictoria, & cæteræ quæ solo mo-
tu artis perficiunt subiecta sua forma tantum ac-
cidentaliter & externa: quædam verò naturam imi-
tando eam haud parum superant, ut sunt, quæ
modo nominavi, agricultura, medicina, & alchy-
mia, quæ non solo externo artis, sed & naturæ mo-
tu in-

tu interno ad efficienda sua opera utuntur. Eadem est sententia Aristotelis ; qui in principio primi Rhetoricorum scribit , dum aliquid fit arte & natura, longè melius fit arte, scilicet complicata cum natura, quam natura tantum. Et in principio mechanicarum : ars naturæ juncta valet superare ea, quibus per naturam vincimur ; ut patet in gravissimorum ponderum artificiosa elevatione. Sed quid diutius lumen soli inferimus ? cum res hæc, de qua cum insano isto antichymista disputo , lip-
 pis & tonsoribus nota sit. Species metallorū transmutamus & perficimur ea arte , quam Deus suos docuit. Num blasphemia est artem exercere , quā ipse docuit, ut alibi demonstrabitur ? Interim interroga super his plantatorem, qui pariter species transplantat , num cydoniam in pyrum , aut pyrū in pomum cum blasphemia creatoris vertat ? Et sine dubio tibi precabitur sanam mentem. Fallax igitur est elenchus oppositorum , cum creatio & artificium nō sint opposita, sed subordinata. Idem enim Creator, qui propter hominem (inquit Scaliger *com. in lib. 1. cap. 18. de caus. plant.*) plantas (& cætera) fabricatus est, homini dedit rationem, dedit manum ; unde & à tempore locoque plantis & à plantis sibi suppeterent expeditæ commoditates. In rebus inanimis natura habet tantum principium τὸ κινεῖσθαι ; & indiget manu hominis ut principio se movente & activa cum passivis ad generationem & perfectionem ritè conjungente. Sicut igitur triticum non multiplicatur sine agricultura, nec arbor sterilis fructificat sine insitione :

ita nec metalla generant sibi similia sine alchymia. Quamvis enim lapis noster, inquit Arnoldus & Lilium jam in se tincturam naturaliter contineat, quoniam in corpore terræ perfectè creatus est, tamen per se motum non habet, ut fiat elixir completum, nisi moveatur arte & operatione. Et idcirco artes diversæ à diversis philosophis sunt inventæ; ut compleatur per artificium, quod à natura est relictum incompletum & imperfectum. Si quaeritur quomodo lapis creatus in ventre terræ ab arte exaltari multoque perfectior reddi possit, sciendum est, non quaeri perfectiorem aliquam speciem, quàm est auri (quod jam ad supremum gradum perfectionis metallicæ pervenisse, ideoque in nobilius metallum mutari non posse concedo) sed perfectionem virtutis generativæ, seu multiplicationem per individua, quæ vis in hoc subjecto delitescens in actum arte elicitur. Quemadmodum nec agricola desiderat speciem perfectiorem tritico, sed tantum ejusdem in individuis multiplicationem. Hanc potentiam naturæ similiter in metallis posse in actum elici & perfici confirmat Marsilius Ficinus lib. 3. de vita cœlitus comparanda cap. 3. his verbis: *Si queris cur metalla non generent, quæ inter elementa & animantia media sunt, causa est, quod spiritus in eis crassiori materia continetur, qui si rite secernatur, secretusq; servetur, tanquam seminaria virtus poterit sibi simile generare, si modo materiae quidam adhibeatur generis ejusdem.* Hæc Marsilius. Hic spiritus generativus proportionem respondens elemento stellarum (ut philosophus

phus *libr. 2. cap. 3. de gener. animal.* loquitur) in lapide nostro certa methodo artis caloreque proportionali excitatur, & ita multiplicatur, ut tandem fiat elixir & tinctura millies millesies fortior, quam sunt ipsa corpora naturalia naturali calore decocta, ut scribit Rog. Baccho in *speculo capit. 3.* Deinde etiam aurum quod hinc fit, perfectius & melius est naturali, ut omnes artifices testantur & ipsa experientia. Hinc Comes Mirandulanus *lib. 2. de auro cap. 7.* scribit: *Ars non solum naturam dicitur imitari, sed planè perficere, ut nō absonum hinc videri queat, quod à multis asseritur jam factum. & me vidisse non abnuo, idest, fieri per artem posse naturæ adjumento aurum nativo perfectius, certè coloratius, & Alberti persuasit auctoritas, & ostendit experientia apud multos, etiam à philosopho Psello prodita literis, qui docuit arte fieri perfectius aurum micis, ramentis, frustulisque Pactoli. Et Paracelsus de natura rerū lib. 9. Nostrum aurum & argentum, quod tinctura nostra fit, melius & nobilius est ad preparationem omnium medicinalium arcanorum; quam illud quod natura ipsa in mineris generavit & à venis separavit. Textus philosophiæ: Aurum & argentum per nostram medicinam generatum excedit omnē solem & lunā naturalem in omnib. proprietatib. tam medicinalib. quam alijs. Comes Trevianus in epistola: Opere artis philosophica citius & breviori tempore generatur aurum perfectius, nobilius, & grad. bus sublimius, quam opere naturæ. Directorium alchymix: nihil obstat, quod au-*

rum alchymia sit auro minerali preciosius, quia talis mineralis preciositas est perfectionis accidentalis, quae speciem non diversificat. Lombardus etiam cap. 2. ait, Aurum artis esse melius, purius & perfectius naturalis addita ratione : quia alchymicum est ab omni sulfure & superfluitate mundatum ; minerale autem quodcunque illud sit, habet sulfuris alicuius adherentis commixtionem. Similem ferè rationem Paracelsus reddit libr. 9. de natura rerum inquit : Nostra tinctura astraliter perfecta & preparata singulare perfectionis suae indicium edit simile fulgurationi minerali, quae sit in montibus. Nam si pauca eius portio in metallum liquidum projecta fuerit & amborum in igne coniunctio fiat ; naturalem praebeat fulgurationem ; perinde ut aurum vel argentum purum in cineritio circa purificationis finem fulgurat. Hæc Paracelsus. Nostrum igitur argentum & aurum jam per medicinam fulminatum est, & purgatum ab omni sulfureitate extranea : naturale autem nunquam tam purum est, quin cineritio, aut alia purgatione indigeat. Id attestatur singulari historia & experimento auri à plumbo facti Basileæ Dienhemius de medicina universali cap. 24. dicens : post projectionem factam effuso tiglio non amplius plumbum ; sed aurum purissimum reperimus, & quod post examina aurifabrorum multis parasangis aurum Ungaricum & Arabicum superaret, cuius particula in rei memoriam Zuvingero donata fuit & adhuc extat. Quis ergo jam non videat, quam vehementer elleboro indigeat antichymista, qui dum me-

lis ab arte perfectionem accedere sine blasphemia creatoris posse negat, se & totum humanum genus omni beneficio artium, quas tamen Deus æquè, ac ipsas res creatas homini concessit, stultissimè privare contendit. Et si blasphemia esset aurū creatum vel natum perfectius arte facere, nec quoque liceret aurum vel argentum impurum è minera per cineritium, cementum, antimonium, quartationem, &c. perfectius vel purius reddere, quod est absurdum, & suæ etiam *thes. 9.* contradictorium. Inepta scommata & cæteræ τῆς ἀπρῶτης διανοητικῆς φλυαρίαι, quas adversus artem huic sophismati admiscuit, insanix maioris argumentū sunt, quæ tanti facimus, quanti insanorum aut melancholicorum convicia faciunt medici, quoniam post demonstratam jam veritatem futilitate sua per se ipsa ruunt, & contrarium potius ex superioribus patet, nempe assertionem hanc antichymistæ esse in artes, quæ sunt dona Dei, blasphemiam, impiam, stultam, & providentiæ, sapientiæ, omnipotentix atq; misericordiæ Dei ex diametro oppositam, contra quam ipse *thesibus 20. 21. 29. & 73.* alchymix temerè affingere ausus est.

XI. Argumentum thes. 42. à modo generationis seu vera transmutationis.

SI metallorum essentialis fieri posset transmutation, naturæ operationi conformis fieret, ita ut uno actu ac simul & forma substantialis prior aboleretur & nova introduceretur: ut fit in alimentum transmutatione in corpus alendum.

At neque ignis neque quicquam eorum, quæ in operationibus aurificationis adhibentur, formam auri in se continent: Aliàs quodlibet metallum esset ipsummet aurum.

Ergo metallorum non fit vera transmutatio,

Responsio.

Minor est falsa ex insufficienti enumeratione partium vel specierum. Etsi enim neque ignis neque imperfecta metalla, neq; aliæ species quas Sophistæ admiscunt (per alba albificantes, & per citrina citrinantes, manente eadem specie metalli prioris in materia, qui procul dubio deceptores sunt, & verum aurum & argentum non faciunt, ut loquitur Albert. *lib. 3. de mineralib. tract. 1. cap. 9.*) formam auri continent: elixir tamen philosophorum eam continet, quo sulfur extraneum, quod erat causa prioris formæ imperfectorum in momento quasi separatur & introducit nova forma auri per sulfur intrinsicum non urens. Hinc Petrus Ferrariensis in *introductione*: Ex iisdem principiis mineralibus corporum metallicorum sicut natura generat aurum sive compositum, ita ars ex iisdem generat formam auri, quod est elixir, quod quidem si proiectum fuerit super imperfecta metalla seu materiam, fit per conflationem ex eorum commixtione compositum, quod est aurum. Et quod ignis coctione sua non possit imperfecta perficere in aurum, ultrò fatentur philosophi. Scribit enim rursus magister bonus his verbis:

bis : *Nolumus ponere metalla imperfecta in igne ignitionis aut liquefactionis, & sic servare, quousq; aigerantur, & perficiantur in aurum, quia fatuum est hoc dicere & imaginari & impossibile : sed ipsi liquefactis ad ignem immediate imponimus lapidem secundum justa pondera ipsa perficientem.* Porro in ratione minoris, cum inquit : *alias quodlibet metallum esset ipsummet aurum, imperitè & sophistice loquitur, potentiam ab actu non distinguens.* Nam quodlibet metallum esse non actu, potentia tamen aurum est, quod ex eo liquet, quod imperfecta metalla à natura in mineris quibusdā paulatim perficiuntur in aurum, & singula etiam effossa granum aliquod in se continent incorruptibile auri vel argenti. Ita quæ non naturæ, sed nostri respectu negatur eis potentia ad aurum. Quoniam, si sine elixire nostro vellemus ea per se in igne coquere, & perficere in aurum, tam expensis, quàm vita deficeremur, priusquam opus compleremus ; imò non est datum nobis tantum vitæ spacium, ut vel argenti decoctione sola in aurum mutatio expectari possit, sicut omnes philosophi testantur.

XII. Argumentum thes. 43.

Mercurius non potest figi, nec auro sua fixitas auferri propter uniformitatem ; pariter nec cætera metalla figi, nec in mercurium reduci possunt, & quamvis videantur aliquo modo ab ignis & aquæ fortis vehementia resolvi, tamen nihil aliud fit, quam quod friabilitati accedit, quantum eorum tenacitati decedit : unde reducuntur rursus.

Ergo omnis metallorum transmutatio est de-
ceptio sophistica.

Responsio.

SI verba revocentur ad syllogisticam formam,
statim patebit duplex fallacia una secundum
non causam ut causam, altera consequentis. Syllo-
gismus sit pro antichymista :

*Corpus uniformē non est mutabile infixum vel
volatile.*

*Sed mercurius & aurum sunt corpora unifor-
mia.*

*Ergo mercurius non est convertibilis in fixam,
nec aurum in volatilem sive mercurialem
substantiam.*

Maiores simpliciter est falsa: quia alioqui tantum
organica corpora & non similia essent mutabi-
lia corpora naturalia. Uniforme enim & simile
idem sunt. Ignis est corpus uniforme, & tamen
mutari potest in terram, quod est corpus fixum.
Et terra similiter est corpus uniforme, si non in
superficie, tamen in centro, nihilominus statuitur
a physicis mutabilis in alia elementa volatilia.

Deinde non sequitur: Metalla igne & aqua for-
ti resoluta, ut antichymista scit, reduci possunt,
vel mercurius igne solo non figitur. Ergo nul-
lo modo metalla resolvi possunt in mercurium,
quin reducantur & mercurius nullo modo fig-
Fallit consequens. Quia præter hos, quos antichy-
mista hic posuit, longe alii & diversi sunt modi, quos
ipse nescit & soli philosophi sciunt metalla resolvē-
di in

mercurium & mercurium figendi. Et antichymista perperam more plebeculae, difficile & impossibile, ut terminos vicinos non discernere novit. Aurum difficulter solvitur in mercurium & mercurius difficulter figitur. Non sequitur, ergo omnino non solvi aut figi potest: quia impossibilitas pendet ab imperitia, non ab arte.

XIII. Argumentum thes. 44.

Istud & hæc ratio invicta comprobat. Si enim quicquid est actu humidum, & quicquid actu siccum, potestate verò humidum vel fluidum, à Deo creatum est impedimento remoto in pristinam suam naturam redit, tunc forma nulli humido hujusmodi detrahi potest.

At prius confirmat experientia. Verum itaque & posterius.

Et per consequens nec auro forma propria detrahi & detracta rursus alii communicari potest.

Responsio.

Audimus sanè sophistices elenchū, sed non invictum, imò meram petitionem principii, ubi superius argumentum repetitur tantum & notius per obscurius probatur, ad quod etiam intelligendum Oedypo conjectore fermè opus foret. Resumamus & exemplo manifesto simul stultitiam & falsitatem declaremus argumentatoris & argumenti. Aqua est actu humida, & glacies actu sicca, potestate verò humida vel fluida à Deo creata, quæ

glacies frigore remoto per calorem in pristinam suam naturam actu humidam redit. Non propterea tamen aquæ vel glaciei sua humiditas nunquam detrahi potest, aliàs aqua nunquam converteretur in aeris, terræ vel ignis elementum, quod est absurdum. Itaque contrarium confirmatur experientia. Sed resumamus aliter secundum ipsiusphantasiam. Voluit dicere : Si metallorum in mercurium per aquas fortes vel regias resolutio fieri nequit, quin rursus possint (impedimento dubitabilitatis, quod est à mineralibus spiritibus, remoto) in pristinam suam naturam seu formam seu corpus reduci : tunc nulli metallorum forma detrahi potest. At prius est verum. Ergo & posterius : & per consequens nec auro sua forma detrahi & postea aliis communicari potest. Sed fallis seipsum ignoratione elenchi, sicut & supra fallacia consequentis. Etsi enim totus syllogismus concedatur : conclusio tamen aut consequens arti nihil repugnat, quoniam opus universale non consistit in tali metallorum vel auri in mercurium reductione, nec in formæ ab albo suo corpore separatione, ejusque in aliis rursus corpora intromissione. Hæc tua & sophistarum est opinio & labor inutilis, non philosophorum. Multum de eadem forma declamatur *thesibus*. 18. 56. 57. 58. 59. 60. 62. magna vanitate, eò fortassis ut antichymista aliquid ignorantibus videatur novisse in chymicis, cujus tamen universam in philosophicis & chymicis scientiam cassa nuce non emerim. Sed hæc alibi refutata sunt. Deinde si philosophi circa talia sophistica

stica & infructuosa particularia labores & sumptus impendere vellent, ipsos scientia non lateret hæc consequendi, sed antichymistam & alios artis imperitos. Itaq; etiam fallacia est consequentis, quia hæc formæ auri extractio necessest verus, nec omnis modus tincturam faciendi: sicut nec antichymista, est omnes homines, nec ejus scientia aut experientia est universalis omnium hominum vel artificum scientia experiētiæve. Ad eundem elenchum referenda sunt, quæ *thesi*. 56. scribuntur: Rubedo auri extracta non est tinctura. Ergo nullo alio modo tinctura fit. Quia tinctura nostra hoc modo nequaquam extrahitur: sed primum fit nigra, postea alba, ultimò rubra, Antichymistæ autem rubedo est ejusdem coloris in principio, medio & fine: sicut contrà sua frons est sine rubedine in hujus disputationis principio, medio & fine.

XIV. Argumentum *thesi*. 47. 48. 53.

Saurum non potest fieri ex ullo alio metallo, multò minus ex rebus aliis toto genere diversis.

Atqui aurum non potest fieri ex ullo imperfectorum: quia imperfecta non habent materiam cum auro communem: nec ex ipso auro: quia in auro non est tinctura.

Ergo aurum omnino non potest arte fieri & proinde ars nihil est.

Respon-

Responsio.

Maior conceditur. Pari ratione dici potest: Si homo ex homine non generatur, multo minus ex asino generabitur vel arbore, vel lapide. Quis hoc negat? Nam simile à simili procreatur naturaliter. Minor verò falsissima est. Quapropter audiemus quomodo duo membra eius distinctis argumentis probare velit.

Primi membri minoris probatio, quod nempe imperfecta non habeant materiam cum auro communem.

Aurum est ἀφθαρτον: reliqua metalla φθαρτά:

Illud ponderosum; hæc minus ponderosa.

Illud cordiale: hæc venenata.

Quomodo ergò φθαρτὸν potest esse materia τῆ ἀφθάρτης leve, gravis, venenum, medicinæ?

Responsio.

Negatur consequens. Nam diversæ proprietates, quæ insunt compositis rebus naturalibus à forma, non arguunt materiam diversam, sed tantum diversam formam. Incorruptibilitas, pondus, virtus cordi salubris insunt auro à sua forma per se: quemadmodum & imperfectis metallis insunt corruptio, ponderositas minor, & venenati habitus à sulfure extraneo corruptente, quo informantur imperfecta metalla ad certam speciem.

Si

Si istae proprietates diversae ostenderet materiam metallorum diversam, etiam terrae gravitas & ignis levitas; item illius frigiditas & huius caliditas pariter probarent diversam materiam elementorum, & non solum diversam formam: quod tamen est absurdum ut omnes vident. Sicut igitur una & eadem materia prima commune subiectum est contrariarum formarum, actionum, perpeffionum & qualitarum in clementis: ita & substantia siue materia mercurialis est susceptiva septem formarum metallicarum à se invicem differentium proprietatibus activis & passivis. Antichymista in tota sua disputatione hac theoriae suae annosae deliria solis ferè enthymematis cōcludit, qui mos est rhetorum & sophistarum ad fucum facilius veritati obducendum, contra quam philosophi facitiant, qui sua plerunque integris & apertis syllogismis demonstrant. Sed adversus hos dolos sophistarum optima medicina est si eorum dissolutae scopae in legitimam & simplicissimam syllogismi formam velut ad incudem veritatis revocentur. Quod & in hoc enthymemate faciendum est hoc modo:

Aurum est ἀφθαρτον,

Cetera metalla non sunt talia, sed φθαρτά:

Ergo cetera metalla non sunt aurum siue quod idem est, cetera metalla non habent formam auri, siue eis deest forma auri.

Quid verò antichymista infert? Longè aliud & plus, quàm vi praemissarum concludi potest: nempe, ceteris metallis non inesse materiam auri. Perinde est ac si dicerem:

Ignis

Ignis levis est & calidus

Terra contra: gravis & frigida.

Ergo terræ & ignis non est communis materia.

Plus est in conclusionē positum, quàm in præmissis. Nam non illud sequitur, sed hoc tantum: ergo terra non est ignis.

Quod verò consequenti immiscet dictum Aristotelis, rogans, Quomodo φθαρτὸν materia sit τῷ ἀφθάρτῳ iterum confugiamus ad integram formam syllogismi hypothetici prout materia fert hoc modo.

Si aurum est ἀφθαρτόν, cætera metalla φθαρτά, tunc cæteris metallis non inest materia auri, sive quod idem est, cætera metalla non habent communem cum auro materiam.

Connexionem probat dicto Aristotelis dicentis φθαρτὸν καὶ ἀφθαρτόν toto genere sive materia differre.

Sed aurum est ἀφθαρτόν, cætera metalla φθαρτά.

Ergo cæteris metallis non inest materia auri.

Hic apparet paralogismus ex quatuor terminis. Nam φθαρτὸν καὶ ἀφθαρτόν, id est corruptibile & incorruptibile (ut Schegkiius annotat in lib. de caloris vi ca. 3.) dupliciter dicitur. Quædam enim sunt ἀπλῶς ἀφθάρτοι, quæ simpliciter corruptibilibus opponuntur, ut cælestes substantiæ mortalibus & caducis substantiis, quæ toto genere physico inter se discrepant, ut Aristot. lib. 9. metaphys. cap. 10. testatur. Alia sunt secundum quid ἀφθάρτοι, quæ & ipsa secundum quid sunt φθαρτά: ut si quis

quis aurum respectu ignis esse ἀφθαρτον attamen respectu alterius φθαρτον seu corruptibile esse dixerit. Hæc Schegkiius. Eadem est Aristotelis mens. Nam homonymiam hanc ipse explicans *libr. 1. de cælo cap. 11. scribit*: λέγεται δὲ ἀφθαρτον ὃ τὸ μὴ βλάβῃ φθειρόμενον, id est dicitur incorruptibile etiam id, quod non facile corrumpitur. Αφθαρτον itaque in maiore propositione pro incorruptibili secundum quid: in ratione ejus, sive in adducto Aristotelis dicto pro simpliciter incorruptibili, qualia sunt cœlestia & æterna, accipitur. Aurum enim non est ἀπλῶς ἀφθαρτον. Destruui potest, sed difficulter, inquit Geber *libr. 1. sum. perf. cap. 8.* Et ipse mox antichymista *thesi. 51.* semetipsum refutat fatendo, aurum per accidens corrumpi posse. Quod quidem fieri non posset, si esset ἀπλῶς ἀφθαρτον, sicut cœlestia & æterna, quæ contrario carent. Homo autem in natura reperit arte contrarium auri & inimicum & destructorem, cujus artis utilitas non pervenit ad hominem duræ cervicis. Ex qua distinctione perspicuum est, quàm pueriles parturiverit tot annos ambiguitatis elenchos noster antichymista, & quod non meliore fato nunc Aristotelem, quàm supra in primis thesibus Moſen contra chymicos produxerit, si non in bonum, tamen in magnum argumentum stuporis ingenii sui, atque adeò omnis in theologia & philosophia ἀπαιδευσίας. Ad hæc si ponderositas est indicium diversæ materiæ, etiam mercurius aliam habebit à metallis materiâ, in quo omnia metalla supernatant, præ-

ter aurum, quod in eo solum submergitur, ut *Göber* etiam tradit *lib. 1. summa perfect. cap. 15.* Sed hoc est absurdum, & tam omnium philosophorum decretis alienum, quàm manifestissimæ experientię contrarium. Sicut enim omnia metalla ex eo constare, traduntur, ita arte in illud iterum resolvi possunt ad oculum, quod si antichymista ignorat, decet ipsum hoc discere, ut sapiat tandem. Præterea nec omnia imperfecta metalla venenum habent, sed quodque suas virtutes; sicut enim aurum cordiale, ita argentum cerebrale est, & ferrum lienare atque hepaticum, idque à formis possident, non à materia per se. Pudeat antichymistam, si modo adhuc frontis aliquid aut mentis habet, negare, omnium metallorum esse materiam communem, recogitatem, quod sibi omnium philosophorum atque literatorum hominum cōsensum obsistentem habeat, qui consensus instar maximi argumenti ducitur. Quis es tu antichymista, qui horum omnium auctoritatem vellicas, tibi, quæ uni magno opinionis errore plus arrogas scientię, quam istis omnibus tribuis, contra quam te *Galenus* docet in *libro de usu partium*, inquiens; ignorationem uni potiustribuendam, quàm aliis omnibus. Si auri & cæterorum non est communis materia, aut aurum solum erit metallum & cætera non erunt metalla, aut cætera erunt & aurum non erit. Metalla enim dicta sunt propter commune genus communemque proximam materiam. Elige utrum vis, absurdum non effugies; imò nec contradictionem propriā. Metalla enim
per

per totam disputationem sub communi genere. & nomine comprehendisti. Nisi esset communis metallorum materia, non tam facile miscerentur. Quæ enim genere vel proxima materia differunt, non miscentur, ut videre est in aqua & oleo. Facile igitur miscentur tantum homogenea, id est quæ sunt ejusdem naturæ & materiæ. Unde Avicenna in mineralibus ait; ideo misceri argentum vivum cum corporibus (id est metallis) quia sit de substantia eorum. Communia πένθη ostendunt communem materiam. - Omnium commune est esse densæ, fortis tenacisque substantiæ & ponderosæ, duci sub malleo in laminas, extendi in fila, liquari in igne, congelascere in frigido, uniri cum mercurio, solvi in aquis stygiis, idque tam auri est, quam ætherorum metallorum. Præterea generatur aurum cum imperfectis in eadem massa & vena: Item in quibusdam venis imperfecta metalla tandem in aurum transeunt: Similiter ex imperfectis projectionem medicinæ arte fit aurum: quod ipsum sensu est evidens, si non omnibus, attamen artificibus. Quæ transmutatio nunquam fieret, aut fieri posset nisi metallorum omnium esset communis materia. Ὅσα γὰρ ἔχει σύμβολον πρὸς ἀπὸλην, ταχέια τῶν ἡμετέρας: inquit Aristot. lib. 2. de ortu & int. cap. 4. Argentum quidem & argentum vivum majus symbolum habent cum auro, ratione puritatis materiæ, sed tamen nihilominus omnium materia est communis & propinqua. Propinquitas autem major

vel minor in particularibus tantum observatur : in universali enim utius perfectionis sunt omnia, ut inquit Geber. *lib. 1. sum. perf. cap. 22.* Sophisma alterum quo vult probare imperfectis metallis non inesse formam auri *thes. 52.* vertiginosi capitis proles est, quæ nec manus nec pedes habet, & tam intricata & hiantia omnia sunt, ut crediderim nec ipsum quidem scire authorem, ubi medius terminus sit, & has dissolutas scopas nec ab Aristotele in bonam argumenti formam colligi posse. Scutica itaque dignus est antichymista non refutatione, præsertim cum nemo neget abesse imperfectis metallis formam auri, alioqui imperfecta non essent.

Secundi membri minoris probatio.

Si in auro non est tinctura, tunc ex eo non potest fieri aurum vel tinctura.

Sed in auro non est tinctura : primo, quia auri forma est propria auri materię, nec alii materię communicabilis, *thesi. 53. 54.* deinde : quia in auro non sunt conditiones tincturæ, quæ sunt quinque. 1. materiam tingendam aptam facere ad auri formam recipiendam. 2. figere. 3. tingere. 4. dare pondus. 5. vim cordialem.

Ergo neque ex auro potest fieri aurum vel tinctura.

Respon.

Responsio.

Totum argumentum cum minoris probatione est paralogismus à *maioris* h ad *minores*; quod statim patebit, si pleno sensu & integris verbis res enuncietur, hoc modo.

Si in auro tinctura non est actu, tunc neq; potentia est in auro, ut ex eo fiat arte aurum vel tinctura.

Sed tinctura non est actu in auro

Ergo neq; potentia est in auro, ut ex eo fiat arte aurum vel tinctura.

Libet antequam plenè respondeam, absurditatem argumenti simili sophismate declarare. Perinde est ac si dicerem in animali genere.

Si in ovo non est actu forma pulli, tunc neq; potentia est in ovo, ut ex illo per incubatum gallina vel alium calorem similem fiat pullus.

Sed hoc est. Ergo & illud:

Deinde in vegetabili genere:

Si in surculis persica non est actus faciendi ex pruno vel ceraso persicam arborem, tunc nec potentia eis inest has duas arbores in suam naturam convertendi:

Sed in surculis persica non est actus faciendi ex pruno vel ceraso, aliave arboris stipite persicam arborem:

Ergo neq; surculis persicis potentia inest ut planator per eas ex pruno vel ceraso transplantet arte sua arborem persicam.

E 2

Ter-

Tertiò in elementorum metabole :

Si in aqua non est actus transeundi in aerem vel aliud elementum, neq³ potentia inest.

Sed prius est.

Ergo & posterius.

Negatur in his omnibus sophismatis consequentia. Quia non sequitur, tinctura in auro non est actus, ergo nullo modo est aut esse potest in auro. Plus negatur in consequente, quàm negatum fuit in antecedente. Antecedens enim loquitur solum de actu, consequens de actu & potentia simul. Itaque plus est in conclusione, quàm in præmissis. Tinctura, quod omnes philosophi libenter & ultro fatentur, non est actus in auro, nec aurum in sua simplici perfectione ad quam ipsum deduxit natura, potest formam suam aliis communicare. Sic enim Rogerius Baccho in spec. cap. 3. *Si aurum imperfectum sola liquefactione sibi commista perficeretur, esset elixir ad aurum: sed quia natura operatur simpliciter, perfectio in auro simplex est, & inseparabilis & incommiscibilis.* Et magister bonus: *Digestio auri valde differt à digestion e elixiris, quoniam digestio auri ut compositi sufficiens est sibi soli, propter quod si cum aliquo imperfectorum commisceatur in conflatione, non potest digerere illud, nec de sua digestion ipsi conferre, ut transformetur illud in aurum.* Nao aurum etiam habet in se illas conditiones tincturæ thesi. 55. ex parte enumeratas, sed ad illâ perfectionē deducitur demum per artificium nostrum, ut ait quidam philosophus. Et Ægidius

in dialogo naturae cap. 6. Mercurius dicitur philosophorum, sicut filius dicitur patris, qui eum genuit. Non enim datum est naturae producere mercurium istum de potentia in actum absq^{ue} adjutorio philosophi. Et Lilium: Quamvis lapis noster tincturam in se materialiter, sive potentialiter contineat, attamen per se motum vel actum non habet, ut fiat elixir completum, nisi moveatur arte & operatione. Sic ovum non movetur per se ad perfectionem majorem & formam pulli, nisi ulterius a motore extrinseco promoveatur: & surculus perficæ per se actum non habet prunū vel cerasum arbores in suam naturam convertendi, nisi insitione & opera plantatoris, ita & hic fit. Hæc satis ad paralogismum. Porro silentio prætereundum non est, quod antichymista inepte deblaterat de conditionibus tincturæ ex suo cerebro partim ex cogitatis, partim aliunde auditu tantum acceptis. Perfectionis sive perfectæ tincturæ proprietates à Gebro in lib. 4. sum. perf. in principio ponuntur, quæ sunt numero quinque 1. mundare seu removere superflua cum ad hæsiōne inseparabili sui. 2. dare colorem. 3. fusionem. 4. fixationem. 5. pondus. Antichymista audivit aliquando citari Gebrum qui scripserit: necessarium esse in vera tinctura figere, tingere, dare pondus, Gebrum verò ipsum in sua multenni theoria nec legit unquam, nec habet, alioqui non ita mutilatas & depravatas, sed integras & veras recitasset tincturæ conditiones. Duas enim alias nempe primam & quintam thesi: 55. ex suo cerebro confictas

in locum duarum fortassis ex Gebro omiffarum primæ & tertiæ substituit, ut quinarium numerus completus esset. Sed hoc in loco aliter non ineptit, ac si cæcus præscribat pictori mixtiones colorum. In prima sua conditione scribit: tincturam chymicorum ita comparatam esse debere, ut materiam tingendam aptam faciat, ad auri formam recipiendam. Absurdum. Quis te ignorantem artis docuit artificibus præscribere leges tincturæ. Metallis modo supra suffuratus es materiam auri, id est, negasti cæterorum metallorum materiam cum auro communem, nunc eis illam per tincturam vis reddere. Vis à tinctura materiam tingendam aptam fieri ad formam auri recipiendam: at hoc est privationem, quæ est substantialis aptitudo ad formam, in subiectum introducere. Hoc autem esset metalla creare: nam privationem in subiectum istud introducere est proximam materiam auri vel communem metallorum materiam facere. Hac tua phantastica tincturæ conditione tum demum faceres tam auri creatores, quam metallorum aliorum; contra quos, id est contra proprias tuas creaturas in phantasia tua genitas tantopere hæctenus in thesibus tuis declamasti, non contra legitimos artifices. Tinctura namque ex philosophorum sententia aptitudinem tingendi metallis nequaquam tribuit, sed actum. Aptitudo prius naturæ inest materiæ, super quam tinctura projicitur; sicut Geber in *lib. de inventione veritatis cap. 2. de septem medicinæ proprietatibus*, requirit af-

fini.

finitatem inter elixir & rem transmutandam. Quod si aptitudinem conferret cum actu simul, possemus ex quavis materia etiam extra metallorum genus aurum facere. At naturam imitantes hoc nequimus, sed solum ex subiecto determinato, nempe metallis, quibus solis inest potentia hæc passiva sive privatio suscipiendi formam auri. Duæ sunt potentia, una agentis altera patientis : agens vero patienti potentiam passivam nunquam confert. Aptitudo autem suscipiendi formam auri in actum elicitur non à tinctura, sed ab igni, quia in projectione ejus metallum tingendum oportet esse apertum, ignitum & fluens, ut totum corpus pervadatur. Hæc est prima lex tincturae artificibus posita temerè ab ignorante, alterum crimen omittæ veræ legis deterius est, quam Geber *libr. 4. sum. perfect.* ita descripsit, nisi omne superfluum per medicinam auferatur ab imperfectis, scilicet ut ab illis tollatur omnis superflua sulfureitas, omnisque terreitas immunda, non perficientur (ita enim legendum est in Gebro ex MS. pro purificentur) Ex quibus verbis liquet, quod etiam si tinctura antichymistæ tingat, figat, det pondus, tamen si non separet à mercuriali substantia imperfectorum sulphureitatem immundam, terrestrè & auro extraneam, non fieri verum aurum & salutare, sed sophisticum & venenatum, quippe à quo halitus illi venenosi nondum separati fuerint, ex qua impuritate in commixto relictæ, nec fusionem solarem habebit, quam proprietatem tincturae in ordine apud Gebrum tertiam

antichymista similiter quasi ad rem nihil pertinentem præterivit, cum tamen, nisi fusionem præstet solarem examina auri non sustineat, sed de commixto rursus recedat, ut docet Geber. Ecquid nobis prodesset mercurius à tinctura tua aptatus, fixus, tinctus, pondus habens, at non fusionem? Risum moves artificibus ineptiis tuis, quando dicis tincturam debere esse actu siccissimam, potestate verò humidam & fusiem in igne, cum potius potestate sit siccissima: nam siccitas alchymiz tingit, inquit Rhases *in lib. 3. verborum*, qua potestate Mercurii humiditatem in projectione siccat & ad mediocritatē redigit. Neque hæc est de substantiali proprietate tincturæ, quæ non minus in forma olei & liquoris, quàm in forma pulveris præparari potest. Itaque æquè actu humida & potestare siccissima esse potest. Quintam proprietatem tincturæ, quàm antichymista de suo addidit, Geber non posuit. Est enim effectus potius ex proprietatibus illis consequens, sicut & aurum ipsum prius igne examinamus, quàm cordiale esse pronunciamus. Sed notanda est vanitas antichymistæ sibi met contradicētis. Hac enim *thesi. 55.* ait proprietatem tincturæ esse, dare imperfectis metallis vim cordialem, & alexiphar-
macam. thesi verò 64. & 67. hanc tincturæ proprietatem simpliciter negat, ex uno ore efflans calidū & frigidū. Si tinctura imperfectis metallis in projectione vim largitur cordialē & alexiphar-
 macā, cur non magis per se sine hac projectione corpori hu-
 mano

nam eandem virtutem supereminenter conferret, vis enim unita fortior, quam dispersa? Arin-
quies: hic ex mente Chymistarum, *thesibus* verò
64. & 67. ex mente mea loquor. Nihil est, inquam.
Nam nemo Chymistarum sicut nec Geber inter
conditiones & examina tincturae istud retulit, sed
tu solus ex mente tua & multorum annorum phā-
tasia inani. Disce ergo posthac cautius dispu-
tare.

*XV. Argumentum prolepticum adversus me-
tallorum transmutationem, utrum verè
ex ferro fiet as.*

Thesi 40. scribit antichymista niti Chymicos,
Metallorum transmutationes essentielles fieri
posse, & sic eorundem in aurum quoque esse pos-
sibilem amplius exemplis probare, nimirum ferri
in cuprum, cupri in orichalcum. Sed *thesi* 41. non
essentialem hanc speciei in aliam speciem esse trans-
mutationem: sed accidentalem solummodo se sic
probare:

1. Ex eo, cum specificatio & formarum in ma-
terias introductio sit opus à solo Deo dependens,
ut habet *thesis* sua 15. & 18.

2. Cum per istas aquas minerales non introdu-
catur color luteus vel rubicundus: sed absterfo ni-
grore latens rubedo educta diluatur. Ita ut auri-
chalcum nihil aliud sit, quam cuprum politum, &
cuprum factitium nihil aliud, quam ferrum poli-
tum.

3. Et quænam subdit, est ratio consequentiæ

E s hinc

hinc argumentari ad tincturam auri ? num color auri rubescens, sed constans consimiliter latet in argento, hydrargyro, plumbo, stanno? & pondus auri in ferro atque cupro.

Responsio.

Metallorum transmutationem possibilem esse, sole meridiano clarius constat ex notissima illa ferri in cuprum transmutatione, tam apud vulgū, quā apud Chymicos. Quod etiam Agricola Chymicis alioqui parum amicus attestatur *libr. 1. de natura fossil. cap. 2.* inquit: *Smolnicij oppido Carpati montis ex puteo extrahitur aqua in canales triplici ordine locatos, in quibus posita portiones ferri vertuntur in as. Minutum autem ferrum, quod in fine canalium collocatur, talis aqua ita exedit, ut fiat quasi lutum quoddam. Id vero postea excoctum in fornacibus fit as purum bonumq.* Cepusij aquis similis est non Ochra fluvius, ut ex falsa relatione Agricola *libr. 1. de natura eorum quae ex terra effluunt cap. 11.* scripsit, sed rivulus quidam acidus cui novi fontis nomen est, apud metallum Goslariz in Ochram decurrens, ut verius traditur in *Pislib. 1. cap. 17.* In eo ferrum spacio 14. dierum positum in as optimum mutatur. Nec solum nativā aquā zrofa, sed & factitiā talis transmutatio fit. Sicut rursus Agricola *libr. 1. de natur. fossil. capit. 2. in fine* subdit: *Quin etiam vetus aqua, quae aurum ab argento separat, quia ex atramento sutorio conficitur, ferrum in as transmutat.*

mutat. Idem facit lixivium Ruticense ex pyrite calcinato factum, ut Paracelsus docet *in tractatu de tinctura physicorum*, adeo ut hoc factitium cuprum præstaret bonitate ipsi nativo. Unde cum Baro in Castein maxima copia ferro undique coempto, id fieri procurasset, omnisque cupri negotiatio ad ipsum ob præstantiam metalli devolveretur. Suacenses cum Tirolensibus damnum apud Imperatorem supplicibus litteris conquesti obtinuerunt, ut mandato inhiberetur illis, porro hac mercatura pauperiem facere. Ex quibus manifestissime patet, tam artificiali, quam naturali aqua chalcanti ferrum in æs transire. Sed quid noster adhuc antichymista? Ait solummodo accidentalem & non essentialem fieri hinc transmutationem, ex eo, quod specificatio & formarum in materias introductio sit opus à solo Deo dependens. Sed ô bone, umbratilis in pulpito speculatio experientiz nihil præjudicat. Non enim à tua phantasia, sed à rebus potius rei veritas petenda est, ut docet Aristoteles 10. *metaph. cap. 10.* Falsis autem te ipsum paralogismo consequentis. Non enim omnis formarum in materias introductio, est opus à Deo solo & immediatè dependens, nisi opus creationis & miraculi. Si enim omnis generatio, in qua forma extrinsecus materie immittitur, esset creatio seu opus à Deo immediatè dependens, sanè neque natura in generatione æquivoca formas materie immittere posset, & generatio quoque æquivoca non esset natura-

turalis generatio, sed creatio, cum in omni tali generatione forma materiæ extrinsecus adveniat. Atqui ipse antichymista thesi sua tertia assus est generationem sine semine esse naturæ imitam vi primæ benedictionis, quod est concedere generationem æquivocam, quæ eam ipsam ob causam dicta est æquivoca & sine semine, & spontanea, & ex putredine, quoniam in illa formæ non e materia educuntur, sed aliunde in materiam introducuntur. De quare Scaliger *comment. in libr. Theoph. de caus. plant. capit. 5.* Si in fimeto muris forma non est, & mus generatur ibi, muris ibi formam esse novam aliunde immissam necesse est. Quis eam constituit? Vt solem neques autorem alium quempiam statues necessario. Nihil enim fit à se ipso. Hæc Scaliger. Si ergo omnis aliunde formarum in materias introductio esset creatio, seu opus à Deo sine natura dependens toties opus esset nova creatione, quoties mus è fimeto, vel rana ex luto gignitur, quod est absurdum, & contradictorium eius, quod antichymista asseruit *thesi 23.* Deum à creatione omnium rerum die septima quievisse. Quemadmodum igitur natura utitur troque generationis modo, univoco & æquivoco, præsertim in imperfectioribus, ut gignens murem ex mure per educationem formæ ab interna potentia materiæ seminalis, & murem ex fimeto, quisquiliis vel sentina vel luto Nili intromissa extrinsecus forma: ita homo imitando naturam procurat generationes rerum interdum ex simili, ut apes ex apibus, pyros ex pyris, interdum ex dissimili,

simili, ut apes ex vêtre tauri, vespas ex carne asini, scarabæ os ex carnibus equi, locustas ex carnibus muli, scorpiones ex basilisco, ranas ex anate, & puros per insitionem ex alijs arboribus transplantata specie. Similiter in mineralibus natura gignit, vitrum, lapides, installa & cætera ex propria materia: quæ eadem facit etiam homo ex aliena, non quidem contra, sed præter naturam activa naturalia cum passivis coniungendo, ut vitrum ex cinere, lapides vel lateres ex luto, sal ex rebus crematis, cinabarim ex mercurio & sulfure. Ita quoque æs facit alias excoquendo ex propria minera, ut lapide pyrite vel fissili, alias ex diversâ speciei materia, ut ex ferro immissa extrinsecus forma veluti principij mutationis per aquam chalcanti. Non quod hæc faciat vel creet formam vel materiam (accipit enim utrumque à natura factum) sed quod principium activum cum passivo jungat ad producendum compositum naturale. Natura est quæ dat formam, dat materiam, quæ mutat, corrumpit, generat: nos tantummodo forisei obstetricamus nostro ministerio, & magisterio.

Altera ratio non est ratio, sed portentosum *χρησφύγεται*, quo comminiscitur in ferro tantum fieri accidentalem mutationem, quia per aquas istas minerales non introducatur color luteus vel rubicundus, sed absterfo nigrore rubedo educatur, ita ut æs citrinum nihil aliud sit, quàm politum cuprum, & cuprum ex ferro factum nihil aliud sit, quàm politum ferrum. Sed nugatur antichy-

chymista ita de metallis; quemadmodum cæcus de coloribus. Primum enim ignorat; quid sit transmutatio substantiæ, & quid alterat coloris: Putans transmutationem æris in aurichalcum similem esse ei; quæ est ferri in æs; cum tamen in ferro ferrispecies in æris speciem transmutetur; in aurichalco verò non species, sed color duntaxat alteretur: qui forti ignitione rursus abit manente æris specie. Deinde nescit latine quid sit polire, quid tingere appellans aurichalcum cuprum politum; quasi aurichalci coctores essent cupri politores; quem etiam pueri in officinis solœcis mire darguerent & riderent. Cæsalpinus lib. i. de metall. cap. 9. cretis poliri metalla tradit, dicens: *Alia creta sunt; quas fullonias appellant, quibus argentum politur & aurichalcum & ferrum.* Et Plinius de natura fossil. libr. i. cap. 11. *Aliquæ res sunt metalla, ut cadmia & magnetis est.* Etenim si cadmia ad æs addatur, aurichalcum fit, si magnetis, (id est alumen plumosum) æs candidum. Audis, absurde antichymista, quem insania multennis speculationis adversus artem chymicam etiam latine loqui deducit; cretis poliri orichalcum, cadmia æs tingi; non poliri. Nitore polituræ effectus est, color tincturæ. Tertiò semetipsum contradictione manifesta confutat; negans hic extrinsecus in cuprum colorem luteum introduci. Si enim tinctura artificialis, ut thess. 62. definit; est duarum substantiarum coloratarum compositio, sanè extrinsecus introducitur tinctura in cuprum ab altera parte compositionis, nempe à cadmia. Quid enim manifestius est?

est, quàm æs à cadmia tingi extrinsecus, nec aurichalci colorem ab intus ignis vi educi? Si posset in cupro sola vi ignis latens rubedo educi & dilui, quid opus esset admixtione cadmiæ? Color ergò citrinus in aurichalco, non à cupro solo est, sed ab ambabus substantiis junctim, ex quarum mistura fit, tertium neutri simile. Item si color æris citrini esset tantumeducta rubedo dilutior, aut ex sola politione cupri per ignem, non fieret accessio substantiæ in pondere. Color enim intus tantum latens in corpore,eductusque in ætrem ponderi nihil addit; at politio illud etiam minuit. Atqui ex cadmiæ mixtura æs in igne pondere crescit etiam ad miraculum usque artificum, ut legitur apud Erckerum Cæsareum docimastram. Color itaque orichalci non esteducta latens rubedo in ære neque à politione, sed ex duabus metallicis substantiis alba & rubra fit mistus color medius citrinus. Ad hæc si ignis per cadmiam nigrorem æris abstergeret, & id poliret tunc vehementior ignis & diuturnior id magis abstergeret poliretque. At excoctio aurichalci fit certo ignis gradu definitisque horis, ut artifices norunt, & igne intensiore & in eo longioremora evaporat rursus cadmia, reditque pristina æris rubedo. Ergò aureus color à mixtura cadmiæ est, quatenus permanet cum ære, & non absterfione nigroris vel politione; alioqui rubedo non rediret & maior ignis magis dilueret & poliret. Præterea quis tibi dixit cuprum ex ferro factum esse ferrum politum? Dic unam autoritatem artificis vel viri saltem boni; vel unum saltem argu-

argumentum probabile ad speciem. Quia ita manifestè veritatem quinque sensuum negas, helleborismis potius refutandus es, quàm rationibus. Quid enim aliud est, cuprum dicere ferrum politum, quàm nivem dicere atram. Ad quam τῆς διαβολας ἀπώσταν nento adhuc inimicorum artis huius pervenit, imò confitentur omnes, ut supra Agricola, fieri ante æs purum probumque, quod etiam à ferro discernitur tactu, gustu, odoratu, visu, in duritie, amarore, odore, sono, colore. Imò nisi hoc artificio tota substantia ferri in totam substantiam æris transiret, portionem ferri etiam minimam certo ignis iudicio in æris huius excoctione deprehenderemus. Constat enim Erckeri, Faxii, cæterorum docimastarum & excoctorum metallicorum concordi iudicio æs ad regulam excoqui non posse, si vel parva ferri portio insit, sed manere intractabile. Hinc scribit Agricola *libr. II. de re metallica*, Si particula alicuius instrumenti ferrei casu in catinum, ubi eliquatur, inciderit, aut ab homine malevolo injecta fuerit; æs antequam ferrum consumatur, confici non posse, & sic laborem duplicari. Hoc verò æs, quod ex ferro fit, ad id est tractabile ut etiam præstet nativo, quale in primis est Ruticense, de quo supra audivimus. Dum igitur antichymista contra communem & sensum & consensum hominum, infallibilemque docimastiam artificum dicit hoc æs ex ferro factum non esse æs, sed ferrum politum, nihil aliud ex seipso facit, nisi stultum politum.

Tertiò in fine theses huius in suis sibi sophisticatio-

cationibus, quasi applaudens quærit, quænam sit ratio consequentiæ hinc argumentari ad tincturâ auri. Respondetur hanc esse; quod cum inimici artis semper inficiuntur metallorum species verè transmutari, hoc exemplo ferri in æstranscuntis per tincturam ærosæ aquæ seu vitrioli; quod est primum ens æris; evidentissimè demonstratur; metallum in aliud metallū verè transmutari posse, & per consequens etiam in argentum vel aurū similibus tincturis speciei vel primis entibus. Nec quoque color atrii vel rubedo fixa latet (ut falsò causatur) in cæteris imperfectis metallis nisi potentia remota, sed extrinsecus per tincturam immititur ab artifice; quemadmodum ferro tinctura cupri foris advenit. Color auri, pondus auri, &c. latet in metallis imperfectis materialiter non formaliter. Sed adhuc responsum satis est in xi. argumento.

XVI. Argumentum & alterum prolepticum. thes. 45. & 46.

DEinde Chrysopæi similia exempla transmutationis specierum adferunt. 1. cibi ac potus in sanguinem: 2. excrementorum in lumbricos, pediculos, ascarides, scarabæos. 3. Lolij in triticum, & vicissim vel tritici in siliginem, platani in oleam, silvæ abiegnæ in bertilas & vicissim. 4. lignorum in lapides, thes. 45. Concedo ista omnia: sed naturam hanc à Deo facultatem per benedictionem accepisse, aio: nam in qualibet materia latere natura-

F

turam;

tuam, quæ materiam sic aut sic disponit, ipsi naturæ effectus docent. At verò quid ista generatio ad aurificiũ : cum ostensum sit à natura nullum unquam metallum generatum esse. 2. Mutationem (addit) speciei in meliorem ut platani in oleam fieri ex soli bonitate à natura benigniore, at in deteriore aberratione naturæ à suo scopo ob impedimenta, uti monstra etiam prodeant ex seminibus animalium atque stirpium. 3. Ligna lapidescere demersa in aquas lapidosas, mirum non esse, si humor iste pervadat lignum, & postea indurescat in lapidem.

Responsio.

Transmutationes specierum propin quarum in propinquas naturæ non insolentes esse conspicitur in omni rerum naturalium genere, animali, vegetabili, minerali & elementari. Quod in duob. prioribus antichymista hic concedit, id pro confesso acceptamus, quod verò in minerali negat, & in elementari negligit, nos ex supra demonstratis amplius revincemus & complebimus. Et unum quidem ex altero demonstratur. Si enim (inquit Dionysius Zacharius *tract. 2. de lapide*) elementa qualitatibus suis sibi mutuò contraria in se invicem convertibilia sunt, quanto magis ipsa metalla, quæ non ita sunt qualitatibus contraria, sed unius eiusdemque substantiæ & materiæ. Elementa autem

ex se.

ex semetipsis vicissim & alterius generari probat. Aristot. 3. de cælo, cap. 6. & ipso etiam sensu esse evidens lib. 2. de ortu & int. cap. 4. Ergo multò magis metalla in se invicem sunt convertibilia. Item si efficax est argumentum Theophrasti l. 6. i. de caus. ant. ca. 5. quo veluti exemplo à maiori comprobatur generationem plantarum spontaneam, assipulante Scaligero : Si, inquit, animalia, quæ sunt operosiora nascuntur ex putredine, tantò facilius planta : pari ratione assumere mihi licet, si animalia & plantæ, quæ sunt operosiora & nobiliora naturæ opera de specie in specie transmutabilia sunt, quantò facilius metalla, quæ sunt simplicioris formæ & propinquiora elementis, ut notum est & attestatur Scaliger cum Theophrasto libr. 2. de caus. plant. cap. 5. Huius verò permutationis specierum in plantis veriore (quàm antichymista hic de platani in oleam & tritici in lolium versione) rationem reddidit Scaliger, inquit : Herbas propriis formis amissis alias induere non est mirum. Habent enim inter se communia principia. Quæ ratio universaliter vera est in omni genere naturali. Si enim quæratut cur animal in aliud, planta in aliam, metallum in aliud, elementum in aliud specie transeat, generalis ratio est ; quia habent inter se communia principia, id est, commune genus, sive eandem proximam materiam. Quando platanus in oleam, abies in betulam, triticum in lolium & vicissim abit, non penitus aboletur omnium plantæ forma, sed ultima tantum fit alia,

nec fit corruptio generis, sed speciei. Quod in vivacibus plantarum seminibus contingit, in imbecillis haud item. In illis natura speciem, quoad potest, in semine conservat; si non potest, satis habet conservare saltem vitam in genere, & transit in alteram speciem non tam volens, quam invita, ut Scaliger ait. Legumina verò ob imbecillitatem si corrumpuntur, non habet refugium in aliam speciem, ubi conservent vitam generis, sed omnino pereunt. Hæ permutationes specierum quæ fiunt sub genere proximo, non sunt adeo remotæ & mirabiles, quàm illæ in quibus cum specie mutatur etiam genus. Quamobrem satis mirari non possum, cur antichymista thesi hac scribat, non esse mirum ligna demersa in aquas lapidosas lapidescere. Si enim vegetabile quale est lignum, in minerale, qualis est lapis, transmeat, non solum species, sed etiam genus, & quidem nō propinquum propinquo, sed remotum remoto permutatur, maximo naturæ intervallo & saltu, non video quid antichymista admiratione dignum putet. Legimus enim *libr. 2. de ortu & int. cap. 4.* apud philosophū: ex aëre terram fieri, sed difficulter, *διὰ τὸ πλείονων εἶναι μεταβολήν*, & in iis quæ symbolum commune qualitatis habent, promptius unum in alterius naturam transire: quæ verò symbolo destituuntur, ut terra & aër, ignis & aqua, tanta facilitate non mutari, sed plus requiri laboris & temporis. Pari-ter facilior est transitus eorum, quæ specie distant, quàm quæ genere: Quæ enim genere diversa sunt, inquit

inquit Aristoteles 9. *metaph. cap. 10.* plus distant
quàm quæ specie) quoniam in generum permuta-
tione plus alterationum fieri neceſſe eſt, quàm
in ſpecierum, quæ unum commune genus velut
ſymbolum & convenientiam ſubſtantiae in pro-
pinquis principiis habent. Sic animal in aliud ani-
mal, planta in aliam plantam, metallum in aliud
metallum facilius tranſit, quàm animal in plan-
tam, vel contra, vel minerale ſive metallum in al-
terum horum. Quid ergò mirabilius antichymiſ-
ta non mirante ſubſtantiarum tranſmutationem
maximo intervallo diſtantium, qualis eſt plantæ
in lapidem, interim verò ſtupente ſupra modum
metabolen propin quarum ſpecierum, quæ ſym-
bolum ſubſtantiae in uno communi genere habet,
id eſt metalli in metallum. Perinde eſt ac ſi nihil
miretur anſeres Scotiæ in arboribus naſci, mire-
tur verò anſeres noſtros incubatu ex ovis anſerum
excludi. Eſto ſanè nihil habeat miri lignorum in
cotes converſio : neque ergò miretur generatio-
nis metallorū oppugnator, ferri ex ligno geneſin
eodem naturæ miraculo. In Hybernia enim eſt la-
cus) ut Turneſ. in Piſon. *libr. 1. cap. 17.* & P. Jovius
in *deſcript. Hyberniæ* teſtantur) foliorum & gra-
minis impatiens, in quo ſi lignum vel baculus de-
fixus certo temporis ſpacio ſteterit, pars ima, quæ
terram tetigerit in lapidem, pars altera, quæ a-
quam, in ferrum convertitur, pars tertia baculi ab
aquis prominens lignum permanet. Idem Geor-
gius Fabricius *de re metallica capite ſeptimo* teſta-
tur,

tur in Lusatia & Silesia effossum ferrum nova in-
 crementa accipere ex terra arborumque truncis
 primum liquori cuidam denso similibus, postea
 magis magisque indurescentibus, donec tandem
 ferrum evadat. Ferrum hoc fortassis dicere pos-
 ses, quanquam non verè, lignum politum sicut su-
 praes ex ferro factum dicebas ferrum politum
 maiori insania. Sic & ligna in lapides conversa
 polita ligna nominabis. Neque ferrum hoc in
 lacu Hybernico vel in Lusatia Silesiaque metallis
 ex ligno generatum sophisticum est, & à Satana
 præstigiòse suppositum secundum thesin 74. pro-
 pterea quia in principio creationis in primo statim
 die non sit creatum secundum thesin 5. sed fieri
 quotidie adhuc potest (per virtutem mineralem
 aquæ & loco huic insitam colcotarinam, quod est
 primum ens ferri) pro arbitrio tuo, quo (nisi ge-
 nationem metallorum ex responso meo ad
 primum argumentum tuum didicisti dudum) te
 relegamus ut oculari fide experiaris generari ad-
 huc metalla & insanæ tuæ theoriæ tandè sapiētior
 factus longum dicas vale, atque persentiscas per-
 mutationem specierum æquè in minerali, at-
 que in animali, vegetabili & elemen-
 tari genere possibilem
 esse.

VII. *Argumentum à negatione effectus medicinalis, thes. 64. 65. 66. 67.*

VAnitas tincturæ seu lapidis philosophici manifesta quoque est ex effectibus nugatoriis, quos in corpore humano habeat. Vim enim huic tribuunt, quod omnes ut metallorum, ita humani quoque corporis impuritates auferat: quod causa longissimæ vitæ esse possit: spirituum sanguinis atque partium integritatem conservet: sit prophylactica & universalis medicina, hoc est, omnes morbos præcaveat, & arceat; summa; quod sit Deus aliquis hominum à morte liberans atque defendens.

Huiusmodi in hominem cadat impietas atque dementia? Deus solus est longitudo dierum nostrorum, non creatura ulla. Ante diluvium fructus stirpium adeò salubres erant, ut valetudinem prosperam atque vitam tuerentur ad multa secula. Illam vim Deus plurimum minuit post diluvium tot iteratis terræ maledictionibus propter peccata hominum. Istas ne maledictiones divinas fictitius lapis ab alimentis & medicamentis omninò auferet, Deoque vim inferret. Quis ex huius lapidis fabricatoribus longævus fuit?

Universalem medicinam sive simplicem sive compositam non ferunt primò contrarii morbi, horumque causæ in alterationibus: secundò diversitas eorum, quæ ex corpore vacuari, propelli atque extrahi debent: tertio imò vel sola

venenorum diversitas : quartò blasphemia hæc est in Deum conditorem, quod ociose tantum remedium varietatem nobis largitus est, si curationes omnes hoc uno lapide queant perfici.

Responsio.

Actum esset de omnibus artibus & scientiis, si de eis statuendum foret ex sententia & oculis imperitorum hominum, qualis hic antichymista est. Si rusticus neget Rhabarbaro purgari bilem, margaritis recreari cor & spiritus vitales, quid medicus faciat? Sanè unus stultus potest tantum negare, quantum vix mille sapientes probaverint. Discentem, ait philosophus, oportet credere: qui non credit finem artis acquiri posse, abeat ex acroatorio nostro. Hunc nihil moramur. Artifici cuique in sua arte fides habenda. Vim autem huius medicinæ in humano corpore affirmant unanimi consensu philosophi, quicunque de hac arte scripserunt, inprimis verò Trismegistus, Aristoteles ad Alexandrum, Plato in quartis, Geber, Morienus, Calid, Hortulanus, Rogerius Baccho, Arnoldus, Lullius. Ruspescissa, Scorus, Holcor, Ægidius de Vadis, Robertus Vallenfis, Richardus Anglicus, Comes Trevisanus, Antonius de Abbatia, Ulmanus, Johannes de Padua, Marsilius Ficinus, Dionysius Zacharius, Flammellus, Augurellus, Laurentius Ventura, Ulstadius, Riplæus, Christo-

Christophorus Parisiensis, Isaac Holandus, Basilijus Valentinus, Paracelsus, Dorneus, Phœdro, Severinus Danus, & aliorum, qui Alexiana humilitate latere voluerunt, scripta adespota, aurora cōsurgens, clangor buccinæ Scala philosophorum, Erymologiæ philosophorum, consilium conjugii solis & lunæ, ludus puerorum, rosarium majus, rosa aurea, palmarium philosophiæ, via universalis, seu studium Florentinum, liliū inter spinas, liliū intelligentiæ, quæstionarius, Directorium summæ summarum, hortus sapientiæ, practica universalis. Habes quinquaginta unum philosophos nominatos & innominatos, idem asseverantes de lapide sive elixire Philosophorum, quorum unius saltem experiētiæ plus fidei tribuendum est, quam tuæ cuiq; similium, ô antichymista, quinquaginta millium inexperiētiæ temerariæq; negationi. Objiciat nunc aliquis ex notis Michelianis pag. 148. Bernhardus, aliquoties sibi factum esse lapidem narrat, sed ubi historiæ auxiliorum? Respondeo. Bernhardus in præfatione sui libelli expressè scribit his verbis: ego ipsemet expertus sum in multis leprosis, caducis, hydropicis, heceticis, apoplecticis, iliacis, dæmoniacis, insanis, furibundis & aliis quam plurimis. Ecce historias auxiliorum Bernhardi, quas prius legisse, quam ita scripsisse decuit. Similiter alibi de Arnoldo: Arnoldus, inquit, metalla & mercurium transmutavit, morbos omnes uno lapide universalis, quando & ubi sanavit. Respondeo. Richardus in correctorio cap. II. scribit in hæc verba: lapis habet multas seu omnes

mnes ægritudines curare, quod patet per Arnol-
 dum de villa nova, qui Papam Innocentium ab in-
 firmitate cæteris medicis incurabilem liberavit. Et
 Ulftadius *cap. 34.* Dicit Arnoldus de villa nova se
 curasse Henricum ducem Veronæ ex precibus pa-
 tris sui regis Arragonum, qui tribus mensibus le-
 profus fuit, & tribus diebus convaluit. At etiam se
 usum fuisse hac medicina in senectute sua, & quan-
 docunque habebat calorem defectu naturæ vel et-
 iam ex alia causa, ipsam medicinam cum re frigida
 temperasse, si verò habebat frigus medicinam mo-
 derabatur re calida. Et saltem duabus vicibus in
 anno utebatur, semel in æstate, & semel in hyeme.
 Ecce tempora & personas, quibus lapidem Arnol-
 dus usus fuit. Pergit in notis Michélianis *p. 147. &*
capite de usu lapidis p. 452. quis quæso tam sim-
 plex, quin hyperbolen ironicam in philosopho-
 rum verbis noter, quibus deprædicant virtutes la-
 pidis in medicina? Respondeo, ex ore tuo te judi-
 co: In schediasmate 161. ad Heningum statuis con-
 tra libertatem scepticam grassandi in bonos auto-
 res, unicè tenendum illud 1. *elench. cap. 2.* discen-
 tem oportere credere. Et in eandem sententiam
 disputans contra Guibertum *pag. 4.* scribis: æter-
 num esse axioma illud artificibus aliquid in sua ar-
 te providè pronunciantibus, nedum docentibus &
 principia ex ipsa natura proferentibus, suaq; expe-
 rimenta ponentibus credendum esse, & non ideo
 negandum, quod mihi vel tibi videatur res impos-
 sibilis. Philosophi verò qui suis manibus hanc me-
 dicinam confecerunt, ejusq; virtutes experti sunt
ante

ante nos, uno ore testantur, eā esse omnium morborum curatricē. Parum ergo tibi constas anticatholice, nec bene morati discipuli munus obijisse videris, dum praecoce sapientia in philosophorum verbis antequam mentem eorum plenē affecutus fuisti, hyperbolen, id est, ut in schediasmate 127. eam ipse appellas, mendaciorum sacram anchorā fingis, quo errore alios etiam viros non in doctos seduxisti. Sed nimia altercatione cum Panaceario veritatem amisisti: si verò rationis aciem paululū saltē intendisses, proculdubio nec medicinam hanc impossibilitatis, nec verba philosophorum hyperboles redarguisses. Non enim es eorum numero, ut fateris ipse p. 147. in notis Michelianis, qui magisterio adversantur, sed credis sine hæsitatione lapidem esse universalem tincturam metallorum, & proinde quoque credis lapidem sextuplici virtute esse praeditum, secundum numerum sex metallorum; quia metalla calida & frigida humida & sicca, dura & mollia, gravia & levia, rubra, alba & nigra, reducuntur ad mediocritatem, five crasin auri. Si igitur una tinctura ex metallis forma & discrasia diversis & contrariis facit unum forma & crasi medium, scilicet corpus auri, quid obstat, non video, cur non pariter credamus (nam à sex ad octo restat parvus saltus) unam solam nostram medicinam sufficere ad octo discrasias reducendas in crasin suam naturalem, praesertim cum ad medicinam universalem non plures virtutes requirantur, quam octo. Docet enim Galenus *libr. 1. de temp. cap. 8. & lib. 2. cap. 1.* novem esse temperamen-

torum

torum differentias, unam quidem, quæ mediocris sit, *Evangel* &, reliquas omnes interperatas, quatuor simplices & quatuor compositas, sive cum materia sive absq; ea. Quemadmodum igitur Geber tincturam universalem definit *li. de invest.* Magister c. 2. esse superflua demere & absentia supplere in metallis: ita Hipp. *in lib.* de flatibus ait nostram medicinam, sicut & artem communem in humano corpore esse adjectionem necessariorum & detractiōem inutilium. Eodem modo utroq; lapis agit segregando aliena & restaurando vel supplendo deficientia, & sic à discrasia ad crasin, & perfectam sanitatem reducendo. Pergit iterum anticatholicus dicens: tamen si existat aliquis artifex, qui & faciat illum lapidem, & omnes omnino morbosita feliciter sanat illius solius adjumento, parati sumus pedibus in istam sententiam ire. Exspecto ergo de universali medicina experientiam. Respondeo. Non necesse est denuò artis principia constituere per experientiam, quæ dudum à priscis constituta sunt. Si cujusq; absurdo postulato satisfaciendum esset, & rursus oporteret telam novam theorematum ab experientia exordiri, & non potius per textam à priscis accipere, nullus foret artium & laborum finis. Artificum sane nemo ferculum novum tibi coquet, si præcocta palato desipiunt. Da mihi, ais, artificem, qui hæc præstet & credam. At, inquam, similem singularitatem petebat dives ille apud inferos pro fratribus, sed quid tibi & ei respondetur? Habent prophetas, habent philosophos, quorum supra com-

memoravi nomina & libros, quibus credere oportet discentem. Illi ipsi namq; sunt, quibus ut Rhases in libr. 70. *praeceptorum* ait, innitendum est. Nec egemus ut ipse scribis lib. 2. contra Guibertū, post constitutas artes novis inductionibus, quia jam comprobatum est studio, & peritia sapientū, usq; rerum magistro, ita sese habere. Si illos non audis, nec eos audies, qui existunt nunc artifices. Urget amplius anticatholicus jubens argumentū proferri ab experientia evidente & historia singulari. Respondeo iterum, omnia dicta philosophorum esse argumenta usu explorata & suis aetatibus, historiis singularibus confirmata, ut modò suprà ex Bernhardo & Arnoldeo audivimus experimenta hujus medicinae. Sed extant eadem de re adhuc nostro saeculo testimonia publica, & historiae indubitatae fidei. In ore duūm triūmve consistat omne verum. Testimonium publicum est epitaphium Paracelsi, quod Salisburgi in nosocomio apud S. Sebastianum ad templi murum erectum spectatur, lapidique insculptum his verbis: conditur hic Philippus Theophrastus infimis medicinae doctor, qui dira illa vulnera, lepram, podagram, hydroperem, aliaq; insanabilia corporis contagia arte sustulit. Similiter Michael Neander in geographia de eo, sic scriptum reliquit: multi Theophrasto multūm tribuerunt, ejusque ingenio & industriae, quae tanta fuerit, ut non modò celeriter sanitatem amissam corporibus hominum, sed etiam Metallis imperfectis perfectionem reddiderit. Extat & epistola senis cujusdam septuagenarii nomine Francisci

sci natione Misnici, famuli olim Paracelsi ad amicum seiscitantem super hac re, quæ inter alia ita habet: Novi pari industria Paracelsum leprosos; hydropicos, epilepticos, podagricos, morbo venereo infectos, aliosq; innumeros infirmos gratis sanare. Superioribus tribus addamus & quartum, medicis fortassis notius, quod Valescus de Taranta in suæ practicæ *lib. 5. cap.* de stranguria ponit, inquiens: Sine dubio lapis philosophorum inter proprietates optimas (idest virtutes medicinales) & operationes quas perficit in corpore humano, habet proprietatem frangendi lapidem in renibus & vesica, & mundificandi utrumq; ut dicit Berienfis. Habemus itaq; de experimentis universalis medicinæ testimonia publica antiquo & nostro seculo celebrata, quæ negari nequeunt, taceo plura quæ ore tantum & fama vulgi circumferuntur, à maioribus accepta, cum supra dicta veritatis amatoris satis esse queant. E si autem in adductis testimoniis non omnes morbi in specie nominati fuerint, quos per sanavit medicina nostra, palam tamen est præcipuos & incurabiles alioqui sublatos fuisse. Ex quo consequitur omnes cæteros morbos multo majori facilitate curatos secundum axioma *top. c. 2. cap. 10.* Quod magis vel maximè tale est, etiam simpliciter tale est: vel quod superat majus, superat etiam vel vincit minus. Negationes itaque antichymistæ sunt nugatorię & non virtutes medicinæ nostræ, quæ artificum & publicæ fidei documentis irrefragabiliter sunt confirmata. Nunc

ad nostri antichymulæ nugas revertemur. *Thesi.*
 66. inquit: dicere vitam hac medicina produci posse, huiusmodi in hominem cadat impietas atq; dementia? Deus solus est longitudo dierum nostrorum. Atqui ô hypocrita, iterum abuteris verbo Dei ad versus hoc donum Dei, & nobilissimam artem, sicut supra eodem abusus fuisti adversus naturam in generatione metallorû. Præter enim id, quod confundis principia scientiarum probans conclusiones physicas non ex homogeneis & physicis, sed ex theologicis principiis, quod est contra *κείνη* bonæ demonstrationis, ubi nō est transcendendum genus, sed omnia axiomata debent esse *καθ'αυτò*, id est scientiæ propria; etiam cōmisisti manifestum crimen falsi in divinâ scripturam. Nam *Deut.* 30. dicit Moses ad populum, ipse Deus est vita tua, & longitudo dierum tuorum, nequaquam verò dicit: Deus solus est longitudo dierû tuorum, non creatura ulla. Nonne tibi eodem *libr.* *cap.* 4. *v.* 2. præcipit: non addes ad verbum, quod loquor, nec auferes ab eo? tu autem addidisti ex figmento tuo exclusivâ, qua adulterasti textum scripturæ, & sensum pervertisti. Nam si solus Deus immediatè voluisset esse vita nostra & longitudo dierû nostrorû sine ulla creatura, quid op^o fuisset creatione mûdi? Quid parentib. naturalibus? quid pane quotidiano? quid aqua? quid sole? quid ærē? & cæteris ad vitæ sustētationē necessariis ordinariisq; mediis? Deus, homo, & natura non sunt oppositæ, sed subordinatę causę, quæ in uno effectu cōgruere possût, sicut Paulus nobis declarat admodû discre-

tis verbis. 1. *Cor.* 3. v. 6. inquit : ego plantavi, Apollos rigavit, sed Deus dedit incrementum: Sed contra hoc absurdum & etiam illud alterum, quod superius in 15. argumento de formarum in materias introductione à solo Deo immediatè dependente refutatum est, vide *Timpler. Metaph. lib. 4. cap. 2. problem. 40.* Exclamatio igitur hæc adversus medicinam philosophorum, mera hypocrisis est, primo sono speciem quandam magni zeli & pietatis præ se ferens, sed si à piis & acutioribus auri- bus attentius observetur, providentiam & misericordiam erga genus humanum olim in natura positam, & per artes subinde auctam impiè & dementer negat. Nam etsi Moses dixerit, Deum esse longitudinem dierum nostrorum, non tamen excludit panem quotidianum, vel aliud alimentum, sine quo vita nostra, teste Hippocrate, esset tantum *ἐπὶ τῆς ζωῆς*, nec exclusit hanc vel aliam medicinam, quam idem altissimus de terra creavit, & vir prudens non abhorrebit eam, sed stultus antichymista. Sed quid multis? Si Deus solus, ut clamat antichymista est longitudo dierum nostrorum, exclusa medicina, id est si medicinam dies vitæ prorogari nequeunt, quid aliud facit ex seipso nisi inutilem inutilis artis professorem & operarium, qui & suo principi & auditoribus opera & doctrina sua ne hilum quidem profit? Contra quam absurdam & ipsi creatoris intentioni contrariam opinionem notanda est egregia illa sententia Arnoldi de villa nova, quam posuit in præfatione libri de conservanda sanitate, & retardanda senectute ad Robertum

tum Hierusalem, & Sciciliæ regem inquires: licet in manu Domini sit omnium sanitas, mors & vita: non tamen Dei bonitas impedit, quin & naturalis inferioris naturæ cursus, prout eis desuper insitum est, suas peragat operationes. Aliàs medicina, quam propriè ad conservationem sanitatis & vitæ perfectionem creavit altissimus, frustra esset. Hæc Arnoldus. Quod ipsius medicinæ princeps scopus sit vitam prorogare evidens est ex Galeno. 9. *meth. medendi* cap. 10. scribente: Virtutem seu facultates servare, nihil planè aliud esse, quam vitam servare, & utriq; medicinæ, tamquæ morbos abigit, quàm quæ sanitatem tuetur, communem esse vitæ custodiam. Quid autem vitam custodire aliud est, quam vitam conservare, eamq; conservando in dies producere? Qui semimortuum in lipothymia vel hæmorrhagia jacentem rursus erigit recreatq; medicamentis, nonne à morte liberat, & vitæ ejus, quod reliquum est, tempus adjicit? Qui à scorpio-
ne vel serpente ictum vel à cane rabido morsum curat, veneno expulso vel restincto, is à morte liberato homini vitæ spacium prorogat. Qui pleurítico medetur nesciat empyricus & ex empyrico phthisicus, is à præmatura morte, quæ per phthisin tandem indubitanter infertur, redimit, vitam-
que ampliat. Sed de his plura in *lib. 3. chymicarum quest. cap. 7.* ubi irrefragabilibus rationibus, etiam ex Galeno demonstratum est vitæ terminum non quidem naturalem, sed accidentarium medicinâ proferri posse. Quicquid enim vitæ prorogatur, vel potest prorogari, id omne solum finem

vitæ accidehtarium concernit, declaratore etiã Avicenna *Fen. 3. primi cap. 1. artis medicinæ* dotes enumerante, ejusq; potentiam, impotentiamq; uniã explicante: tria quidem esse, quæ præstare non possit ars, duo verò, quæ præstare facile queat, ubi inquit: ars quæ sanitatem custodit, non est ars, quæ à morte securos nos faciat (audi antichymista neq; communem, neq; secretam philosophorum medicinam esse Deum aliquem à morte liberantem atq; defendentem, ut hyperbolicè loquendo *thes. 65. ineptis*) neq; corpus ab extrinsecis nocumentis (quæ sunt casus inopinati, qui singulis momentis homini evenire queunt, ut vulnera lethalia, cædes, lapsus, incendia, naufragia, præcipitia &c.) muniat, neque unumquodq; corpus ad ultimam vitæ longitudinẽ perducatur, quæ est secundum hominem absolutè, sed de duabus reb. securitatem præbet scilicet putrefactionis in corpore omnimoda prohibitione, & defensione humiditatis innatæ, ne citò dissolvatur, & in ipsius (scil. artis medicæ) fortitudine consistit, ut ipsum usq; ad debitum tempus secundum suam primam complexionem permanere faciat. Hæc Avicenna. Ergò in medica artis potentia situm est, putredinem prohibere, & nativum humorem, ne citò exhauriatur, diutissimè conservare, & vitam usq; ad debitum tempus prorogare. Et ut rem dilucidius proponã, cum terminus vitæ (siue mors) sit triplex naturalis, accidentalis, & violentus (pro ut ex superioribus colligi potest, & alibi plenius disferetur, & Arnoldus etiam *lib. de humido radicali cap. 4. super hac re concludit*) omnes operationes medi-

medicorū non ordinari ad retardandā mortē naturalē dictā absolute, sed potius ad tollenda omnia impedimenta veniendi ad illā. Et paulò post idem: Quando medicus dicit in ordinatione vel consideratione cuiusq; causæ salubris, quod mortē retardet vel seniu, aut prolonget vitā & juventutē custodiat & reddat, id totū dici respectu mortis accidentalis, quæ evenit à putredine vel humidi nativi præmatura ex haustione accidentali, nō respectu illius quæ naturalis dicitur absolute. Contra alterū terminū vitæ accidentariū, id est, mortē violentā, alia cautela opus est cū precib. & pietate. Hoc. n. modo unus monachus diutius vivit, quā centū milites. Sufficiat itaq; nobis gratia hæc divina ab arte medicinæ, licet ea terminū naturalē vitæ non extendat si modo remoretur, & removeat terminū vitæ accidentariū, ut ad naturalē illū pervenire queamus, id est ad finem vitæ sano corpore & mente conserve-mur, ne ut psalmus habet, reliquū senectutis nostræ sit labor & dolor, vel ut idē Phnius dicebat, ea sit in poenā vivacis repuerascentis, sed Deo & proximo familiæq; nostræ successuræ potius utiles, quā molesti ad extremū usq; halitū sumus. Secūdo quæ de salubritate stirpiū & alimentorū ante diluviū & maledictionib. terræ post diluviū toties iteratis antichymista nugatur absque ratione & auctoritate, suæ futilitati relinquo; quod mox subdit exclamans. Istasne maledictiones divinas fictitius lapis ab alimentis & medicamentis omnino auferet, Decque vini auferet? Dicat hæc verba potius coquo vel pharmacopæo, quorum est

alimentorum & medicamentorū præparatio atq; correctio, non Philosopho, qui lapidem sive medicinam suam non alimentis nec medicamentis exhibet, ut in iis heterogenea ab homogeneis separantur, sed homini, in quo suam operationem mediante calore nativo propriè perficit heterogenea etiam ex cibo, potu, aëre &c. collecta è corpore per criticas expulsiões separando, & in temperaturas ad crasin redigendo, quantum possibile est. Quærit etiam antichymista, quis ex hujus lapidis fabricatoribus longævus fuerit? At inquam ostende mihi philosophum, qui hac medicina non longævus & immunis à morbis ad extremam usq; senectam fuerit. Credendum expertis, non tibi, cæterisque imperitis, qui tantum quærunt, & ad scientiam nunquam perveniunt. Paracelso diuturnior vita fuisset, si potius voluisset latere more cæterorum, quàm in oculis omnium cum invidia & odio multorum versari. Quapropter quod Seidelius *p. 136.* Et anticatholicus de usu lapidis *p. 147. & 450.* de Paracelso, objiciunt, nullius momenti est. Quid Eudemus Galenum de medicis Romanis super hac redocuerit, legere est in libro de præcognitione *cap. 4.* A violenta morte ex casibus inopinatis nulla nos medicina præservat, sed à morte accidentaria duntaxat ut supra dixi. Tertiò, tres objectiones, quas contra universalem hanc medicinam *thesi. 67.* protulit, falsitatis revincuntur una ratione & hypothesi Galeni & Hippocratis. Ex iis enim quibus *lib. 3. chymicar. quest. cap. 2.* demonstravi medicinam universalem esse possibilem etiam secundum Galenum,

lenum, satis intelligitur, ut & Galenus docet, omni
 causæ præter naturam & omnibus morbis faculta-
 tes vel virtutem ceu adversatricem esse oppositā,
 quam alibi & naturam & calorem nativum appel-
 lat. Huic (ait doctissimus Valleriola) uni generatio,
 auctio, nutritio ciborum confectio, distributio, &
 in sanguinem atq; humores mutatio, excremento-
 rum expulsio &c. accepta referri debet. Hic sensi-
 ones omnes perficit. Hic motus in corpore omnes
 excitat. Hic tandem munia ea omnia obit, quibus
 vel vita foveri vel incolumitas servari in animāte
 possit. Hic unus malorum omnium depulsor atque
 medicus. Siquidem auctore Hippocrate, naturæ
 morborum medicatrices sunt. Hic valido impetu
 morbificas causas depellit, decretoria facit, excre-
 tiones, quibus finire morbus queat, movet ipse ac
 concitat. Hic vitæ fons atq; fomes, quantum lon-
 gissimè potest, eandem prorogat & tuetur. Huic
 in summa id quicquid est, quod vegetum & robu-
 stum in nobis apparet, quod solidum & constans,
 quod salubre & bene temperatum, acceptum re-
 ferri summo suo merito debet, à quo omnia pro-
 fluant ea, quæ in animantis tutelā consentiunt. Ta-
 lium operum omnium innatus calor unus opifex
 est. Hactenus Valleriola. Nunc assumo. Si contra-
 riū morbi, eorumq; causæ, item excernendorū vel
 venenorum diversitas non ferunt medicinam uni-
 versalem, nec quoq; naturam ferent unam univer-
 salem morborum medicatricem. Atqui cons. quēs
 est falsum, & tam naturæ, quā omniū medicorū de-
 cretis adversum. Nam una eademq; natura, unus

calor natus omnes temperamenti & humorū dif-
 crasias reducit ad crasim, per crises ē corpore noxia
 quæq; excernit, causas morificas, venena & mor-
 bos contrarios depellit, frigida calefaciens, calida
 refrigerans, sicca humectans, & humida siccans.
 Ergo & antecedens falsum esse necesse est, qua ne-
 gatur vis universalis medicinæ, & per consequens
 obtinetur, quod idem præstare possit una medici-
 na eidem naturæ seu calido nativo in similitudine
 substantiæ conveniens & correspondens, qua de re
 prolixius in *lib. 3. chymic. quest. cap. 9.* agetur. In
 quarta ratione rursus de more suo antichymista
 theologaster blasphemiam spirat, ex suo spiritu, nō
 veritatis dicens: blasphemiam esse in conditorem,
 quod ociosè tantam remediorum varietatem no-
 bis largitus sit, si curationes omnes uno hoc lapide
 queant perfici. At ô antichymista in eadem pagina
 contradictoria statuis. Cur enim Deus omnib. ho-
 minibus concederet indiscriminatim hanc medi-
 cinam, id est, perfectam liberationem à morbis, si,
 ut ais *thesi. 70.* immoto consilio à Deo decretū est,
 propter abusus innumerabiles subtrahere morta-
 libus copiam auri & argenti: id est, si negata est ho-
 minibus perfecta liberatio à pauperie? Perfectæ
 enim liberationis à morbis & à pauperie eadem fe-
 re & æqualis potest esse abusio. Ideo creavit Deus
 etiam particularia tamq; varia medicamēta, quo-
 niam previdit non fore omnes homines bonos, sed
 bonos malis mixtos, ne interim ij deferantur. Pec-
 catorum frena sunt morbus & egestas. Cur pau-
 peri non das potius centum florenos quam unum

nummum? Si tu non potes largiri, certè reges possunt. At non faciunt, non solum quia non possunt, sed etiam quia non cuivis prodest esse divitem, ita nec cuivis prodest vitam ab ægritudine immunem & longævam adipisci: id quod per hujus medicinæ administrationem fit, cujus usus recidivam non admittit, adeò ut corpus à morbis purificet, in decimam usq; generationem ut Paracelsus tradit in archidoxis. Apuleius fatetur se à numine edoctum, multa herbarum & lapidum genera esse, quibus homines etiam perpetuam sibi vitam contrahere possint (cujus tamen hyperbole ex arte nostra emendabilis est): sed fas non esse secretum eorum cognoscere, qui cum parvum tempus viventes malis avicē studeant, & nullum non scelus audeant, si prolixitate temporis potirentur, neq; diis ipsis parafuros. Et *Marsil. Ficinus. lib. 2. de vita producenda cap. 1.* inquit: instituta verò hæc nec in itineribus, ignavisq; communicare volumus. Quid enim cupiamus istos diu vivere, qui nec vivunt quidem, quasi fucos nutriamus, non apes? Nec hominibus divulgari perdita voluptatum libidine dissolutis, qui brevem quotidie voluptatem longæ vitæ stulte præponunt. Nec improbis iniquisq; patefieri, quorum vita mors est bonorum. Sed viris duntaxat prudentibus atq; temperatis, solertis ingenii, virib. humano generi vel privatim vel publicè profuturis. Hæc Marsilius. Sicut igitur facile concedimus id quod asserit antichymista θ. 71. q. cōmunis hominū vita nō egeat aurificio, id est, q. ex bonis & malis promiscua hominum turba non aurificio,

sed suis quisque laboribus sustentationem quære-
re debeat (noster enim lapis philosophorum est,
non cerdonum vel idiotarum) ita nec hæc medici-
na radicaliter omnes morbos excidens bonis & ma-
lis promiscuè exhibenda est, ne in perniciem bo-
norum foveamus vitam malorum, id est ne mar-
garitis objectis foveamus porcos, qui nos concul-
cent, aut canes a quorum morsututi non foremus.
Medicamenta sunt manus Deorum, inquit ille U-
niversale manus dextra est, particularia sinistra.
Bonis dextra, malis sinistra suo merito porrigitur.
Quod quidem non ita accipiendum puto quasi in-
terdum ex probabili ratione, urgente necessitate,
non possit unum & alterum granum cæteris medi-
camentis mixtum ejusmodi hominibus exhiberi,
sed quod eis hæc medicina dissimulanda sit, fre-
quentiorq; usus denegandus.

XVIII. *Argumentum à negatione chrysopaie id
secundæ effectus thes. 74, 75.*

Firmissime concludimus omne aurum, quod
pro auro venditatur in historiis chrysopæorum
& à Deo non fuit creatum in principio, ve esse so-
phisticum, merasq; præstigias cacodæmonum, vel
à Satana suppositum.

Et per consequens omnes illos homines, qui hu-
jusmodi laboribus in eum finem dediti sunt, aliis
ut fucum faciant, omnium mortalium esse nequis-
simos, Θεομάχους, manifestos impostores, furibus
maximis longè deteriores, indignos Christi-

no nomine, gravissimis verò magistratus poenis dignissimos, si à suo errore avocari se non patiantur, aliisque imponere non desistant.

Responsio.

Nisi hoc argumento antichymistam propriæ imposturæ & omnium eorum criminum; quibus philosophos & bonos artifices coram magistratu & illustrissimis imperii principibus nugacissimè onerat, revicero, mendaciaque in ipsius jugulum retorsero, ego ero unus reorum cum illis, neque culpam neque poenam deprecaturus ullam. Quamquam autem paralogismus iste in responso ad primum argumentum satis refutatus fuerit, tamen quoniam illum toties antichymista in tota disputatione inculcat, & hic in fine repetit, tanquam principale fundamentum hæreticæ suæ in philosophia pravitatis, super quo uno extracta tot mendacia, convicia, calumnias, capitalesque criminationes suas arti & artificibus intentat; philosophorum præsertim Aristotelis & Galeni dictis veluti flagellis tantam temeritatem ob professionem castigabimus, illiusque os impudens evidentissimis rationibus tanquam baxeis Socraticis ad satietatem usque obverberabimus. Ad detegendam autem apertius imposturam breviter & succinctè sophisma revisemus in legitima syllogismi forma quod tale est:

Omne aurum, quod à Deo non fuit creatum in

*principio aut est sophisticum, aut à Satana
suppositum.*

*Aurum quod pro auro venditur in historijs
Chrysopaeorum, non fuit creatum in principio.*

*Ergò aurum Chrysopaeorum vel est sophisticum,
vel si est verum à Satana suppositum.*

Ut nihil dicam de forma ubi minor purè est ne-
gativa in prima figura: Maior simpliciter est falsa,
ex ignorantia puræ negationis. Nec ex inductione
aut demonstratione secundum Aristotelem 1. po-
ster. analyt. cap. 15. 2. post. cap. ultimo & 6. ethic. Ni-
com. cap. 3. nec secundum Galenum à ratione aut
experientia, quæ duo sunt sola cognitionis & veri-
tatis instrumenta, lib. 2. secundum locos cap. 1. lib. 1.
meth. med. cap. 3. libr. de element. cap. 2. ortum ha-
bet legitimum & naturalem, sed spurium & so-
phisticum ex fallacia testimonii, siue crimine falsi.
Captiosum enim non solum est ex alterius scien-
tiæ genere longè, & inconvenienter petitum te-
stimonium, sed multò magis adductum contra
mentem & expressa verba scriptoris. Moses (in-
quit antichymista) in 1. cap. Geneseos non scripsit
aurum vel metalla nasci: Ergò omninò non scri-
psit nasci. Hoc est apertum mendacium contra
Mosen, à quo mox secundo capite expressè scri-
ptum legitur, aurum nasci. Eiusdem fallaciæ so-
phisma est. Moses nihil meminit de benedictione
terræ in generatione metallorum: ergò metalla
non generantur. At inquam, ô bone, ex reticen-
tia Moysis nihil necessario concluditur, & erras si
putas

putas negativè secundum regulam quorundam, extra ambitum theologiae, quodvis in physicis concludi. Quod vel ex hoc uno conjice: quoniam cum Moses nec meminere creationis metallorum, pariter neque metalla creata essent. Utrumque sophisma seu crimen falsi est à *πρόστι* ad *ἀπλῶς* ex *ἀπαιδευσία* seu incitia methodi productum, ut Galenus declarat *libr. 2. de decret. Hipp. & Plat. cap. 3.* quod antichymista ignoravit scientificas sumptiones à communibus seu probabilibus, & à captiosis distinguere, cum rectius debuisset, ut idem mox monet in *eodem libro capit. 5.* demonstrativæ artis sumptionibus servatis discussionem rei ac judicium à sensibus petere, sed bonus iste quasi non ex scientia, sed forte fortuna verum inveniatur, à quæstione ipsa longè recedens testimonia sacrarum literarum imperitè & impertinenter adduxit. Tales sophisticas & extrinsecus ductas probationes in demonstrationibus semper fugere oportet, ut iterum monet Galenus *libr. 2. de fac. med. cap. 6.* Nos autem qui didicimus nihil esse in intellectu, quod non prius fuerit in sensu, (neque enim ex universalibus sine inductione, neque per inductionem sine sensu aliquid scimus, Aristotel. 1. *poster. analyt. capit. 15.*) supra probavimus sufficienti inductione, & necessaria insuper demonstratione, id est, ut Galenus vocat, experientia & ratione: metalla à natura gigni. Contra ex antichymista, qui negat gigni, quærimus, quo præcedente

cedente sensu aut singularium sensu perceptorum inductione id neget? numquid orbem terræ circumierit, & inspectis cunctis metallorum fodinis longa experientia observaverit nihil metallorum gigni? Minimè. Nam neque sumptus habet, quibus hoc præster, neque etiam sumptus fecit ad unam fodinam saltem visendam, sicut ex tota theoria sua lapidea certò nobis constat. Cum ergò principium hoc sive universalè, nulla metalla nasci ex propria phantasia apud semetipsum sine sensu præcursore *αὐτὰρ αὐτὸς* confinxerit, perspicua est falsitas eius, & ruit omne quicquid inde concludere, conclusionique mendaciorum, convitiolorum, calumniarum, & criminum in artem & artifices superstruere conatus est. Consequens etiam ubi scribit antichymista: firmissimè concludimus, omne aurum, quod non fuit creatum in principio esse adulterinum & vel per præstigias cacodæmonum ita apparens, vel à Satana suppositum, risu & strepitu puerorum explodendum est.

Primum quia inter cacodæmones & Satanam distinguens diversam eis potestatem in eodem subjecto tribuit, quasi illis datum sit præstringere oculos in auro sophistico, huic verò supponere aurum verum. Cum tamen ex sacris literis satis notum sit cacodæmonum & Satanæ nullam esse discrepantiam. Deinde quia antecedens, quod est: omne aurum creatum fuisse in principio, nullumque porro generari, est principium sophisticum,

(ut

(ut supra jam revicimus) à cacodæmone vel Sathana, qui est mendacii pater, antichymistæ phantasia per præstigiâs impressum, & in theoria sua pro vero suppositum. Autorem hunc tenebrarum, petitorum principii, vel sola obscuritas prodit. Principium enim hoc non minus obscurum est atque conclusio ipsa. Oportet autem, si naturæ lucem & ducem sequimur, teste Galeno *libr. i. de simp. med. fac. cap. 35.* omnis demonstrationis principia sensui atque intellectui evidentia esse: & *lib. i. meth. med. capit. 4.* primas propositiones ita evidentes esse, ut ex seipsis fidem faciant. Item ex communibus principiis, de quibus inter omnes convenit disputationem auspicari, & transire tum ad reliqua, ut ibidem tradit Galenus. Quis autem hominum oculis suis vidit, vel auribus percepit unquam, omne aurum, quod in toto mundo est, creatum fuisse statim in primo die creationis, nisi fortè antichymista tunc cacodæmon, non homo, quoniâ eo die homo nondû erat, spectator fuerit, quinûc tã audacter propterea nobiscû litigat? Cui homini ita evidens est hoc pronunciatum eius, ut indubiatum uno simul occurso sine ulla demonstrationis ope sub eius intelligentiam vel sensum cadat, quemadmodum auctore Galeno *libr. i. meth. med. cap. 4.* primæ & immediatæ propositiones cadere debent? Quis philosophorum vel Chymicorum id hætenus pro communi & consensu principio agnovit aut recepit? sed potius antichymista, ut verbis Galeni utar *libr. i. de fac. med.*

med. capit. 26. ex quærendis quærenda, & ex obscuris obscura invicem connectens paralogismos facit, & tum vel maximè suas ineptias, id est, ἀπαίδευσιαν prodit. Firmissima igitur antichymistæ conclusio, mendacium est & calumnia tam in naturam, quàm in artem, nempe omne non solum ab arte, sed etiam à natura productum aurum esse sophisticum. Sed antecedentis falsitas multò magis ex consequentium etiam absurditate palam fit. Si enim omne aurum, quod post creationis primum diem, à natura generatur & crescit, est sophisticum, meræque cacodæmonum præstigiæ, aurum etiam Arabicum, (Evilath enim sacris interpretibus Arabia est) quod Moses 2. *Genes.* nasci tradit, & aurum terræ illius optimum prædicat, quod privilegium nativitatis adhuc extra controversiam est, non erit verum aurum contra expressam sententiam divinæ scripturæ, & omnium artificum atque hominum consensum. Item si blasphemum est in creatorem dicere ullum individuum esse melius atque perfectius altero, & de metallis idem dicere verat pietas, ut asseruit *thes. 37.* blasphemus erit Moses, qui ratione creationis (nam metalla antichymistæ tantum sunt creata, nulla generata) aurum Arabiæ pronunciat optimum. At ô blasphemie antichymista, qui tuæ opinionis auctorem (fictitium scilicet) blasphemix damnas ingratus, ad stivam & ad metalla damnandus es, donec resipueris, & saltem ad humanam rationem, quam iustit

nia excessisti, redieris. Adhuc autem aurum Westphaliæ in cumulis Corbachianis ex minerali sua terra renascens: item aurum Ungaricum in filamenti specie, ut ex Scaligero supra audivimus, sub auras prodiens, aurum ex nube rorulenta in patellæ formæ eo modo, quo ferrum in nubibus generatum depluens, aureus dens pueri illius Silesij testimonio Jacobi Horstij medici & professoris pro vero auro celebratus: hæc inquam omnia ex phantastica superstitione tua erunt non verum aurum, quoniam in primo die creationis non fuere à Deo creata, sed post multa secula demum à natura producta. Nondum finis est. Plaustra aliorum metallorum ex absurdis onusta sequuntur. Argentum in plumbariis Sclavoniæ, item in cumulis bisemuti naturali maturatione certo annorum spacio procreatum, similiter ferrum Ilvæ sive Æthaliæ, ferrum Lygiorum ad oppidum Saagam, ferrum Palatinatus Admontani, ferrum Misniæ, ferrum Sueciæ, ferrum in nubibus generatum, ferrum Hybernici ex lignis, sicut & Lusatiæ Silesiæque, æs in cumulis Mansfeldicis, plumbum Fesularum montis Hetruriæ in lapidibus recrescens, plumbum Palatinatus Admontani zu der Grehning reviviscens in cumulis, plumbum Galeni extra mineras etiam in statuis semper augescens, hæc, inquam, metalla, quorum generationem natura ad nostra usque tempora indefesse continuat, erunt non vera

metalla,

metalla, sed præstigiæ cacodæmonum vel à satana supposita. At fatius est nos credere hanc thesin antichymistæ, ex qua tot tantaq; absurda sequuntur, esse à cacodæmone suppositam. Cæteri hostes artistarum arte fieri aurum hæcenus negarunt, noster autem mendacium duplicat, & plus ultra negando adit, ne natura quidem fieri aurum verum. Sed profecto perspicimus in hoc temerario viro, id quod Galenus *lib. de m. arc. ore cap. 2.* scribit: in more positum esse sophistarum, ut manifestissimam etiam experientiam oppugnent, nec adea quæ videntur (ut *Aristot. 2. de cælo. cap. 13. loquitur*) rationes causasq; querant, sed ad quasdā suas rationes, opinionesq; quæ videntur, trahant. Et verū deprehēdimus quod rursus Galen. *lib. 8. secundū locos cap. 1.* ait: quod falsæ opiniones animas hominum præoccupantes non solum surdos, sed & cæcos faciunt. De iis Lipsius in *Const. lib. 1. cap. 5.* præclare ut semper scribit: vidimus stultos & risimus, quos custos aut magister alligabat straminis vel exigui fili nodo, atq; illi stabant quasi ferro, aut vera compede de vincti. Similis est antichymistæ amentia, qui futilis opinionis sive fallacis principii vinculo ita adstrictus stat mente & sensibus, ut sui oblitus, quid ipse de iudicio auri per sensum dixerit thesi nona, nempe antimonium, salem armoniacum, hydrargyrum &c. à Deo data videri, ut eorum ope aurum, & argentum ab omnibus heterogeneis separari possint, ad detegendum omnes imposturas auri & argenti factitii, nunc ex tenebris rationis suæ quasi aliud dignoscendi iudicium proponat, nempe respiciendum ad solam creationem,

quicquid auri creatum fuerit in primo die creati-
onis, id solum esse verum aurum, quicquid verò
generatum arte vel natura, falsum esse & sophisti-
cum aut à cacodzmone suppositum. Sed ô absur-
de, quid aliud facis, quàm quod de sophistis Arist.
8. phys. t. 22. prodidit in re per se sensibus notissima,
quæ rere rationem dimittendo sensum per *ἀπώστη-
σιν τῆς διαβολῆς*, cum potius rerum sensibiliū pro-
prius iudex sensus sit, ut Zabarella ibidem expo-
nit. Similiter Petrus Ferrariensis cap. 15. margari-
tæ sue scribit: *Sicut in scientijs practicis, quando
volumus probare veritatem alicuius sensitivæ, eam
probamus per demonstrationem sensitivam solum,
ostendendo veritatem mediæ ad sensum, & non ad
intellectum: ita quoque oportet nos facere in hac
arte. Unde Philosophus 1. post. anal. Sicut in de-
monstrationibus universalibus medium monstra-
tur ad intellectum, ita in particularibus medium
monstratur ad sensum. Sicut ergò de objecto intel-
lectus non possumus judicare per sensum, ita nec de
objecto sensus possumus judicare per intellectum.*
Et concludit: *Ergò qui hanc artem vel aurum ar-
tis sola ratione vel intellectu non esse verum argu-
unt, nihil probant.* Hæc Petrus Lombardus. Sina-
mus igitur hunc antichymistam aliunde & extra
genus procul principia ducere, libr. 2. de fac. simp.
med. capit. 2. sensumque pro nihilo habere, ma-
nifesta omnibus hominibus aperta que impuden-
ter negare, libr. 5. de decret. Hipp. & Plat. capit. 1.
sibi ipsi adversari in scriptis, ex obscuris de appa-
ren-

rentibus ratiocinari *lib. 5. de fac. med. c. 34.* seipsum decipere, omnia confundere, *lib. 1. de fac. med. c. 32.* & in hoc tanquam victoriam statuere, ut sensus defraudet. At nos ex præcepto Galeni *lib. 1. de facult. med. cap. 34.* tanto decet magis ad sensum accedere, tantoque diligentius perpetuo illi attendere, quanto plura in eo peccant sophistæ omnes, falsa que de eo asserunt. Huic igitur naturæ pariter & artis calumniatori, ut Galenus tales vocat *lib. 12. de usu partium cap. 6.* opponimus infallibilia criteria auri, quæ fiunt per sensum, quibus metallorum docimastæ & Chymistæ utuntur, qui procul dubio tanta fide & cura de judiciis & examinibus auri non traderent, si imponendi hominibus eis animus esset. Geber postquam *in libro summæ perfectionis* tractavit de principiis huius magisterii, docuit in ultima parte libri probationem & examina perfectionis, ut discipulus sciat non solum aurum verum facere, sed etiam aurum & argentum sophisticum à vero discernere. Perinde ut arithmeticus non solum docet numerare, numeros numeris addere, subducere, multiplicare, & dividere, sed etiam quamlibet numerationis speciem probare, ut quisque certus sit ex arte non à secus operatus fuerit. Et Aristoteles non solum tradidit principia syllogismorum, sed etiam in fine docuit, vitiosos & sophisticos à veris dignoscere, & solvere. Non ignorant Chymistæ primi & secundi ordinis medicinis, quæ sunt numero decem, aut etsi plures apud alios inveniuntur, redu-

ctibi-

Atibile tamen ad illas, secundum Gebrum, sophisticum aurum & argentum produci, & esse medicinas eorum, qui ut Albertus loquitur, per alba al-
bificant, & per citrina citrinant, & procul dubio
deceptores sunt. Sic enim testatur autor textus
philosophiae cap. 1. inquit: *Quia priorum duo-
rum ordinum medicinae sunt sophisticae, & non tol-
lunt de commisto, relinquitur una sola, quae est de
tertio ordine, & dicitur unica & vera.* Cui expo-
sitioni ipsius Gebri verba consentanea sunt, scri-
bentis libr. 4. *summae perfectae* cap. 2. per illam nos
excusari à laboribus inventionis decem medicina-
rum. Et libr. 3. cap. 10. idem testatur, quod ratio-
nibus etiam alibi ostendetur. Unde etiam secun-
dum tria quasi diversa principia, ut sunt natura;
lapis philosophorum, & medicinae sophisticae ex
corrosivis. Avicenna in dictione 5. cap. 7. & 8. *Au-
rum & argentum triplex agnoscit, naturale, ma-
gistrale & sophisticum*, quod Johannes de lapide
diviso scilicet in duos album & rubeum l. b. 1. cap. 3.
& 31. dilucidius ex effectibus medicinae distinxit;
dicens: *Tribus modis aurum fieri potest. Primo
est aurum naturale seu minera: Secundo aurum
alchymicum: tertio aurum lapidis philosophorum.*
Ex effectu autem sic discernuntur: Aurum al-
chymicum in potu datum non laetificat cor homi-
nis, sed nocet, quia ex corrosivis compositum est;
& vulnus ex eo factum tumescit. Aurum verò
naturale datum in potu; nihil agit, quia taliter
ut comestum est, excernitur.

autem lapidis philosophorum est solum, quod
 quæritur in nutrimentum, & etiam liberat à lepra
 & ab omni infirmitate datum in potu vel cibo, &
 vocatur aurum Dei. Sed præter hæc & vulgarem
 dignotionem ex pondere, extensione per malle-
 um, attritu coticulæ & colore, Chymistæ multò
 plura & accuratiora in promptu habent iudicia,
 quorum à Gebro recensentur novem, ut cineriti-
 um, cementum, ignitio, fusio, super vapores acu-
 tos efflorescentia, extinctio ignitorum, admixtio
 adurentium, post calcinationem reductio, argen-
 ti vivi facilis vel difficilis susceptio, & alia duo
 à recentioribus inventa adiectaque, transfusio
 per antimonium, & quartatio sive probatio per
 aquas fortes. His positis contra antichymistam,
 sic argumentor cum Magistro Bono. Quodcun-
 que aurum habet & servat in omni examine per
 ignem & extra ignem omnes specificas propieta-
 tes, passionēs & operationes auri, illud est verum
 aurum & non sophisticum, aut per præstigias ca-
 codæmonum tale apparens tantum. Aurum au-
 tem quod à natura generatur in cumulīs vel in ve-
 nis, aut ab arte per lapidem fit, & huiusmodi. Er-
 gò aurum à natura & arte generatum est aurum
 verum. Propositionis veritas hinc constat, quòd
 differentiæ specificæ rerum, sive formæ substan-
 tiales sunt nobis ignotæ, ut patet ex 4. *metaphys.*
in fine & ex 1. de anima. Nec cognoscimus eas, ni-
 si per proprietates & passionēs : & proprietates
 & passionēs per operationes & accidentia : &
 ideo

ideò quales sunt operationes & accidentia in rebus, tales judicamus proprietates & passiones: ergò & per consequens formas: quia omnis cognitio etiam incipit à sensu, ut patet ex 1. *phys.* & 1. *post. an.* & 1. *metaphysica*. Unde philosophus in 1. *de anima*, volens nos inducere ex hoc in cognitionem animæ & aliarum formarum dicit sic: Accidentia magnā partē cōferūt ad cognoscendū τὸ τί ἐστιν αὐτῶν, id est, definitionem & formam substantialem. Talis autem cognitio accidentium est per sensum: quia sola accidentia sunt objecta sensuum. Unde philosophus 4. *metaphys.* arguit ex operibus rerum & accidentibus super ipsas formas, his verbis: *Quod enim facit operationes oculi, est oculus: quod verò non, non est oculus, sed imago oculi: & serra lignea non est serra, sed imago serræ.* Nec in rerum natura datur melior & certior modus perveniendi ad scientiam, nisi talis cognitio rei per accidentia propria: quia tum per causam uniuscuiusque rei propriam res cognoscitur, cum de accidentibus eius propriis minimè dubitatur, neque hoc in metallis est difficile, cum non sint diversæ substantiæ, sed homogenea per totum. Assumptio patet sic: quia quicumque vult verè cognoscere aurum & argentum, secundum eorū formam specificam, cognoscet per eorum proprietates & passiones & accidentia & operationes, sive sint activæ sive passivæ. Nunc verò proprium auri est, esse metallum coloris citrini fulgentis, mutum in sono, ponderosum,

rosū, extensile sub malleo (in eam tenuitatem, ut eius unica uncia in bracteas diducta etiam decem terræ jugera tegere queat, & tertia pars grani eius trahi possit in fila 134. pedum, ut Cardanus *de varietate rerum* scribit) incorruptibile in terra, aqua & aëre, atque in igne examen per cineritium cementum, antimonium, & adustionem cæterorum adurentium calcinationes, & reductiones, ignitionem, & fusionem sibi convenientem, extinctionem item sine mutatione & diminutione sui, & ponderis & coloris sustinens, in expositione super vapores acutorum colore debito florens, argentum vivum facile suscipiens, imò in eo solum fundum petens, cor confortans, &c. neque plus de conditionibus auri in toto mundo per philosophos, & fossiores metallorum cognitum est. Ergo, experientia teste in quocunque metallo si-
ve à natura siue ab arte generato reperiemus omnes proprietates prædictas, & accidentia & operationes, necessario arguimus ipsum esse aurum verum: & si illarum, quas enumeravimus conditionum aliqua deficiat, non erit aurum. Quia igitur aurum naturale, & magistrale habet omnia prædicta, ideo judicamus utrumque esse aurum verum & non sophisticum. Experimentum autem ex decreto philosophorum testatur hoc ut dictum est secundum sensum. Quod si non est idē aurum cum auro vero, quod solum creatum esse antichymista vult, oportebit eum necessario ponere easdem proprietates omnes in specie manare

à con-

à contrariis formis, quod est planè impossibile. Necessè est igitur, quod sint idem. Aut doceat antichymista, qui sibi soli à principibus credi ita insolenter postulat, doceat, inquam, nos & doctissimas, quibus indiciiis aliis aurum verum à falso dignoscatur. Sophisticum aurum, ut rursus Petrus Ferrariensis *capit. 23.* narrat, semper inficitur ab aëre & igni ignitionis, & pulveribus corrosivis, quibus fit cementum, nec habet molliem, tenacitatem & ductibilitatem ad malleum nec flexionem, sed facilem fracturam, nec ignitionem auri, nec ponderositatem (imò centies rarius est legitimo) nec sonum tenuem auri, sed æris vel argenti, nec bibit argentum vivum facile, ut aurum, nec cum eo possunt deaurari aetalla, nec in mercurio fundum perit, sed supernatat. Eiusmodi autem nec naturale aurum, nec magistrale est. Ergo neutrum est sophisticum. Jurare ausim, ita me Deus amet, neque sophisticum aurum neque argentum ab antichymista visum unquam esse, eumque nec ulli tali examini interfuisse, unde discere potuisset, quibus conditionibus falsum à legitimo discreparet: alioqui aliter locutus fuisset, nec ita omnia more sophistarum confunderet, naturale & magistrale iniquo iudicio cum sophistico damnans, & infantem, quod Germanis in proverbio est, cum lavacro effundens. Impostores, quod notum est ijs, qui cum illis versati sunt, in alchymia sophisticantibus suis à cineritio extremè metuunt, nec illud minus fugiunt atque cacodæmones lucem. In hoc

enim vel uno examine omnis impostura detegitur, omnisq; magica vel dæmoniaca oculorum præstigio evanescit, ut Paracelsus docet, & ejusdem septupli certitudinem, tam scriptura sancta, quam Albertus ex perimento confirmat. Philosophi autem nec cineritium, nec aliud ullum examinis genus detrectant auro suo, quod faciunt, sed notum est ex additionibus Joh. Andreæ *ad spec. in tit.* de crimine falsi, quod Arnoldus Villanovanus virgulas auri, quas faciebat in curia Romana consentiebat submitti omni probationi. Similiter aurum juvenis illius insularis (cujus ita publicè tingendi audaciâ ne, an tam maturè adeptæ difficilimæ artis fortunam, si cum aliorum & præsertim Comitis Trevisani tot annorum laboriosa inquisitione & studio confero, magis mirer, non invenio) quod projectione pulveris cujusdam sui ponderosissimi, pinguisissimi citrini anno. 1603. mediæ ætate coram Jacobo Zvvingero ex Zvvingerorum familia, & Johan. VVolffgango Dienhemio Medico in academia Friburgensi professore, tincturæ una parte millia quingenta octuaginta, quatuor pondera plumbi in aurum transmutante, Basileæ ex plumbo, sicut postea eodem anno diebus 6. & 11. Augusti ex aliis metallis etiam Colonie coram multis testibus fecit, probatum fuit, quod post examina aurifabrorum multis parasangis aurum Ungaricum vel Arabicum superabat, ut referunt Hoelandus & Dienhemius, apud quem

pari-

pariter, & Jacobum Zvvingerum frustra ejus auri arte facti adhuc invenire licet. Plures quidem artis effectus nostro tempore cognitos, ut tincturam Hinderhoferi, quæ 7000. partes, Gustenhoferi, quæ 4060. tingebat, (quæ tamen ambæ erant tela ex aliena pharetra.) Schvvertzeri, de quo auro ab ipso Augusto Saxoniae duce per projectionem ejus tincturæ facto ipse vidi apud Comitissam quandam armillam duarum unciarum pondere. Item Sendivogii, quæ erat in forma liquoris, quo majorem clavum ferreum mutavit in aurum, quod in examine ignis amicus quidam meus, qui clavum in manu habuit, frustumq; inde decidit, optimum deprehendit, pluresq; oculos testes novissimè recensere, sed sufficiunt duo modò, & alibi etiam in publicis typis nominati, adhuc viventes, coram quibus si antichymista cum his nugis, mendaciis, calumniis, & criminationibus artis & artificum comparuerit in legitimo judicio, extremam suam stulticiam, inscitiam & temeritatem in nugando, conviciando, calumniando & damnando cum pudore, & infamia sui deplorabit, & magis quam piscis obmutescet. Quare desinat posthac imperitia sua artificibus impertunè obstrepere, & sophisticos suos in aulis vendere.

XIX. *Argumentum à personis artem hanc tractantibus.*

Thes. 33. Quotusquisq; est ex aurifactoribus, qui non vocationem suam deserat, & functionibus muneris sui prætermisissis tempus in auro faciendo frustra consumat? Qui labor thes. 32. maledictionem in ipsa experientia manifestissimam habet.

Responsio.

Sophistę est nihil distinguere, quod hic antichymista facit, qui dum vitia personarum cum arte ipsa confundit, duplex committit sophisma accidentis. Si imperitorum errores aut frustranei labores vel impostorum fraudes arti aut artificibus per se sunt tribuendę, etiam antichymista imperitus & impostor erit. Quotusquisq; enim ex medicis illis circumforaneis non deserit opificium suum ocium sectans? Quotusquisque illorum bene medetur, aut non impostor est? Num hæc culpa ipsius medicinę est, aut bonorum medicorum? Minime verò gentium. Ita quoque si sutores, figuli, pictores, lanifici, aurifices, lithotomi, quos omnes vidi desertis opificiis, sine cognitione sui, huic arti sese ingerere etiam apud magnates, quid hoc ad scientiam ipsam, quę ex se certa est? quid ad philosophos etiam, qui nequaquam ex sordidis

&

& quæstuariis artibus ortum ducunt, sed ex liberabilibus? Extra quas, quicumq; ad hoc magisterium aliam viam quæserit, assimilabitur viro per seales absq; gradibus intenti ascendere, quod cum nequisserit, super faciem pronus in terram decidit, inquit Morienus. Sed heus tu antichymista qua fronte, qua mente philosophos istos accusas delectationis, aut frustrati finis, qui ne ulium in hac scientia verum artificem per omnem vitam tuam vidisti? Xenophanes philosophus Colophonius apud Laertium cum aliquando accepisset Empedoclem Agrigentinum dicere solutum, per difficile esse, hominem sapientem invenire, & merito respondit, quod sapientem esse oporteat, qui sapientem explorare cupit. Ex quo consequitur philosophum esse oportere, qui philosophum vult invenire aut agnoscere. Quod si comes Trevisanus scientiæ hujus studiosus per tot annos peregrinatus nullis parcendo sumptibus neclaboribus, non valuit in familiarem consuetudinem horum hominum venire, multo minus à sophistâ & antichymistâ quispiam eorum invenietur: cum sapiens etiam coram à stulto non agnoscatur. Accepi à seno quodam adhuc vivo, quo olim adolescens in hac arte magistro usus fui, quomodo vir quidam doctus casu sibi in itinere obviam factus, exinde in diversorio post multos de hac philosophia & philosophis collatos sermones, monstrata etiam mediæ naturæ, præcipuæq; artis materia, tandem valedicens in hæc verba eruperit: Hodie vides philosophum.

Et vitâ

Et vitâ fortasse tuâ non amplius ullum.

Unde facilè existimare licet, quanta raritas in terris sit horum hominum. Galenus *lib. 2. meth. med. cap. 5.* fatetur se per omnem vitam suam, quam tamen, ut ex Langii epistolis constat, ultra centum & quadraginta annos produxit, ne quinque quidem viros invenisse, qui esse potius, quam videri docti cuperent. Nisi enim (inquit) quis sapientiam ipsam propter seipsam expetat, ne tempus quidem ullum inveniet, quo se in ejus inquisitione exerceat, imò divitiis, famæ & potentia civili inhians, in horum ambitu vitam totam consummet. Quod si Galeno sesquiseculi tempore non obtigit plures viros verè doctos videre, quid nobis homuncionibus tertia fere parte brevioris vitæ experientia expectandum sit de philosophis istis difficilioris sapientia indagatoribus, eorumq; numero & paucitate in promptu est divinari, quorum respectu Galenici viri initiati duntaxat nominandi essent. Quod cum ita sit, nihil mirandum est (inquit Petrus Ferrariensis *cap. 4.*) sapienti, qui terminos in libris philosophorum hujus artis novit, si non appareat aliquis hanc artem actu habens, sed potius mirandum, quomodo quis possit pervenire ad ipsam, cum ejus inquisitio sit difficilior, profundior, & longioris temporis. Sunt præterea plures alia causa, cur viri tales cum thesauro suo latere, quàm illum publicè deprædandum gestare malint, αὐθαίρεται secundum Deum habentes in se ipsis, nec divitiis, famæ aut potentia civili

civili inhiantes, ut antichymista *thesi.* 36. incivili-
ter & portentose adversus quinque viros Galeni, &
eos omnes philosophos mentitus est, ex pravitatem
ingenii sui alios judicans. Propterea mihi quoque
suspecta est societas illa philosophorum crucis ro-
seae, pellicentium alteri partium adversarum sub-
sidium ex hac arte, contra institutum philosophiae,
quae civilibus controversiis bellicisque rebus impli-
cari prohibet, nisi forte contra alienos à fide Chri-
stiana tyrannos, quod & ipsum tamen exemplo
Lullii male cessisse palam est. Cum enim regi An-
glorum sex milliones auri ad bellum adversus Tur-
cam & infideles suscipiendum suppeditasset, rex
tanta vi auri non solum contra fidem promissi ad-
versus Galliarum regem bello moto abusus est, sed
& artificem ejus, largitionisque autorem propterea
quod esset ab eo postea violatae fidei redargutus,
persecutus est. Lullius qui procul dubio, ut ex cir-
cumstantiis conjicitur, votum fecerat, se adepta
arte contra infideles pro Christi gloria & ecclesia
usurum, quoniam hac via non successerat, aliam cer-
tiori & sanctiori tentat, magnoque zelo ipse in Afri-
cam transfretans, Bogiae Tunisiique evangelium
praedicavit, ubi tandem martyrio coronatus anno
octuagesimo aetatis suae fati concessit, sicut in ejus
vita legitur. Sed hoc in *cap. 7. lib. 2. chymic. qua-*
stion, enucleatius disputa-
bitur.

XX. Argu-

XX. *Argumentum à modo discendi & docendi artem.*

Chriftiani hominis non eft. 1. Deum tentare; eique præſcribere, quod tu facis aurum à Deo petendo ac ſperando citra omnem promiſſionem Dei. 2. Revelationes petere myſteriorum à Deo. Nam Deus ipſe ſemper certis hominibus (quos ipſe ad id vocavit) myſteria ſua revelavit: ſuamque libertatem ad certos minimè adſtringi vult. 3. Alios ſeducere, & in exitium præcipitare audaciſſimis mendaciis atque ænigmatiſis, quod tu facis more *λογίζης* Apollinis ſeu potius Satanæ. 4. In verbo Dei, quod nobis æternæ ſalutis cauſa datum eſt myſterium aurificii quærere, eidemque affingere:

Reſponſio:

Nunc intentionem chymiſtarum & utrumque tam diſcendæ, quàm docendæ artis modum reprobare & ſuſpectum reddere conatur antichymiſta; ſed fruſtra. Ex ſuo enim ingenio ſolum ad aurum intento fingit ſcopum alchymix præcipuum eſſe aurum facere, vnde chymiſtas more vulgi, vel allicorum, qui non plura ſciunt non medicinæ ſed aurifactorum & chryſopæos nominat. Cum tamen multò antiquior & nobilior ejus effectus ſit medicina, propter quam primævi patres hanc artem; antequam ulla mercium permutatio eſſet, & numus earum ſponſor & vicarius fuiſſet inventus;

tra-

tractarunt ad vitæ longæque conservationem, sicut
lib. 3. quæst. chymic. cap. 2. ubi de autoribus chymicæ & Salomonis scientia quæstio erit, probabitur. Hodieque multos novi, qui non auri sed perfectæ sanitatis consequendæ cupiditate arti operam navant. Et planè sentio, nec philosophiæ nec religioni nostræ congruum esse alchymiam animo ad solum aurum intento seclusa medicina tractare, qua in re mecum sentit Johan. de lapide diviso *lib. 1. cap. 44.* & ibidem incommoda inde evenientia recenset. Ita quidem cum perfectis perfectè sentiendum: si quid verò etiam parvulis communem vitam in sæculo agentibus indulgendum, ita responderi potest. Esto, secludatur medicina contra philosophorum mentem, & solum aurum in specie peratur, num propterea non liceret artificii aurum absq; ullo dolo, alteriusvè detrimento per legitimam artem ad necessitatem & non ad fomentum atque augmentum luxus sui & aliorum quærenti cum sudore vultus & labore manuum Deum omnis boni largitorem in vota vocare? Numquid peccant metallici fossiores & fodinarum domini, quando benedictionem divinam implorantes ad laborem in fodendo perunt & sperant in specie nihil aliud à Deo, quam aurum, vel argentum vel aliud metallorum? Si hoc est tentare Deum, ei que in specie præscribere, ut tu antichymista sis, quid largiri is debeat, ipsa oratio dominicæ, quæ petitiones in specie septem, & lithaniæ, quæ multo plures habet, horrendum dictum & blasphemum, meræ tērationes atq; præscriptiones forent, in obitu ipse

ipſemet tentator & præſcriptor talis eſſes, qui in curationibus morborum unà cum ægris in ſpecie petiſ à Deo ſanitatē, & inde in ſpecie aurum, niſi fortassis numos æreos pro pietate tua *theſi.* 38. declarata accipere malis. Abſq; hoc non inſervires tuo principi, nec academiæ, ne ægrotis. At inquis citra promiſſionem divinam chymiſtas id petere. Quiſ tibi diceret? Unde probas. Nam ex primo capite Geneſeos, quia metalla non generentur. At hoc deliramentum tuum eſt, & alibi ſatis refutatum. Nihilo ſecius natura metalla generat, & quavis non generaret, tamen finis artis immotus conſtaret, qui non eſt generare metalla, ſed dudum generata tantum tranſmutare. Deinde ſacra ſcriptura (ex qua theologaſter iſte contra artem ſemper diſputat) in myſteriis ejusmodi myſticum hunc diſcendi & docendi modum non improbat, ſed mandat utrumque. Primum *Jac. i. v. 4. Ph. lip. 3. v. 15. Matth. 7. v. 7. alterum Matth. 7. v. 6. i. Cor. 2. v. 6.* Quod verò addit antichymiſta, Deum ſemper certis hominibus ad id vocatis ſua myſteria revelare hoc ipſum eſt, quod volumus. Nam ſicut.

Virtutem poſuere Dii ſudore parandam:

Ita non omnibus promiſcuè, ſed certis, & iis ſolum, qui in hac arte ſudant, ſtudent, orant, & laborant, & quidem non niſi animis purgatis hoc myſterium revelat, atque largitur, Qui curvat dorſum ſuum, inquit Baſcen in turba, in liberis noſtris legendis, eiſque vacat, & non eſt vanis implicitus cogita-

cogitationibus, Deumq; præcatur, in regno regnabit indeficienter, quousq; morietur. Porro quod culpatur doctrinam philosophorum ut per ænigmata, aliaq; obscura dicta seducentem lectores, & præcipitantem in exitium, & leges docendi artem philosophis præscribere audet, plane videtur sus Minervam docere, parum perpendens geometras geometricis, musicos musicis, medicos medicis & sic quemlibet artificem docere disciplinam suam propriis artis vocabulis, quasi solis chymistis licitum non esset suo more & modo artem tradere posteris. Hujus autem mysticæ traditionis per tropos, allegorias, & ænigmata, justissimas habent rationes de quibus *lib. 2. chymic. quæst. cap. 9.* copiose differetur. Præcipua vero est, quod mundus, ut & supra ad argumentum 17. diximus, mixtus est adhuc ex bonis & malis, ne malorum proterviam in bonorum exitium armarent, & sic, dum indiscriminatim omnibus aperte docendo prodesse vellent, omnibus nocerent. Unde Aristoteles in epistola ad Alexandrum scribit: causa quidem, quare tibi revelem secretum meum figurative tecum loquens ænigmatibus atque signis, est quia timeo nimium, ne liber præsentium in manus deveniat malorum & in potestatem arrogantium, & sic perveniret ad illos ultimum bonum & arcanum divinum, quo summus Deus eos judicavit indignos. Ego sanè si aliter facerem, transgressor divinæ gratiæ & fractor cælestis sigilli essem, nec occultor revelationis. Ea propter tibi sub attestatione

divini iudicii de lego sacramentum eo modo, quod mihi revelatum est. Præterea quomodo philosophi possunt seducere eos, quos tam fideliter cum Gebro monent & absterrent, ne libros suos legant, scientiamvé attrectem? Ita enim *lib. 4. summa perfect. cap. 12.* inquit: Filii doctrinæ perquirite, & hoc excellentissimum Dei donum vobis solis servatum invenietis. Filii insipientes nequitia & malevolæ pravitatis immensè ab hac scientia fugite, quoniam est vobis inimica & adversa & vos in miseriam paupertatis constituet, quoniam vobis penitus hoc Dei donum divinæ providentiæ iudicio est occultum & denegatum omnino. Quod postremo ponit chymistas in verbo Dei mysterium hoc aurificii quærere, eidemque attingere, responsionis non eget, quoniam est apertum & crassum mendacium. Nam ne litera quidem ex ullo probato huius artis scriptore proferri potest. quæ docuerint aurificii mysterium esse in sacris literis quærendum.

XXI. & XXII. *Argumentum, an ars alchymia sit licita?*

Scribit antichymista *thesi.* 30. alchymiam ut artem illicitam à concilio Anticyrano dampnatam, deinde *thesi.* 34. nullo privilegio imperatorum, ut cætera honesta vitæ genera donatam.

Responsio.

Adhuc non potest melius responderi, quam ex ore ipsorum jurisconsultorum. Scribit autem doctissimus jurisconsultus Thomas Arfonceus in responso de jure alchymiae his verbis: An ars aliqua sit licita, considerandum est num jure divino aut humano sit prohibita. Nam licita & illicita ita discernantur l. 1. ff. de concubin. l. cum senatus ff. de rebus dub. l. 1. & per tot. tit. ff. de colle. & corporibus. Quantum ad divinum, certè nullum textum reperio, ubi alchymia & auri confectio prohibeatur: cum tamen innumera vitia & crimina legislator divinus Moses in levitico & deuteronomio persequatur. Neque puto illum magis prohibuisse distillationes & auri argentique confectioem, quam clinodiorum, annulorum, & cæterorum ejusmodi ornamentorum conflaturam, quibus Salomon & alii reges ornabantur. Quantum autem ad jus civile, certè nulla litera in *Digestis* & *Cod. Justin.* vel *Novell.* ostendi potest, quæ ad prohibitionem alchymiae pertineat, quin potius fusoria

ars comprobatur & laudatur, & præmiis decoratur *lib. 1. c. de excus. artif.* Et de metallariis, quod legitimam artem exerceant, dubitari non potest *extit. Cod. de metallariis lib. XI.* Ad propositam igitur quæstionem breviter respondetur » Si communis doctorum opinio facit jus, ut inter omnes peritos constat, sequitur, quod alchymia sit licita. Verum autem est antecedens: quia Oldradus, Baldus, Johan. Andreas, Panormitanus, Andreas Iserinus, Albericus de Rosate, Albertus Brunus, Guido Papa, & alii complures tam civilistæ, quàm canonistæ illam comprobarunt. Ergo & antecedens verum, nempe alchymiam esse licitam. Tria igitur multennis stropharum meditator antichymista in hac criminatione artis crimina falsi committit. Primo quia in nulla historia, nec in conciliorum tomis legitur fuisse unquàm concilium aliquod Anticyranum; deinde, quia nec ullo in concilio ejusmodi quæstio agitata vel hæc ars prohibita aut damnata refertur: tertio quia alchymia cum metallaria & fusoria (quoniam cognatarum artium par est ratio) iisdem privilegiis donata censetur. Damnamus igitur multo justius antichymistam cum sua multenni ista theorica ad Anticyras, ubi concilia habentur insanorum, donec sanam mentem & sensus elleboro bene expurgatos receperit.

F I N I S.

EPIGRAMMA IN ANTI:
chymistam metamorphosin ab al-
chymia passum.

Dum Papius chymicos male sanâ mente refellit:
Fit Papius chymico Lappius in lapide.
Artem mutandi oppugnans mutatur ab ipsa:
Atq; suo dignum crimine nomen habet.
Vos alii o fores chymia nunc discite ab illo:
Talia contemptor premia quisq; feret
Cui nondum satis est ipsa experientia testis:
Ostendi solem postulat ille sibi.



ARGENTORATI.

Excudebat Conradus Scher.

ANNO M.DC.XVI.